

RB 4953



605-1887

~~Ce 4-g-20~~





COMMENTATIO
DE
INITIIS AC PROGRESSIBUS
IRRITABILITATIS

QUAM
EX DECRETO ATQUE AUCTORITATE
ILLUSTRIS ET
GRATIOSI ORDINIS MEDICORUM
IN REGIA FRIDERICIANA

PRO

DIGNITATE DOCTORIS MEDICINAE
ET CHIRURGIAE

SOLEMNITER IMPETRANDA

AD DIEM III. M. DEC. MDCCLXXXII

HORIS LOCOQUE CONSUEVIS

PUBLICAE ET PLACIDAE ERUDITORUM
DISQUISITIONI SUBMITTIT

AUGUSTUS GOTTLOB WEBER,

HALLA - MAGDEBURGICUS.

HALLAE
LITTERIS ORPHANOTROPHEI.

Digitized by the Internet Archive
in 2016

<https://archive.org/details/b24931883>

M A N I B U S.

ALBERTI.^{AB.} HALLER.

SANCTE. PIE. AUGUSTE.

VENERANDIS.

AD. IMMORTALITATIS. RELIGIONEM.

MEMORIAMQUE. CONSECRATUM.

P R A E F A T I O.



Legibus academicis satisfactorius, cum in animo cogitarem de argumento, quod pertractandum eligerem; equidem intellexisse mihi videor, superesse adhuc unum peragendum, quo ad perfectionem producatur, quae Physiologiam ac Pathologiam eximie illustravit, doctrina de irritabilitate. Summus HALLERUS, ut breviter strictimque dicam erudito lectori, quae velim, in eo elaboraverat, ut facultatis sentiendi, et quae intime cum ea coniuncta est, vis irritabilis corporis humani limites definiret. Plurimis itaque tam in animalibus vivis, quam data occasione in ipso animalium principe experimentis factis, partium edidit conspectum, quas sensu atque irritabilitate destitutas vidit. Fieri non potuit, quin animos medicorum commoveret, cum plurimis partibus, de quarum sensibilitate nullusdum dubitaverat, facultatem hanc denegaret. Repetita sunt experimenta, quorum diversus fuit eventus; alia enim novam atque inauditam sententiam confirmarunt, alia sensus, doloris atque ir-

ritabilitatis indicia manifesta prae buerunt. Utramque in partem experimentis et observationibus, et magna atque acriori, ut fit, contentione disceptatum est, dum demum HALLERUS diuturnae controversiae finem imponeret, epistola ad HAENIUM data (*), „qua WHYTIO concedit, partes nervis quidem, at vero paucis donatas, quarumque eam ob causam paucus sensus sit, posse et *in inflammatione et in violenta extensione* acutius sentire; ut vero omnis erroris occasio praecisa sit, fide confirmat, numquam se immiscere voluisse Pathologiae. „ Equidem in medio relinquam, utrum haec serio et iudicato potissimum ex animo scripserit HALLERUS, an, ut daret aliquid contumaciae aduersariorum? — Utcumque res se habet, negari tamen nequit, morbis, inflammatione, animi adfectu aliisque causis effici posse, ut partes laesae nunc sentiant, quae sub alia conditione insensiles esse videantur, et, quibus per ratiocinium atque experimenta nulla vel per exigua sit irritabilitas, phaenomena irritabilitatis ostendant. Quare videndum est, ne nimium tribuamus experimentis, et machinae animatae potentiis arctiores terminos praescribamur, quam quibus natura continuit.

Operae

(*) Rogatu suo ab HAENIO impetravit HALLERUS, ut eam cum republica litteraria communicaret T. XIV. rat. med.

Operae pretium facturum me esse putavi, si observationes autorum, instar fragmentorum dispersas, conquirerem, atque ita disponerem, ut conspicerent lectores summam sensibilitatis atque irritabilitatis inconstantiam, et summe irregulares effectus pro statu vel sanitatis vel aegritudinis diverso. Iam inchoaveram argumenti huius elaborationem, et praefatus eram nonnulla, quae facere mihi videbantur ad irritabilitatis historiam, cur tandem intelligerem, fieri non posse et ob libelli academici, et ob temporis angustiam, ut supremam manum tentamini meo imponerem. Quibus adductus, loco speciminis inauguralis irritabilitatis historiam imprimendam curavi; profiteor autem et in me recipio, *systema de sensibilitate atque irritabilitate partium morboſa*, quam primum exstructum fuerit, proditum esse.

Cum virium mearum tenuitatem nemo me rectius sentire atque accuratius intelligere possit, quantae fuerint partes, quas, bibliotheca locupletissima ac publica destitutus, susciperem; equidem facile confiteor, in commentatione priori multa fortasse (an gravioris momenti? dubito) cognitionem meam subterfuisse, quae maximopere peto, ut primitiis academicis indulgeat aequi censoris humanitas.

C O M M E N T A T I O
DE INITIIS AC PROGRESSIBVS
IRRITABILITATIS.

Cum viri doctissimi et ab omni inde tempore et ex universo eruditionis ambitu in eo sibi consentiant, historiam dogmatum diligentius excultam in fructum litterarum redundare uberrimum, neglectam vero progressus earum maxime retardare; equidem nescio, quo fato medicinae eveniat, ut neque dum nostra aetate, qua multa emendantur, plura medicinae accedunt, egregii illi viri, qui seculum ornant, de ea re coniungant vires et coeant societatem, ut omnibus demum partibus historiam medicinae expleant, quam ceteris disciplinis hactenus inferiorem esse, candide profiteor, non sine rubore. Eximiam non suavitatem tantum, sed etiam laudem inesse in doctrinarum historia, de eo qui dubitaverit, vix crediderim fore aliquem liberaliter educatum, et solidae atque elegantis doctrinae medicae studiosum. Insigne est eruditi decus, — cuius vero nec nomen mereri, nec sustinere dignitatem potest, qui dogmatum, quae profitetur, origines atque incrementa ignorat.

Fieri non potuit per aliquot mille annos, quin formam mutarent doctrinae, et plurimas vicissitudines subirent; quas modo attentiori consideraveris animo, facile intellexeris, non exiguum esse cumulum, qui veri falsique cognitioni ex earum indagatione

tione

tione accedat. Neque aliter veteres recte intelligi, et quidquam fructus ex eorum monumentis capi, mihi persuasum est. Ita eo tandem devenimus, ut veterum et recentiorum de arte salutaris merita pro eo, ut par est, diiudicare queamus. Ita perspicimus, primos doctrinarum conditores ex his, quae vel sponte vel de industria observarunt, sua deduxisse, et haecenus egregium attentionis ac diligentiae subsequenter seculis praebuisse exemplum, at minime phaenomenon causas detegere potuisse densas ob tenebras, scientiae naturali obductas: recentiores vero, minutissima etiam confectando, rectius intellexisse causas effectibus nexas, multaque in medium attulisse, temporis tandem beneficio detecta et comprobata.

Equidem non ignoro id genus hominum, qui subtilitate ingenii, et nescio, quo voluptatis sensu incitati, universam recentiorum doctrinam ex antiquitatis tenebris eruere studeant, atque identidem in ore gerant tritum illud: *legite veteres, spernite recentiores, et eritis nostri!* Ab eo quantumvis me remotum profitear, dissiteri tamen non possum, plurimas nostrae aetatis doctrinas, quae novae videantur, dum paullo altius expediveris, miram inter veteres et recentiores consensionem ac rerum similitudinem testari; hanc vero sub enunciationum diversitate reconditam esse, ita ut vere adfirmare possim, non tam res mutatas fuisse, quam formas rerum, easque diversis tot seculorum iudiciis diversimode accommodatas. Quam veritatem cum divus HIPPOCRATES perspectam habuit, ^{a)} tum fuerunt nostris temporibus,

A 3

bus,

a) Sententiam eandem omnes ineunt, verum non eadem dicunt, sententiae tamen epilogum eundem faciunt. Aiunt enim, unum

bus, qui doctis speciminibus confirmarent, egregii nonnulli viri, quorum duo adduxisse sufficiat: b. m. HEBENSTREITUM, qui potiora veterum placita de morbis sanandis ad recentiorum sententias docte comparavit ^{b)}, atque Illustrem BALDINGERUM, qui doctrinam antiquitatis de calore innato satis ingeniose, ut sua solet omnia, thesibus Hallerianis de irritabilitate adaequare, et mirum inter has doctrinas consensum exquirere studuit ^{c)}. Semper honores nomenque suum laudesque manebunt tanto viro, qui cum pari cura et studio in scriptis Graecorum ac Latinorum, et recentiorum fuerit versatus, difficile dictu est, num sit horum, an illorum cognitione maior.

Omniane haec sunt, forte inquires, quae ex historia doctrinarum addiscimus? Restant plura et etiam graviora. Nam, ut hoc unum adducam, quod tamen gravissimum est, ita cognoscimus impedimenta, quae ab omni inde tempore tardam dogmatum progressionem ab exiguis initiis ad perfectionem aliquam effecerunt; quae si tandem remota fuerint a litterarum nostrarum studiis, spero ac confido, nos ad summum perfectionis fastigium elaturos esse medicinam. Plura de hoc argumento differere possum; at vereor, ne is, in quem aberravi, sermo ad campum ampliorem excurrat. Ad propositum itaque accedo, quo appareat, quantum experimentorum neglectio, multo autem magis eorum ac iudicii fallacia

unum quid esse, quodcumque tandem est, et id ipsum esse unum ac totum, iuxta nomina autem non consentiunt. Init. lib. de natura humana. ed. v. d. LINDEN. L. B. 1665. Vol. I. p. 264.

b) Palaeol. Therap. ed. III. GRUNER. Hal. 1779.

c) Progr. cuius praefatio sistit *vestigia irritabilitatis Hallerianae in veterum monumentis. Exemplo calidi innati* et init. Progr. cui praemissae sunt *vindiciae irritabilitatis Hallerianae*. Utrumque in lucem prodit Goett. 1775.

fallacia, quantum gloriae atque inventi aestus, qui falsa et ridicula pro veris dedit, certaue miscuit incertis, quantum philosophia scholastica, quantum sectarum studium et pertinacia, ne alia dicam, medicinae fructui adversata fuerint: potissimum ut intelligamus, quam quisque particulam ab antiquissimis temporibus ad systema irritabilitatis contulerit, et suprema iustaque officia persolvamus HALLERO, cuius in laudibus de irritabilitate inventa vel exorandis faciliores, vel obterendis acriores fuerunt clari viri.

N. Ut suum cuique tribuam, non alienum videtur monere, ante me HALLERUM Sectioni II. de part. c. h. sent. et irritab. d) pauca quaedam ad irritabilitatis historiam adiecisse. Celeberrimum vero VERSCHUIR non dissimilem nostro laborem e) concepisse, de eo demum certior sum factus, cum iam ad finem adductus esset libellus meus, quod omni asseveratione adfirmare queo; dissimulare tamen non possum leviolem, quae animum cepit, commotionem. Venit tandem in meum conspectum, et facile fuit intellectu, me et aliam viam et iter longius persecutum esse. Quod an emensus fuerim prospero successu, vestrum erit iudicare, eruditi lectores, non meum.

d) Op. min. Lausan. 1763. T. I. p. 436 — 440.

e) Orat. inaugural. de recentiorum medicorum, imprimis Belgarum, meritis, in phaenomenis et effectibus principii, quod vitam animalem constituit, indagandis, etc. Groning. 1781.

SECTIO I.

A. C. N. AB ANNO 2328 AD ANNUM 500
HISTORIA MEDICINAE ANTIQVISSIMA.

In antiquissima medicinae historia, et ea quidem, quae *dubia* dicitur f. *fabulosa*, fere subducere se indagationi nostrae irritabilitatis vestigia. Post diluvium de medicina, quod notatu dignum sit, parum invenimus: nata autem tunc fuit

A. C. N. 2328.

atque adaucta AEGYPTIORVM medicina, et ab eo tempore floruisse debent, quos aegyptiam medicinam invenisse dicunt, ISIS, OSIRIS et HERMES. Si parva licet componere magnis, forte a veritatis tramite non multum recedes, si statuas, praesentire aliquid de irritabilitatis principio obscuriore animi notione AEGYPTIOS. Hanc sententiam quamvis non evincat, tamen probabilem reddit sacerdotum AEGYPTIORVM, qui medicorum vices subierunt, doctrina: „triginta sex partes esse e. h. harum cuilibet *certum deum* vel *daemonem* praeesse; *daemonibus* his tam famam quam morbosam partium constitutionem deberi, adeoque et carminibus eos celebrandos, et herbis ac lapidibus, ipsorum simulacris exsculptis, in gratiam reducendos esse atque expiandos, f) — An adeo longe distat haec theoria daemonum ab illa HELMONTII, cuius *Archaeum* mutato tantum vocabulo irritabilitatem Hallerianam esse, dudum pronunciavit

LAM-

f) CONRING. de Hermet. Medic. p. 69. 70.

LAMBERTVS BIKKER? g) Nonne fuerunt nostris temporibus, qui cuilibet parti, uti AEGYPTII suum daemonem, ita propriam quamdam et diversam vitam attribuerent, qua perageret functiones suas; quamvis nos rectius statuamus, vim vitae, per universum corpus diffusam, pro diversitate structurae aliis in partibus alios edere effectus? Nonne demum perinde, atque a suis daemonibus AEGYPTII, ex irritabilitatis principio cum vitam et sanitatem, tum morborum naturam atque indolem deduxerunt clari viri? h)

Neque hic conticescere possum de locis illis memorabilibus, quae exstant in sacris monumentis, viro illo divino, MOSEN puto, assignatis, qui omni AEGYPTIORVM sapientia ac disciplina instructus ex Aegypto rediit

A. C. N. 1531.

„Verum tamen *carnem* cum *sanguine* ipsius, qui *anima* est ipsius, i) „Nam *anima* cuiusque *carnis* in *sanguine* est, k) „Est enim *anima* cuiusque *carnis*; sanguis eius pro eius *anima* est, l) Conferantur, quae de iis differuit, vir doctissimi ingenii G. LEVISON. m) Argumento sunt ll. cc. quam vetusta sit illa opinio, quae aliquam novitatis speciem prae se ferre videtur, *de vita sanguinis*, aliquot ante annis in Anglia illustrata, extensa, atque ad plurimorum phaenomenon explanationem adhibita.

A 5

Hoc

g) Diff. de nat. hum. quae medicorum est. §. 30.

h) Nominasse sufficiat ELLERVVM, MANITIVM, TISSOTVM, GERHARDVM, BALDINGERVM.

i) Gen. IX. 4. k) Levit. XVII. 11. l) Levit. XVII. 14.

m) in praef. libelli: Versuch über d. Blut. Aus d. Engl. übers. Berl. u. Stett. 1782.

Hoc loco necesse est, ut **SINENSIVM** mentionem iniiciam, qui reges medicinae suae inventores iactant, quorum aetas diluvii tempora multum superat. Quantumvis misera fuerit apud eos medicinae facies, neque tamen ab omni principii, quod vitam constituit, notione remotos fuisse **SINENSES**, id equidem non adeo improbabili coniectura deducere mihi videor ex eorum dogmate, cuius antiquitatem **ANDREAS CLEYERUS** ⁿ⁾ plus quam quater mille annos indicavit: „aliquem esse circuitum sanguinis et spirituum, qui *humidum radicale* et *calorem primigenium* per membra XII. devehant „ Nonne *humidum* illud *radicale* ad *glutinis* similitudinem accedit, in quo *irritabilitatis principium*, (*calorem primigenium*) rectius quidem *domicilium* collocant? — Ex his simul patet, antiquissimam esse calidi innati doctrinam, ut vix definire audeat Ill. **BALDINGERUS**, ^{o)} quis primus eius fuerit auctor et inventor; cuius tamen ultimam originem a nostris repetere, non admodum dubitaverim.

Sed mitto obscuriora, et accedo ad *historiam medicinae antiquam*, cuius in fundo an clariora irritabilitatis vestigia appareant, perquiramus.

n) Specim. Med. Sin. Francof. 1682. o) Progr. I. p. 4.

SECTIO II.

AB ANNO 500 A. C. N. AD SEC. XVI. P. C. N.

HISTORIA MEDICINAE ANTIQVA.

SEC. V. A. C. N.

Agmen ducant PYTHAGORAS, et qui florere nunc coepit, mortuo praeceptore, EMPEDOCLES. Sensum *ille* putauerat *vaporem calidum* esse: — non ipsum sensum P); sed id, cuius natura aequè nobis incognita est et erit, neruorum principium, quod sensationi inseruit, fluidi neruei, spirituum animalium, aliisque nominibus a posteris insignitum; eademque dictione EMPEDOCLES docuit, sexus solo *calore* differre et *frigore* q), vigore scilicet et pigritia irritabilitatis, quae fuit recentiorum sententia. Qui cum obscurius videret, motus cordis per omnem vitam perennitatem a perpetuo sanguinis stimulo pendere, eo adductus est, vt *animum* diceret *sanguinem cordi suffusum*. r)

N. Ab eo tempore de *anima sensitiva* differere coeperunt veteres philosophi: EMPEDOCLES, PLATO, ARISTOTELES, ceteri. Retinuerunt eam subsequētia secula, non exterminauit temporum nostrorum celebrata claritas; quae sententia quamuis mira videatur, nec tamen a veritate abest. Probe enim intellexerunt eclectici et sapientiores viri, omnes corporis animalis actiones ex solo mechanismo minime deduci posse. Excogitarunt itaque aliquam poten-

p) In quo consentit HALLERUS Bibl. anat. T. I. Tiguri 1774. p. 10.

q) ARISTOT. Generat. animal. L. IV. c. I.

r) ARISTOT. de Sens. et Sensil. CIC. Tusc. I. 41.

potentiam, quae motuum animalium rationem in se contineret, neque eam in fluidis solidisve corporis quaesiverunt, sed in re a corpore distincta. Huius generis potentia *anima sensitiva* VETERUM fuit, et fuit (nam duobus probare placet, quod plurimis possum, exemplis) *praefes systematis nervosi* WEPFERRI^{s)}, et fuerunt *naturae plasticae* CUDWORTHII. Audiamus LAMIUM, qui mentem suam *de anima sentiente* ita aperuit: anima et spiritus rem unam eandemque constituunt; saepius spiritum dixi, ut partem animae, contentam in nervis, et animam, ut spiritus significarem, qui cerebro insunt, igiturque animae vocabulo nihil aliud, nisi subtiliorem aliquam materiam complexus esse videtur. Nec toto coelo *ab anima sensitiva* differt III. PLATNERI^{t)} *vigor, substantiis individuis medullae nerveae infusus*, de quo infra.

Num aliquam lucem affundunt systemata illa abstrusiori vis vitalis doctrinae? — Equidem dubito. An adeo turpiter se dederunt omnes omnium conditores, ut eos explodendos censerent Metaphysicorum nonnulli? — Minime omnium!

Producamus PLATONEM, qui adeo in omni disciplinarum genere, et praesertim in philosophia excelluit, ut *divinus Plato* et *philosophorum Homerus*, quin deus vocatus sit. „Statuit noster *animam mortalem* in corpore fabricatam, quae perturbationibus gravibus ac necessariis afficiatur, eamque seorsim in alia corporis regione collocatam putat: partem eius, quae fortitudinis, contentionum atque iracundiae particeps sit, *inter diaphragma et cervicem*, ut sit propinquior capiti: alteram *inter diaphragma et umbilicum*

s) Auctor convulsionum. *de cic. aquat.* „Molitur praefes, imperat praefes“ — En allegoriam, qua identidem utitur!

t) Dusp. de princ. vit. adf. HEBENSTREITIO. Lips. 1777.

cum requiescere, quae esculenta et potulenta omniaque corpori necessaria concupiscat, ut ibi quasi exstet praesepe quoddam ad corpus alendum, cui vis illa animae instar animalis agrestis alligata sit. „ u)

Iam meum esse intelligo, ut inprimis errorem euellere studeam, qui forte primo horum decretorum intuitu subnasci potuerit: veteres *animum* per totum corpus dissipatum credidisse, quo errore decepti fuerunt *STHALIANI*; tum ut ostendam, quaedum ratione in istiusmodi plane lepidam et iucundam, quam tradidimus, opinionem *PLATO* inciderit.

Tantum absuit, ut in infinitas particulas distrahere *NOSTER* voluerit et quasi dilacerare *animum*, ut immortale eius principium recte agnosceret, animumque, arci capitis inclusum, totum corpus, quasi vehiculum, subditum sibi habere, doceret. x) Duo itaque diuersa principia statuit: *animum* et *animam*, quibus distingueret sedem rationis atque intellectus a vi vitali, quae fons est motuum atque origo. Ex quibus manifestum est, *animam* veteribus dictam cum bestiis nobis communem, altiore vero *animi* naturam propriam esse animantibus, intellectu praeditis y).

— Indulsi communis conditor illis

Tantum animas, nobis *animum* quoque.

IUVENAL. Sat. XV. Lin. 148. 149.

Quodsi itaque animam sentientem, *ψυχην αἰσθητικην* per totum corpus commeare dicunt, non intelligunt eam animam, quae quinque sensuum impulsibus rerum externarum perceptiones arripiat; hanc enim facultatem uni menti *ψυχη λογικη* adscribunt, in qua
κοινην

u) *Timaeus* p. 489. col. b. 490. a. edit. MARSILII FICINI. Lugd. 1588. x) l. c.

y) W H Y T T of the vital motions. Edinb. 1768. p. 146. 147.

κοινὴν αἰσθάνειν collocant, hoc est, sensum communem s. vim discernendi, quid cuique perceptioni communis et proprii, similis ac diversi insit, 2) quare reliquum est, ut significant aliquid, quodcumque demum sit, non absimile irritabilitati HALLERI.

Mihi quidem persuasum est, inutile atque inane fuisse studium eorum, qui stabilirent nova principia ab anima diversa, ad explicanda phaenomena, quae ex eius cum corpore societate fluunt. Ad sentiens principium unum atque idem pertinent, quotquot sunt sensationum genera; neque tamen negligendum est, ut quaequae aptissima fuerit impressio, in sensorio facta, ad retinendum animum, ita maximam esse animi adfectionem adeoque reactionem in corpus. Quae cum ita se habeant, equidem quodammodo perspicere mihi videor, quid sibi voluerit PLATONIS anima, inter cervicem et diaphragma collocata? Accedo enim celeberr. RISSORI sententiae, qui cum elegantissime de animi adfectibus disputavit, tum censuit, eam animi reactionem, quae pathemata sequitur, principium sui amoris et amoris erga alios attingentia, maxime sentiri in nervis, ad cor, diaphragma partemque stomachi superiorem distributis, paucis, circa scrobiculum cordis. a^a) Haec animi in nervos reactio cum non parum perturbat cordis ac respirationis motum, tum plura eaque gravissima praecordiorum incommoda excitat, quibus deceptus, quae animi sunt, aegritudines ad cor retulit PLATO, vere illarum particeps; b^a) id quod magis confirmant, quae

2) III. PLATNER disp. cit. §. ult.

aa) Traité des nerfs et de leurs maladies. T. I. P. II. p. 181. etc.

ba) Le coeur est en effet dans un état physique différent suivant les différentes impressions de cette espèce, que nous éprouvons, et comme c'est d'après le résultat de ces impressions, que plusieurs de

quae de usu pulmonum differit: „cum praeviderent, (corporis nostri opifices) *cor exspectatione rerum terribilium, insurgenteque irascibili facultate, subinde subsultaturum, omnemque hanc tumescentiam excandescendum ab igne oriundam cognoscerent; auxilium ipsi tale invenerunt. Pulmonum nimirum fabricam comparaverunt, primo quidem mollem et exsanguem, deinde vero spongiarum ritu foraminulentam et quasi canalibus instructam, ut spiritum potumque reciperet, hisque (cor) refrigerando requiem et caloris moderationem adferret. Propterea arterias, tamquam aquaeductus, diviserunt, pulmonemque cordi circumposuerunt, mollioris saltus gratia, ut quando iracundia in corde summe vigeret, cor in locum mollem cedentemque insiliret, refrigeratum vero minus molestiae perferret, hocque magis iracundia rationi inserviret.* „ca)

Pari ratione sensationem eam, quae *fames* dicitur, ventriculo tribuit, i. e. *animae concupiscenti*, quae requiescit inter diaphragma atque umbilicum; quamvis ventriculus non appericiat acriorem illum sensum, qui a plicis ad se invicem adtritibus exoritur, quo hominem monere voluit creator de inediae periculo.

Notatu fane digna sunt, quae de partibus, generationi inservientibus, noster philosophatur: „in viris unum quoddam, in feminis alterum animal, vitae et animae particeps, condidisse deos; hoc animal respirare, in rationem dominatum tenere, libidinumque furore omnia sibi velle subiicere. Matricem feminarum seorsim describit tamquam animal
avidum

de nos determinations les plus importantes se reglent, c'est ce, qui a fait naître le desir de voir dans le coeur, de lire dans le coeur, de placer fenetre au coeur. Id. l. c.

ca) Lib. cit. p. 490. a. Sed b. SCHULZIIUM secutus sum, qui Latina magis ad verbum reddere studuit. Hist. med. p. 319.

avidum generandi, quando autem idonea iam aetate hunc finem non obtineat, illud eam moram aegre ferre ac plurimum indignari, *passimque per corpus oberrare*, et *spiritus meatus intercludere*, *nec sinere respirare*, *extremis vexare angustiis*, *morbis denique omnibus premere.* „ d^a) An ignoravit noster miros illos effectus, qui a singulari partium genitalium irritabilitate proficiscuntur? An inscius fuit mali hysterici et symptomatum, quae huic familiaria sunt? Feminae nostrae ex genere hysteriarum de sensu globuli conqueruntur, qui per abdomen decurrat, aut faucibus inhaereat. PLATO dixit: animal generandi avidum oberrare per corpus, meatus spiritus intercludere, nec sinere respirare, omnemque spasmodorum hysteri-
corum congeriem, quam rectius edocti sumus, *a sensibilitate atque irritabilitate adaucta* esse, *animali furioso* attribuit. Sed tempus est, ad *COWM* accedere, artis medicae principem.

SEC. IV. A. C. N.

Tria praecipue momenta sunt, e quibus colligas, non *re*, sed *verbo* distare irritabilitatem, recentioribus dictam, a doctrina HIPPOCRATIS. I. τὸ ἐννοημῶν. *Impetum faciens* Lat. Docuit enim? „ quae contineant corpora, aut intus contineantur, *aut in nobis cum impetu moveantur*, contemplanda esse. „ e^a) Non tantum voluit, ut partes continentes et contentas agnosceremus, quibus machina nostra hydraulica constat, sed id etiam principium, quo corpus animale ab inanimato corpore differret, quo vim suam exfererent solida in fluida, haec in illa, paucis, quo vita corporis sustentaretur. Cuius principii, quod
motuum

d^a) lib. cit. p. 496. b. 497. a.e^a) de morb. epid. L. VI. Sect. VIII.

motuum ac turbarum vehementiam in morbis excitare vidit, ut et indolem indagarent, et phaenomena atque effectus animadverterent scientiae medicae addicti, id quidem tradere voluit loco laudato animisque inculcare. Quamvis lubenter accedam eorum sententiae, qui vim vitalem doceant ex complexu omnium virium animalium esse compositam, nihilo tamen minus iure meo adfirmare mihi videor, non parem esse virium efficaciam, quae influant in illud principium, quod ex omnibus, simul sumtis, in corpus redundat. fa) Recte itaque monuit HALLERUS, praecipue vim illam, quae vitalis dicatur, dignam esse, cuius destructio vel cessatio vera mortis causa existat. Cum vero recentiores omnes facile agnoscant, functionum vitalium originem imprimis esse ab irritabilitatis potentia: certo certius est, eo *potissimum* valere *impetum faciens* HIPPOCRATIS, et divus Senex ipse annuerit iudicio nostro, revocatus si fuerit ab inferis. ga) II. ἡ φύσις. *natura*. Non quidem ulterius, quam ad utilitatem practicam faciat, quid sit *natura*, perscrutatus est HIPPOCRATES, et vituperavit potius philosophos ac medicos, de ea re longius evagatos. ha) Quodsi tamen universam eius de natura doctrinam accuratius consideramus; complexum causarum omnium intelligere videtur, quae homini aegroto insunt, quarum quaeque nihil facit, omnes autem ad convalescendi negotium plus magisque conferunt. ia) Praecipue vero actionis solidorum in fluida, quae ab eorum vi irritabili proficiscitur, rationem

fa) Nostrates dicunt: Resultat der Kraefte.

ga) Aliter sentit Excellentissimus WRISBERGIUS ann. III. ad prim. lin. Physiol. Haller. Conf. ABR. KAAU BOERHAAVE *impetum faciens dictum* HIPPOCRATI. ha) l. c.

ia) HEBENSTREIT, lib. cit. p. 206.

tionem habuisse HIPPOCRATEM, clare, credo, ostendit, ut unum adducam, locus ille memorabilis: κα) „per partes solidas *natura* agit, [διὰ τῶν στερεῶν ἢ φύσις διατέταται] i. e. *vis, quae in iis existit*. [δύναμις ἐκείνων οὖσα] III. Θερμὸν συγγενὲς. *Calidum innatum*. Conferatur III. BALDINGERUS, qui praecipua HIPPOCRATIS loca de calido innato collegit. la) Vix operae pretium facturum me esse arbitror, si moneam, quod per se patet: calorem veterum, cordi ingenitum, et per reliquum corpus propagatum ac dispersum, in quo vitae principium inesse putarunt, non confundendum esse calori, quem nos edocti sumus, ex attritu globulorum sanguineorum cum vaporum lateribus motuque sanguinis intestino enasci. Attamen fuerunt, ma) qui vocabuli similitudine seducti, quod non satis recte ex veterum mente intellexerunt, praeter circulationem sanguinis et respirationem functionibus vitalibus calorem adnumerarent, qui ab irritabilitatis vaporum actione potissimum originem trahit.

ARISTOTELES, magni PLATONIS, et etiam maior in Physicis discipulus, non ignoravit irritabilitatem vegetabilium; spongas enim putat, sensu aliquo gaudere, quo se contrahant ad evulsuri accessum, na) ex quo perspicimus, nostrum facile primum fuisse, qui animum intenderet phaenomenis in systematis gratiam, quod posterius condiderunt. Dississa vivere infecta, oa) observavit; nec tamen admittit, vocem edidisse caput abscissum. pa) In libro *de animalium incessu* (πορεία) rationem enucleat, cur ani-

κα) Epid. II Sect. I.

la) Progr. I. p. 14. 15. 21. II. p. 5. 6.

ma) v. c. HAMBERGER Physiol. med. §. 1639. et 1640.

na) περὶ Ζῴων ἰσότητος I. I. de animal. commun. I. V. de generat. c. 16.

oa) I. IV. c. 7. pa) I. III. de part. animal.

animalia *exsanguia* dissecta vivant: quod quasi cate-nae sint animalium, in quo differant a sanguineis. Alibi adfirmat, testudines vivere et motum exercere, corde exento. qa)

Iam mitto loca ea ARISTOTELIS omnia, quae ad nostram irritabilitatis doctrinam comparavit Ill. Baldingerus. ra) Duo tantum addam, quae ad rem nostram maxime faciunt: „*calorem*, cum *altrice anima* coniunctum, *conceptionem* esse, *senectutem* eius *caloris decrementum*, *mortem* eiusdem *extinctionem* „ fa) En aliquot veritates doctrinae irritabilitatis Hallerianae, quae proximam inter se habent et arctam cognitionem! Cordis primum motum, quo ad vitam suscitatur animalculum, feminis paterni stimulus excitare videtur. Vitae principio, quod vis feminis paterni fetus corpusculo infundit, (calori) altricem animam addit ARISTOTELES, cum celeritas incrementi fetus primis a conceptione diebus sit maxima. Decrescit in animalibus in dies magis a conceptionis momento ad ultimam senectutem irritabilitas cordis et totius systematis arteriosi, ut omnino maxime debilis illa in senio irritabilitas sit praecipua moriendi necessitas, et demum mors ipsa adsit, irritabilitate prorsus destructa. Praecipuam, quae irritabilitatem in senectute imminuat, causam a defectu glutinis, partibus terrestribus interpositi, harumque abundantia esse, recentiorum sententia est, cui exacte respondent, quae in libro *de extensione et brevitate vitae* habet: „omne animal *calidum* esse et *humidum*, *senectutem* vero *frigida* et *sicca*. ta)

B 2

PRA-

qa) in lib. de iuventute, senectute, vita, morte ac respiratione.

ra) Progr. I. p. 11 — 13. et p. 24. II. p. 3. 4.

fa) lib. cit.

ta) Confer. GASP. HOFMANNI l. de calido innato c. II. p. 20.

PRAXAGORAS docuit, arterias aequae ac cor ipsum *facultate quadam pulsifica gaudere, sibi propria atque ingenita*; ^{ua)} an itaque nostra demum aetate vim cordi insitam agnoverunt? Pulsationem cordis non genere putavit, sed magnitudine a palpitatione, tremore et spasmo differre; corde naturaliter constituto pulsus eductus, quo praeter naturam aucto atque intenso, primo spasmus, deinde tremorem tandemque palpitacionem accidere.

SEC. III. A. C. N.

ERASISTRATUS, medicus eximius ex familia Aristotelis natus, in quem saepius invehitur GALENUS, motum ventriculi, quem dicimus, peristalticum his verbis conspicuum reddidit: „ventriculum cibos toto concoctionis tempore *complecti*, ^{xa)} neque eam concoctionem elixationem, vim autem coquendi a spiritibus esse „^{ya)} et alibi „totam laevigationem ciborum atque excrementorum subductionem, et eorum, quae in cremorem conversa sunt, distributionem a *complexu* esse *ventriculi*; „^{za)} quem equidem ita intelligendum puto: fibras musculares ventriculi atque intestinorum placida sua contractione ac per vices remissione eadem saepe ad se invicem terere, disiungere et comminuerere, quo crassiores partes a fluidioribus separentur, chylus (cremor) in apertos tubulos tunicae villosae ^{ab)} resorbeatur, et foeces expellantur.

Plane incunda videtur aetiologia, quam de *paralyfi* exhibet: „affectus hic exoritur, quando in *vasa*

^{ua)} GALEN. diff. puls. L. IV. c. 2. ^{xa)} Id. Fac. nat. L. III. c. 8.

^{ya)} Id. L. II. c. 8. ^{za)} Ibid.

^{ab)} Inter antiquos vasa lactea iam vidit ERASISTRATUS.

sa pulmonum fit illapsus humiditatis illius, quae in nervis continetur, per quos motus voluntarii complentur; illabitur autem id nutrimentum, quo nervi illi nutriuntur, quod est succus lentus, tractitius nec facile excernendus,, b^b)

Facultatem vitalem in ventriculis cordis collocavit, c^b) et spiritus arteriis inclusos ad omnes partes deduxit, ut libere et cum facilitate artus suos movere posset animal. Exprobrat nostro GALENUS, quod plerumque ad naturam, artificiosam simulque providam animalis gubernatricem, tamquam ad asylum se receperit. d^b)

Post HIPPOCRATEM primus fuit HEROPHILUS, qui cum EUDEMO nervorum anatomiam accurate describeret. e^b) Germina a cerebro enascentia νεῦρα αἰσθητικά, nervos sensorios, et νεῦρα προαισθητικά, nervos electorios dixit, qui sensum motumque voluntarium atque omnem corporis actionem perficerent. f^b) Horum autem nervorum quosdam e medulla spinali et membrana, ipsam cingente, propullulare putavit. Pulsus docuit a corde esse: in arterias, cum corde continentes, (συνεχῆς) per tunicas vim cordis influere, ita perinde ac cor distensas ex omnibus partibus, quod impleturum esset, attrahere, contractas reddere. g^b) Vehementiam autem pulsus a robore facultatis vitalis deduxit. h^b)

B 3

CHRY•

bb) GALEN. de atra bile.

cb) Id. HIP. PLAT. placit. V. c. 6.

db) de V. S. adversus ERASISTRATUM.

eb) Id. de loc. adf. l. 3. c. 10.

fb) RUF. EPHESIUS de appel. c. h. part. l. 1. c. 22.

gb) GALEN. diff. puls. L. IV. c. 1.

hb) Ibid. L. III. c. 2.

CHRYSERMUS, HEROPHILI discipulus, pulsus dilatationem esse a contractione arteriarum, ^{ib)} exsurgente undique tunica iterumque in se ipsam confidente, ab animali et vitali facultate productam, eamque tam sanitatem, quam morbum perpetuo commitari, et ad sensum apprehendi posse docuit. Vix recedunt a nostro in pulsus definitione BACCHIUS, HERACLIDES, ERYTHRAEUS, ARISTOXENUS, ZENO, de quibus videatur GALENUS.

SEC. II. A. C. N.

ASCLEPIADES vero dixit, cor atque arterias distendi ab irruente spiritu per subtilem, quo intus instruantur, contextum, et redire in priorem statum, quando nunc nihil ultra influat; ^{kb)} pulsus autem vehementiam a spirituum copia et subtilitate deduxit. ^{lb)}

SEC. I. A. C. N.

THEMISON, discipulus quidem ASCLEPIADIS, at novae sectae conditor, quae nominata fuit *methodica*. ^{mb)} Is cum intelligeret, difficiliora et prolixiora esse praeceptoris principia; breviori compendio medicinam complecti studuit, et Pathologiam ad tria morborum genera reduxit: unum *adstrictum*, alterum *fluens*, tertium *mixtum*. In habitu stricto imminui excretiones, in laxo augeri, in mixto alia parte parum, alia nimium excernere aegros putavit; cognito igitur eo, quod ex his est, si corpus adstrictum est, digerendum esse, si profluvio laborat, continendum, si mixtum

^{ib)} Ibid. L. IV. c. 9.

^{kb)} Ibid. L. IV. c. 10. ^{lb)} Ibid. L. III. c. 2.

^{mb)} Quae descripsit medicinam quasi viam quamdam, quam *μεθόδον* graeci nominant, eorumque, quae in morbis communia sunt, contemplatricem. CELSUS de re med. L. I. praef.

mixtum vitium habet, occurrendum subinde vehementiori malo. n^b) Pari ratione recentiores statuunt, ab irritabilitatis vel excessu, vel defectu, vel demum alienatione mirum in modum secretiones atque excretiones turbari, vel augeri, vel imminui, vel demum alienari.

T. LUCRETIUS CARUS, sectator EPICURI, non ultra statuit, consentiente praeceptore, animam sentientem et rationalem diversa duo principia efficere, sed unum esse principium, cuius diversae capacitates essent.

Nunc *animum* atque *animam* dico coniuncta teneri Inter se, atque *unam naturam* conficere ex se.

L. 3. v. 137. 138.

M. TULLIUS CICERO nonnullas reliquias habet, quae maxime mihi commemorabiles videantur. „alvus tum adstringitur, tum relaxatur, atque omne, quod accipit, cogit et confundit, ut facile et *calore*, quem *multum* habet, exterendo cibo, et praeterea *spiritu* omnia cocta atque confecta in reliquum corpus dividantur. „ o^b) *Multum calorem* ventriculo tribuit, quod argumento est, bene intellexisse antiquitatem, non eandem esse calidi innati diversis in partibus efficaciam. Gradus eadem ratione in *vis* irritabilis potestate agnoscit HALLERUS, et maxime eam vigere (corde excepto, quod primum omnium ponit) in ventriculo atque intestinis statuit. *Calori* vero *spiritum* addit CICERO, qui concoctionem perficiat. Estne itaque novi et inauditi quid, quod ex recentioribus fuerunt, qui opinarentur: admisceri fluidum nerveum liquidis digestionis inservientibus, eamque mixtionem characterem animale alimentis

B 4

impri-

n^b) CELSUS l. c. GALEN. L. de Sect. ad Introduct. c. 6.

o^b) de nat. deor. L. II. c. 54.

imprimere? pb) Nec temperare mihi possum, quin locum illum elegantissimum transcribam, quo uberiori oratione sententiam suam de calore innato exposuit: „sic res se habet, ut omnia, quae alantur et crescant, contineant in se vim caloris: sine qua neque ali possent neque crescere. Nam omne, quod est calidum et igneum, cietur et agitur motu suo. Quod autem alit et crescit, motu quodam utitur certo et determinato: qui quamdiu remanet in nobis, tam diu sensus et vita remanet; refrigerato autem et extincto calore, occidimus ipsi et exstinguimur — iam vero venae et arteriae micare non desinunt, quasi quodam igneo motu: animaversumque saepe est, cum cor animantis alicuius evulsum ita mobiliter palpitaret, ut imitaretur igneam celeritatem. *Omne igitur, quod vivit, sive animal, sive terra editum, id vivit propter inclusum in eo calorem. Ex quo intelligi debet, eam caloris naturam vim habere in se vitalem per omnem mundum pertinentem.* „ qb) Veteres itaque non plane incognitum habuisse vitae principium vegetabilibus (terra editis) infusum, potestne quid clarius esse et intellectu facilius?

Quae de anima noster philosophatur, clare ostendunt, quam alienus fuerit ab ea sententia, quae animam rationalem corpoream reddit: „animorum nulla in terris origo inveniri potest. Nihil enim est in animis mixtum atque concretum, aut quod ex terra

pb) iam SYLVIVS suisritibus animalibus eum usum tribuerat, quod in liquoribus, quibus se admiscerent. plurimas mutationes producerent. Op. omn. Idem voluisse videtur BOERHAAVE Praelect. T. I. p. 306. Et HEYMANNS in Commentar. Institut. ROERHAVII „non incredibile est, inquit, spiritum nervosum dictum, succo pancreatico imprimere characterem humanum, qua de causa facultate, aliena in inquilina imputandi, praedicti esse observantur. „ §. 100. t. 3. p. 497.

qb) L. c. c. 9.

terra natum atque fictum esse videatur: nihil ne ut humidum quidem, aut flabile aut igneum. His enim in naturis nihil inest, quod vim memoriae, mentis, cognitionis habeat, quod et praeterita teneat, et futura praevideat, et complecti possit praesentia,, ^{rb)} Hunc locum pulchre confirmant, quae alibi differit: „inanimum est omne, quod pulsa agitur externo. Quod autem est animal, id motu cietur interiore et suo. Nam haec est propria natura animi atque vis. Quae sit illa vis et unde sit, intelligendum puto. Non est certe nec *cordis*, nec *sanguinis*, nec *cerebri*, nec *atomorum*., ^{sb)} Neque rationem, sensum et motum voluntarium ex circulatione spirituum in cerebro, aut peculiari structura, nexu, situ et admirabili quidem partium inter se coniunctione, quod fuerunt, qui sibi persuaderent, explicari posse, nisi animum admittere velis, id pulchre expressum dedit: „membrorum situs et figura corporis, vacans animo, quam possit harmoniam efficere, non video,, ^{tb)} — Num adeo mirum, conspici in irritabilitatis historia summum Romanorum consulem?

P. C. N. SEC. I.

Partium, a corpore divulsarum, palpitationem elegantissime depinxerunt poetae. ^{ub)} OVIDIUS, dum Tereum canit, qui Philomelae linguam disseuerat, eam phaenomeni dedit effigiem, ut phaenomenon ipsam conspiciere nobis videamur.

. . . Radix micat ultima linguae,

Ipsa iacet, terraeque tremens innummurat atrae,

Utque salire solet mutilatae cauda colubrae

Palpitat: et moriens dominae vestigia quaerit.

B 5

Deinde

^{rb)} Tusc. disp. L. I. ^{sb)} Ibid.

^{tb)} Ibid. Conf. BALDINGER Progr. II. p. 4 — 6.

^{ub)} VAN DEN BOS diss. de vivis c. h. solidis L. B. 1757. §. IX.

Deinde horridum facinus exprimit, ab omni naturae humanae indole alienum, quo Procne, uxor Terei et Philomelae soror, ipsaque mutilata Philomela, ut iniuriam sibi illatam ulciscerentur, miserum Ityn, Terei filium, impie trucidarunt, patrique inscio inter epulas apposuerunt.

Vivaeque adhuc, animaeque aliquid retinentia
membra

Dilaniant, pars inde cavis exsultat aënis,
Pars verubus stridet.

Quod etiam elegantissime effinxit SENECA:

Erepta vivis exta pectoribus tremunt,

Spirantque venae, corque adhuc pavidum salit.

Inde ab ARISTOTELE non admodum adaucta est, in qua versamur, doctrina, si forte velis, PLINIUM punctum saliens x^b) cognitum habuisse; qui tamen plurima ab ARISTOTELE mutuatus est. ATHE-
NAEUS, qui PLINII tempore vixit, pulsum vim contentionis vitalis, y^b) et fusius alibi dixit: pulsum esse motum per naturalem atque involuntariam *spiritus* dilatationem, *qui cordi atque arteriis inest, ex se ipso movetur, et una cor movet atque arterias.* z^b) Auctor fuit sectae, quae *pneumatica* audit, quia *spiritum* cuncta penetrare, *spiritu* naturalia consistere ac gubernari, *spiritu* denique offenso, universos morbos creari edixit.

P. C. N. SECT. II.

Aequum est, ut GALENO iustas laudes tribuamus, qui musculorum fabricam motumque indagare coepit; quamvis ob microscopiorum et artis, quae
iniection-

x^b) Hist. nat. L. X. c. 53. III. BALDINGER. Progr. II. p. 4.

y^b) GALEN. diff. puls. L. III. c. 2.

z^b) Ibid. L. IV. c. 14.

injectionibus utitur, ipsius aetate defectum, haud aliter evenire potuerit, quin falsam fabricae musculorum descriptionem praeberet atque ab omni natura remotam. Primus fuit, qui discrimen motus naturalis ab animali ostenderet, et aequilibrium musculorum, qui a contraria directione vim sibi opponunt, (antagonistarum) nervorumque necessariam ad motum actionem in aprium poneret. Experimenta eaque difficillima cepit, v. c. sectiones nervorum, qui ad musculos intercostales tendunt; an vero carniū irritatione ad motum excitandum usus fuerit, dubito, mihi quidem nullum de ea re documentum innotuit.

Cum ab omni inde tempore motum cordis principio vitali, proprio illi atque ingenito, tribuit antiquitas; tum noster propius accessit ad HALLERI sententiam, qui cor dixit vi insita moveri, nec mutari, irritatis nervis. „Cor sibi met ipsi agitationis origo „ac) et: „*ex nervorum essentia functio cordis non est*; omnia namque eius participarent, quibus et nervi communicantur, ac praecisus istis cordis pulsus cessaret. Sed neutrum fieri conspiciamus: *quare superest, vim pulsatilem ex ipsius cordis corpore oriri* „bc) Fibras habet in corde alias longas, alias transversas; illas putat cor brevius reddere, has, illis contrarias, angustius. cc) Meatum, quem vena cava ad cor dat, pulsare ait. dc) Pulsus docuit retardari in somno, inde corpore percalefacto augeri, in longo somno iterum lentiores esse; mutari etiam a balneo, cibo, animi adfectu, morbo, ec) et differre pro diversitate sexus,

ac) de HIPPOCR. plac. L. VI. c. 3.

bc) Administrat. anat. L. VII. c. 8.

cc) de usu part. L. VI. de corde.

dc) de HIPPOCR. et PLAT. deor. L. VI.

ec) de puls. ad tiron. Vertit AUGUSTIN. GADALDINUS.

fexus, caloris, aetatis, cet. f^c) Contra ERASISTRATUM scripsit: arterias dilatari, ita spiritum attrahere, non ideo dilatari, quia cor spiritum impellat, g^c) dilatari vero per vim motricem a corde in arterias diffusam.

Nervos *duros* e medulla spinali, *molles* ex cerebro provenire, illos *motui* destinatos esse, hos *sensui* voluit, tamen nervos molles, si longe processerint, motorios fieri, ut eorum aliqui longe satis naturam sensilem retineant. h^c) Ex vitio medullae spinali illato et vocis defectum et crurum resolutionem nasci, non ignoravit noster, et experimenta habet, quibus constat, medulla spinali dissecta alios et alios pectoris motus destrui. i^c) In ipso somno musculos voluntarios efficaces esse, inde maxillam inferiorem non delabi dormienti: respirationem in somno ab anima esse, non cordis motum atque intestinorum, GALENI sententia fuit. k^c) Fabricationem corporis fetus fatetur se ignorare, cum anima ne in adulto quidem musculos suos cognitos habeat, neque sapientia tanto operi pari instructa sit. l^c) Et alibi miratur, quod animalia apte utantur instrumentis, adeo nuper sibi cognitis. m^c) Musculos antagonistas alterne laxari et tendi, atque altero destructo alterum agere et permanere in actione, probe intellexit; at male tendinem ex ligamento ac nervo componit, et caput musculi s. punctum, ad quod contrahitur, ad nervi ingressum locat. n^c) Legem irritabilitatis proponit:

f^c) de caus. puls. L. III.

g^c) de puls. usu. T. LINACRO interprete.

h^c) de usu part. L. IX. de cerebro. i^c) de loc. adfect.

k^c) de mot. musc. l. II.

l^c) de fet. format. interprete I. Bernardo FELICIANO.

m^c) de loc. adfect.

n^c) de mov. musc. L. I.

ponit: omnia receptacula, v. c. ventriculum et vesicam, oc) semper plena esse, *contentorum enim ad modum sese contrahere*. pc) „Uterum animalium quadrupedum irritabilem esse et motu manifesto reptare, nihilo segniorem intestinis, vel intra corpus, vel perinde si exsectus fuerit, „summus HALLERUS expertus est; nec denegavit naturam irritabilem uteri humani, a qua magna pars ipsius partus pendet. Hanc vero intelligit GALENUS, dum scribit: uterum tactum videri sursum aut in latus retrahi. qc) Facultates, quas dixit, attractrices, coctrices, retentrices, mutatrices, peregrinorum expultrices, omnes esse a vi irritabili, facile quisque intelligit, qui coctionum crifumque doctrinam vel a limine salutavit.

Irritabilitatem aliquam plantis attribuisse videtur, quod breve fragmentum ostendit *de substantia facultatum naturalium*, interprete Bartholomaeo SYLVANIO *Saloniensi*. „Num plantae animatae sint et sensum habeant? — Habere tantum sensum alimenti, quod ipsis conveniat aut noceat „

EPICURUM etiam refutavit, qui, ut causas finales everteret, ex magnitudine motus magnos fieri musculos, nec musculos magnos ad magnos motus factos esse docuerat; rc) nam cur gemini muscoli ad motus magnitudinem fabricati? cur homini pollex magnus, simiae parvus atque imbecillis? fc)

Pathologia denique et Therapia GALENI an adeo mente vacat, ut fert quorumdam opinio? Immo

oc) Vesicam inanem contrahi, dixerat ARETAEUS. GAL. diut. cur L. I. c. 5.

pc) de facult. natur. L. III. Ibidem describit motum peristalticum.

qc) de loc. adfect.

rc) LACTANT. c. 6.

fc) de usu part. L. I.

mo multum ingenii lumen ostendit. Morbos et medicamenta ex caloris gradibus diiudicat, e. c. calorem *secundi* gradus *febrem* putat, *tertii inflammationem* efficere, omnem itaque curationem eo redire, ut aequilibrium sublatum restituatur oppositis, v. c. in inflammatione remedia adhibenda esse, duobus gradibus frigida, ut calor, qui duobus gradibus excessit, ad unum reducatur. Lubenter quidem fateor, theoriā hanc nimis ingeniosā esse, et ingeniosā magis, quam fructuosā ad artis exercitium; quod tamen si paullulum eiicere velis animo, haud difficulter intelligas rerum, quas aetas nostra correxit, similitudinem. Febris enim principium in irritabilitate praeternaturaliter aucta cordis atque arteriarum consistere, omnemque inflammationem ab irritatione vehementi partis adfectae in vasis arteriosis aut lymphaticis esse, recentiores uno ore fatentur omnes, eoque dirigunt curationem, ut erethismum infringant. ^{tc)}

N. Non alienum videtur, recensere hoc loco, quae ad rem nostram pertineant, ex opusculo, in spuris GALENI relato: *de motibus manifestis et obscuris*. „Motibus, animae arbitrio subiectis, tamen aliquid naturalis se admiscere, vel in motu linguae, quae appetat et se ipsam moveat; sic in motu palpebrarum, sternutatione, tussi, rel. Vomitus fieri a vi expulsiva, ruminationem tamen voluntatis opus esse. Deglutitionem saepe praeter voluntatem accidere. „Anne haec ad motus muscularis abnormitatem tendunt, quae nec adeo infrequenter, nec sine iusta

^{tc)} GALENI de calore doctrinam, qui sua interesse putaverint, ut sibi familiarem reddant, ad Antistitis nostri Progr. I. remiserō p. 11. 13. 15. 17 — 19. 21. 23. 25.

iusta morbi suspicione conspicitur, et ad irritabilitatem nimiam, aut, si mavis, alienatam pertinet? uc)

Vix me contineo, quin in theatrum producam formosissimam illam puellam, quam sistit APULEIUS. xc) *Psyche* fingit Philosophus Madaurensis, cuius imperiis ministram, nescio quam, addicit; domina non spectat ministram, tamen haec omnia, quae illa imperat, tanta celeritate atque habilitate exsequitur, ut *Psyche* ipsa sibi videatur peragere, quae velit, licet modi, quo peragat, nulla sit memoria. „Eheu fabulas, „! forte exclamabis. — Sunt quidem; an *naturae plasticæ* CUDWORTHII ab-similes nostris sunt fabulae? an ens adeo diversum est *Psyche's ministra* a *naturis plasticis*, quibus officium detulerat CUDWORTHIUS, ut immateriales constanti lege in materiam actiones suas exsererent?

Neminem fore, arbitror, quin incrementum agnoscat, quantumcumque sit, quod GALENI studio motus muscularis doctrina cepit. Sane itaque mirum videtur, a GALENI aetate tot seculis interiectis nihil additum fuisse, quod dignum esset notatu. Nostri vestigiis insistere omnes, at nemo ulterius progredi. Romanum imperium subruitur, ad Arabes confugiunt disciplinae. Horum plerique GALENUM sequuntur, huius scripta interpretantur, commentariis suis subtilitates atque argutias immiscent, minime solliciti de anatomia, quicum,

uc) Est, ubi muscoli recte quidem ad voluntatis nutum in actum concitati, iniussa dein agilitate atque impetu non reprimendo motus suos accelerant, mentemque invitam praecurrunt. Vitium, loquellae musculis frequens, nec his solis tantum proprium: vidi enim, qui currere, non gradi, poterat. Habet ista volubilitas aliquid spasmodici. GAUB. Institut. Pathol. §. 751.

xc) Met. 4. cuius fabulam allegorice ad animam retulit SUGGENTIUS.

quicum, nī longissime a vero absum, doctrina nostra pari passu procedit. Ab his demum

SEC. XI. VEL XII.

ad Europaeos artem reducit CONSTANTINUS AFER, cui placuit, spiritum duplicem assumere: *vitam*, qui nutriatur ab aëre, in corde perficiatur, ad nervos atque arterias deferatur, et motus vitales efficiat, atque *animalem*, qui fecernatur in cerebro, per nervos deducatur, sensum ac motum praestet, atque in variis hominibus differat, indeque stultitiae ac sapientiae auctor sit. xc) — Postremus hic fuit in historia Medicinae antiqua, qui rem nostram attingeret.

yc) Comm. in Aphor. HIPPOCR.

SECTIO III.

AB AN. 1541 AD AN. 1782

HISTORIA MEDICINAE RECENS.

1541.

Quae plurimum huc usque valuerat, GALENI auctoritatem, subruere nunc coepit, et GALENI ruinis propriam sectam superstruere PHILIPPUS AU-
REOLUS THEOPHRASTUS BOMBAST ab HOHEN-
HEIM, dictus PARACELsus. Locum illi conceda-
mus, oportet, nam primus fuit, cuius animum co-
gitatio *Archaei* subiret, quique secretionis negotium,
quod irritabilitati detulit nostra aetas, *Archaeo* tra-
deret.

1550.

HIERONYMUS CARDANUS ^{2c)} annotavit,
„avulsam bovi linguam per totum diem palpitare,”
ad quae SCALIGER ^{ad)} respondit: „vidimus nos ver-
vecis cor exemptum, horam amplius unam totam flu-
ctuasse.” At haec irritabilitatis, quae superest in
partibus, a corpore divulsis, phaenomena sponte
potius se obtulisse videntur, quam data opera exci-
tata fuisse; id quod nobis persuadere voluit KRAU-
SIUS, ^{bd)} eo fine, ut detraheret aliquid laudibus
HALLERI. Et VESALIUS cum nobilis Hispani dis-
sectio-

2c) De subt. Norimb. 1550. Fol. L. XXI.

ad) Exercit. ad CARDAN. Exercit. 246.

bd) Uebersetz. u. Prüf. d. Abhandl. HALLER's v. d. reizbaren u.
empfindlichen Theilen. pag. ult.

sectionem fusciperet, quem mortuum opinabatur, pulsationem cordis expertus esse dicitur; cui narrationi an sua fides constet, haud disquiram. Huius quoque loci sunt, quae testis omni exceptione maior, FRANCISCUS BACONUS de VERULAMIO vidit: cor proditoris, crudeli supplicio e vivo corpore evulsum, inque ignem iniectum, ad aliquam altitudinem, sensim tamen minorem, spatio 7 vel 8 minutorum exsiluisse.

A calore innato, superiore memoria recepto, haecenus noster discedit, quod statuit *spiritum vitalem, aëre tenuiorem, igne mitiorem*; quem, erosio particulis viscidis, quibus irretiebatur, sensim aufugere, tum vero, ubi aufugerit, mortem insequi putat, adeoque remedia quaerit, quibus retineri possit in corpore. cd)

1581.

Convulsionum causam, THOMAS ERASTUS ait, vel ad *cerebrum* spectare vel ad *proprium musculi vitium*. Irritabilitatem ignorabat, at animadverterat irritabilitatis effectum. CHATELAIN Tr. des vapeurs p. 87.

Reccensus Scriptorum Sec. XVII.

1642.

IOHANNES BAPTISTA de HELMONT, mirum caput in exemplum PARACELSI; neque tamen despiciendus, nam novam viam fecit, toto animo de re medica cogitavit, et observationes nobis reliquit, quibus nihil esse potest praestabilius. Vere itaque nimios se praebent docti viri, qui maledicant HELMONTIO,

cd) Hist. vitae et mortis.

MONTIO, quod magno labore id effecerit, ut nihil egisse videatur. Res nostra agitur in eius de *Archaeis* doctrina, quae eo redit: „esse rerum omnium undique dispersa, et vel certis locis affixa, vel ex iis ubique terrarum propaganda semina, quae in semine vegetabilium et animalium, vulgo ita dicto, tamquam in siliqua lateant. In his vero esse quemdam Architectum, (*Archaeum* vocat) qui generationis dirigat opus, deinde vero perpetuo in corpore praesideat, et actiones omnes pro sua phantasia vel bene vel male faciat administrari: — sed praeter hunc esse alium etiam *Archaeum* influentem, et denique unicuique parti proprium. Horum vero singulis tantum non aperte *intelligentiam* tribuit, vult tamen ab anima atque intellectu eos diversos esse. „ Modo recte haec explicentur, haud difficulter intelligamus, *Archaeum* non differre a principio illo vitali, quod eclectici omnes a corpore atque anima rationali seiunctum esse voluerunt. Nec dubitari potest, quin fere eadem fuerit theoria HELMONTII, quam STAHLIUS postea exornavit. *Archaeum* enim *irritatum* s. *furibundum* febris, dum molesta expellat, omniumque pene morborum auctorem facit. dd)

1651.

Ad irritabilitatem propius accedere videtur HARVEIUS; nam, „certum est, inquit, ed) vesiculam dictam, ut et cordis auriculam postea, unde pulsatio primum incipit, *a distendente sanguine ad constrictionis motum irritari*. „ Et saepius animum meum incessit admiratio, quod eo tempore, multis experi-

C 2

mentis

dd) Febr. doct. inaud. Antverp. 1642. 12. Opusc. med. inaud. etc. Colon. 1644. 8.

ed) de generat. anim. Exercit. 51. Lond. 1651. 4.

mentis ad circuitum sanguinis comprobandum vivis in animalibus factis, non plura addita fuerint principii vitalis cognitioni.

1654.

In scenam prodit, nec ultimas partes agit FRANCISCUS GLISSONIUS. Loco priore, ^{fd)} quid sibi velit *irritationis* vocabulum, ostendit: „quidquid incommodum alicunde illatum percipit, idemque a se amoliri fatagit, id proprie dixeris *irritari*. Idcirco, cum partes iniurias persentiscant, seque ab iisdem vindicare conentur, *irritationis* quoque capaces merito dicendae sunt. „

1664.

Nullusdum cogitaverat de principiis physicis ac mathematicis, ex quibus motum atque actiones corporis deduceret. Primum, quod sciam, GUILLIELMUS CROONE ^{gd)} liquidum nerveum et sanguinem in fibrarum interstitiis stagnare et fervorem concipere docuit; tumorem vero musculi, maiorem, quam est ossis longi prope hypomochlion in musculi actione iter, motus inter compendia numeravit. Florere coepit ab eo tempore secta *Mechanicorum*.

1666.

HELMONTIUM tamen sequitur SEBASTIANUS BARTOLUS. *Vitam* definit lumen simplex esse, femininum fomite propagatum, quod se moveat secundum ideales sive complacentias sive displicentias obiectorum. Functiones vitales *calore* non indigere putat, has vitam vi propria peragere: vitae
sensi-

^{fd)} Anat. hep. Lond. 1654. 8.

^{gd)} de rat. mot. musc. Lond. 1664. 4.

sensitivae domicilium esse in corporis centro et membranis albis. h^d)

1667.

NICOLAUS STENONIUS vero ad *simplicem elaterem* vim musculorum retulit, quo angulos acutos, quos fibrae carnae cum tendineis intercipiunt, in rectos mutari sibi persuasit; quare fieri non posset, quin, diagonali breviori reddita, resistentiae eleventur. id) (Neque tamen strata fibrarum rhomboidea in quadrangula rectangula mutari possunt, nisi plurima materies adauctam istam aream repleat.) Inde epistola ad THEVENOTUM, quae pro prioribus apologia est, et multa continet, quae ad motum muscularem pertineant, non aspernanda, inter alia experimentum, quo evincere putavit, crura animalis paralytica fieri ab arteriae aortae ligatura. De motu cordis, auricularum et venae cavae experimenta cepit vivis in animalibus optima et summe utilia: „venam cavam ultimum esse, quod supervivat, — „cordis quietem a sanguine substracto contingere, motum fieri a reddito, — „cordis motum in singulis fibris instar motus peristaltici progredi. „ k^d)

1668.

Truncum *viperæ* exemptis visceribus diu supervivere, caput periculose mordere, et cor evulsam per 25 horas se contrahere, annotavit MOSES CHARAS. Id)

C 3

1669.

h^d) Art. med. dogmat. exam. Venet. 1666. 4.

id) Myol. Spec. Flor. 1667. 4.

k^d) Act. Hafn. Vol. II. n. 46.

ld) Hist. natur. des animaux, des plantes et des minéraux, qui entrent dans la composition de la Theriaque d'Andromachus. Par. 1668. 12.

1669.

Sanguinis in corde fervorem explodit RICHARDUS LOWER, et spiritus animales fibram muscularem relaxare putat. md)

1670.

THOMAS WILLISIUS autem iterum sermonem intulit de duabus animis, altera rationali, altera animali; hanc sanguini tribuit, ab incendio sanguinis pendere, et in primordiis hominis hanc flammam accendi dixit. Fibrarum tamen inflationem ratione chemica explicat; nervorum enim spiritibus in utroque tendine muscoli receptacula sua adsignat, quibus iubente anima versus medias carnes prorumpant, cum sanguine confligant, ut excitetur effervescentia, atque ita officio suo defungantur. Primum de nervorum in arterias imperio cogitavit. nd)

1671.

Egregia sunt tentamina ROBERTI BOILEII et digna commemoratu: cor *pectunculi* piscis evulsum atque inane oscillare et palpitare, *ranas* cordi exempto supervivere, cor *pulli*, cerebro destructo et capite resecto, in motu suo pergere, eumque motum restaurari calida, capite detruncato vivere *testudines*, et *muscas* etiam venerem pati, e. f. p. od)

1672.

GLISSONIUS ostendit, vim vivam elementis, causam itaque motus ipsi corpori inesse, neque in animalibus solis subsistit. pd)

1673.

md) Tr. de corde. Lond. 1669. 8.

nd) de suis accensione et motu musculari. Lond 1670. 8.

od) Certain physiological essays. P. I. Oxon. 1663. P. II, ibid. 1671. 4.

pd) de nat. substant. energet. Lond. 1672. 4.

1673.

I. BAPTISTA du HAMEL musculos vegetabiles fingit, quos aequae per *siccitatem* in motum concitari putat, atque animales per *succum*. qd)

1674. 1675.

Structuram fibrae muscularis *vesicularem* in medium profert CROONE, et veram viam sibi invenisse videtur addetegendum motus muscularis arcanum. rd)

1677.

Absolvere nunc opus, fd) cuius primas lineas duxerat, GLISSONIUS. Fibras corporis animati docuit facultate se contrahendi insita gaudere, quam, novo *irritabilitatis* nomine notatam, ab omnibus hactenus cognitis viribus separavit; td) fibras cordis virtute micationis vitalis suis in eius ventriculis contenti; per vices irritatas, ad se contrahendas excitari et pulsationem facere, mox irritatione remissa relaxari. Perceptionum, quae ad motum fibrarum spectant, tres species distinguit: *naturalem* (Archaeum), qua fibra, alterationem sibi illatam sive gratam sive ingratham percipiens, ad eam appetendam vel fugiendam, et conformiter ad se movendam excitatur: *sensitivam*, qua fibra sensu alterationem in externo organo factam advertens ad aliquid appetendum, seque conformiter movendam impellitur: *tertiam*, ab appetitu animali regulatam, qua cerebrum fibras musculorum ad ea, quae appetit, exsequenda, ab intus commovet.

C 4

Ex

qd) de corp. animat. L. IV. Par. 1673. 12.

rd) in praelect. *Theory of muscular motion*. habita coram Soc. Reg. 1674 et 1675.

fd) Tr. de ventriculo et intestinis. Amstelod. 1677. 8.

td) Cap. VII. de irritabilitate fibrarum.

Ex naturali perceptione irritabilitatem oriri, putat, et absque sensu esse, in cuius decreti gratiam nonnulla phaenomena adducit, v. c. motum tumultuosum animalium, qui aliquamdiu persistit, decollatis eorum capitibus; fibrarum muscularium in animalibus defunctis, acribus et pungentibus liquoribus tatarum, contractionem; motitationem atque intorsionem intestinorum adhuc calentium in abdomine recens aperto, c. q. f. r. neque tamen intra musculorum systema naturalem hanc perceptionem adeoque irritabilitatem subsistere, sed longissime patere, ita ut ossa et denique ipsos succos c. h. irritabiles faciat. Gradus etiam facultatis huius constituit, et irritabilitatem moderatam, nimis tardam, et nimis acutam habet; hanc *irrequietam* cognominat, quod fibras ad inquietudinem disponat, s. *prurientem*, quod quasi ambiat et aucupetur movendi ansam. ud)

Ecquis existimaverit, novam, quaeque a vero minime abhorret, GLISSONII doctrinam ad medium vere Sec. XVIII. oblivioni traditam fuisse? — id quod magis etiam mirum videtur, cum eo tempore omnes omnium hypothesium ineptias, quas numquam excogitatas putaveris, haud aegre reciperent Medicorum scholae. An forte in eo quaerenda est ratio, quod aetatis ingenio repugnabant GLISSONII placita, quae aetas, Matheos studio nimium indulgens, mechanicam potius explicandi rationem in deliciis habebat? Nec denegari potest, ut rem ipsam loquar, in eo peccasse GLISSONIUM et obstitisse doctrinae suae commodis, quod eam multo magis philosophia scholastica, quam experimentis firmaverit.

1680.

ud) c. VII. de differentiis irritabilitatis.

1680.

I. ALPHONSUS BORELLUS, fabrica musculari descripta, ad virium a musculis impensarum aestimationem progreditur, et contra vulgo receptam opinionem multo maiores eas esse ostendit, quam sint earum effectus. Per singula exponit, cur vires, quas muscoli exerceant, minorem effectum fortiantur; quantum ab angulo recto minori dispereat; quantum a distantia, hypomochlio propiori, virium exercitarum, et distantia ponderis maiore; ab angulo fibrarum carnearum, cum tendine intercepto; ab ea vi, quam frustra intendunt strata fibrarum interiora, quae iactura a nostro plurimi aestimatur; a vi demum, quae pereat, cum omne momentum potentiae duplum sit momenti ponderis suspensi. Ex quibus manifestum est, vim infinitam exerceri a musculis, ut parvum effectum edant. Vim eam ad multa millia librarum noster aestimat, et in singulis musculis dimetitur. Vires, ad motum cordis requisitas, pares statuit libris 180000.

Eorum facile princeps fuit, qui leges mathematicas serio ad physiologiam applicarent, et fibrae muscularis mechanismum e structurae artificio enodare studerent. Musculorum fasciculos e fibris longitudinalibus composuit, et intus substantia spongiosa ac multis cellulis s. machinulis rhomboidalibus repletos esse voluit: nervorum vero tubulos, spongiarum instar, fluidum subtilissimum et naturae spirituosae exstillare, quod lymphae sanguinive in musculo admixtum, ebullitionem et fervorem chemicum efficiat: eo fervore latera cavearum rhomboidalium distendi, longitudinem imminui, contrahi musculus, neque absimilem esse hanc fibrarum mutationem illi, quae a cuneorum actione produci possit. En hypothesin,

thesin, qua omnes BORELLI calculi innituntur! Eundem in modum antea ratiocinatus erat WILLI-SIUS; noster vero allaboravit, ut mathefeos applicatione, quippe quae speciem veritatis habet, theoriam hanc magis stabiliret atque illustraret. Motum sanguinis, cessante etiam cordis actione, in vasis arteriosis superstitem, non ignoravit, cumque a motu arteriarum spontaneo et fibris circularibus deduxit. Ultimam tamen causam non animalis tantum, sed etiam vitalis motus animam esse, iudicavit. xd)

CLAUDIUS PERRAULT motus muscularis causam a contractione membranae fibrarum extimae, hanc vero ab elatere naturali repetit. Fibras longitudinales putat non nisi motu passivo gaudere, qui ligandis transversis illis inserviat. yd) De anima vero mentem suam ita aperuit: animam regere corpus, actiones vitales gubernare, cogitationes ipsi confusas inesse eorum, quae sibi diuturna consuetudine familiaria sint, neque eam attendere ad motuum nimis suetorum perceptionem, omnino vere ad eos, qui corpus suum destruere queant. — Musculum, ait, sponte sua et vi naturali agere, quando spirituum influxu relaxatus fuerit antagonista. In corde fibras relaxantes admittit, etiamsi sensus non detegant. zd)

1681.

HELMONTII *Archacum* resuscitat AUGUSTUS QUIRINUS RIVINUS. ae) *Unicum* esse statuit, cum laesa una functione, omnes a legibus sanitatis recedant: corpus motui ineptum esse: *spiritum* fieri materia

xd) de mot. animal. T. I. Rom. 1680. II. 1681. 4.

yd) Ess. de Phys. T. I. du mouvement peristaltique. Par. 1680. §.

zd) Ibid. T. III. Mecanique des animaux. Par. 1680. §.

ae) de spiritu hominis vitali. Lips. 1681.

teria ignea purissima, quod appareat ex luculis, ante oculos versantibus: animam sensitivam esse et vegetabilem.

1683.

In mentem fere GLISSONII de contractione naturali differit LAURENTIUS BELLINUS, BORELLI discipulus, qua causa molestiae removeatur, atque acre inhaerens aut fluidum quodcumque in fibrae superficiem amandetur et porro eiiciatur; hinc a *stimulis* musculos contrahi, snis motum accelerari, inflammationem, revulsionem, evacuationem enasci ostendit. Nulla tamen experimenta habet, quibus vim eam confirmet, et vivam contractionem mortuae confundit. Ceterum mechanica explicatione utitur: liquidum nerveum, cuius motum ab arteriis derivat, in musculos alterne influere ac refluere; omnes nervos una contremiscere; ad contractionem villorum necessario requiri, ut liquidum, quo repleantur, subito rare scat; rare scere autem liquidum ob commixtionem cum sanguine. be)

Eodem tempore voluntatis in motu efficaciam, et systema, quod postea perfecit, indicat GEORGIUS ERNESTUS STAHL. ce)

1686.

OCTAVIUS SAVIOLUS ab explosione sanguinis, in cordis recessus acti, cum spiritu aethereo in parenchyma implantati, motum cordis deducit; hac enim ratione putat, utrumque humorem in spiritum resolvi, spatia fibrarum inaniri, fibras in statum naturalem redire, sinus constringi, absolvi systolen. Ali-

be) de urin. et puls. Bonon. 1683. 4.

ce) Aetiol. Physiol. Chem. len. 1683. 12. Nicolai, recusae in opusculo.

Aliquid etiam irascibilis in corde habitare adfirmat, a vi pulsfica diverſum, ad modum PLATONIS. de)

1688.

Animam in quaque corporis parte reſidere, perſuadet ſibi PERRAULTIUS; ee) inde ſalire cor evulſum a praefente anima motum.

RAYMUNDUS VIEUSSENIUS fibrarum cordis elaterem cum elaficitate aëris interni ſanguinis, e corde expulſi, pugnare credit, et ita abſolvi alternas cordis vices; ab aortae ſanguine ductus arterioſos [fibras] dilatari, hos elatere ſuo conari, ut ſe onere levent, partemque ſanguinis reprimere, inde aërem comprimi, intra humores contentum, vim elaficitatis maibrem acquirere, iterumque diſtendere fibras, quae aptae ſiant novo ſui recipiendo. fe) Alibi dixit: nervos agere, muſculi, qui ſe contrahit, elaficitatem adaugendo, eoque valere videtur edictum HALLERI: frequentiori virium exércitio corroborari muſculos. Nec praeterire poſſum obſervationem illam VIEUSSENI, quae magni momenti eſt: de ramificationibus paris octavi atque intercoſtalis multum variare naturam; eſſe, ad quorum organa maiori numero diſtribuantur; ab inaequabili itaque virium diſpoſitione functionum inconstantiam ac recessus a ſueta norma naturae provenire. ge)

1690.

Fibras muſculares arteriarum minimarum productiones eſſe, conſuit DANIEL TAUVRY; motum vero

de) Lucubrat. phyſ. et med. Venet. 1686.

ee) L. c. T. IV. 1688. 8.

fe) Tr. II. de remor. et mixti princip. in ord. ad c. h. et de nat. cauſſ. diſſer. fermentat. Lyon. 1688. 4. Nouvelle decouverte ſur le coeur. Par. 1706. 12.

ge) Neurogr. L. III. p. 180.

vero muscularem fibras sanguiniferas facere, quarum cavitas et constringi nervi circumiecti tensione possit, et relaxari iterum vi propria elastica. he)

1691.

Pudorem dimittant AEGYPTII; nihil amplius dedecoris in se admittunt eorum initia. IOH. DOLAEUS notissimam spirituum doctrinam sequitur, quos graecis atque hebraicis nominibus designat pro domiciliis, quod suum cuique constituit, diversitate. Ita fermocinantem nostrum audias de *microcosmetore*, *cardimelecho*, *gasteranace*. — An in lucem proferent istae nugae abditas naturae vires? Si diis placet!

De natura veteribus dicta hoc decretum fecit; „veteres quidem naturam morborum esse curatricem clamaverunt omnes, sed quid esset in se haec natura, sane latebat: et multos haecenus latet scitu adeo necessarium et principalissimum fere medici obiectum, quod, DEO BENEDICENTE, *circulantium succorum motum interruptum, sive ipsam sanguinis et liquorum inde emergentium reliquorum circulationem esse compervimus.* „ ie)

1692.

Hoc anno hypothesein suam primum exposuit STAHLIUS, ke) quae quidem plurimorum consensu nova videtur, tamen a novitate adeo remota est, ut adfirmare audeam, quod ex hac commentatione satis, credo, elucescit, *organicorum* sectam, cui STAHLIUS nomen dedit, ab omni inde tempore exstitisse. Id unum sibi proprium assumit, et id ipsum, in quo minime audiendus est, quod vim animi *ultra modum* exten-

he) Nouvelle anatomie raisonnée. Par. 1690. 12.

ie) Encyclop. med. dogm. Francof. ad Moen. 1691. 4.

ke) Epist. de motu tonico vitali. Ien. 1692. 4.

tenderit atque ornaverit; et vel in eo comitem se praebuit PERRAULTIO. In universum negavit, motum ullum esse a corpore; omnem transtulit in animam. Animam docuit secundum fines praevisos motus vitales dirigere, totius machinae animalis quasi gubernacula tenere, omnibus demum functionibus et muneribus peculiari quadam sapientia providere, absque nervorum auxilio, quibus, tamquam vasis, nullum aliud delegat officium, nisi ut musculorum integritatem conservent, quae necessaria sit ad exsequendum animae mandata. Animam voluit totius quondam corporis in utero concepti opificem atque architectam existisse; animam ope textus fibrosi adstricti sanguinem ad sedes determinatas compellere atque ex iis evacuare; motus febriles ad materiae peccantis expulsionem et crassitiem finis superandam moliri, ^{le)} et in universum causis morborum proprios motus opponere, licet ob consuetudinem propriae actionis haud conscia sit; subinde tamen errare; aut ad desperationem adductam inutiles convulsiones excitare. Alibi dixit: corpus humanum putredini et corruptioni obnoxium esse, hanc avertere animam motu excitato: ^{me)} motum, quem anima in organo suo producat, vel remove inepta, inde secretionem esse, vel apta illi apponere, inde esse nutritionem: animam motus tonici, qui ab ipsa fibrae structura pendet, et augmentum inducere et relaxationem: partibus tamen c. h. facultatem inesse, ab irritatione se contrahendi. ^{ne)}

Difficile dictu est, num STAHLIANA doctrina, an diversae MECHANICORUM hypotheses magis obstitierint

^{le)} In februm theoria eadem fere ante nostrum sentit CAMFANELLA.

^{me)} Posit. de mechan. mot. progr. sang. Ibid, 1695.

^{ne)} Theor. med. Hal. 1708. 4.

stiterint medicinae commodis? Ad hypothesein suam STAHLIUS, ad hypothesein suam quisque MECHANICORUM detorquet naturam. Quodsi dogmata inspicias reliqua, ex eo, quem aperuimus, fonte a STAHLIO derivata, eorumque accuratam inter se cohaerentiam, et, quod maximum est, cum veritate atque experientia consensum; haud aegre te nostro adiungas, si vel maxime primum istud principium vacillet, aut in cuiusvis arbitrio ponamus, quid animae vocabulo denotatum intelligat. Mechanicorum e contrario rebus an aequè facile studueris, dubito; potissimum si apud animum cogitaveris quavis peste deteriorem perniciem, quam artis exercitio attulerunt principia ista chemica, quo fermentatio acidi cum alcalino spectat, ex quibus motum atque actiones corporis qui deducerent, fuere.

Equidem nescio, quo pacto caloris innati doctrina, quae nunc iam per tot secula in scholis medicorum viguerat, ab impetu mechanicorum tutam se praestiterit. Neque eam evertere potuit, qui, sibi uni sapiens, singula veterum dogmata subruere studuit, CARTESIUS. Is enim putavit, in poris cordis oe) ignem latere, illumque inservire dilatando, calefaciendo atque attenuando fini, qui ex v. c. veniret in dextrum ventriculum, pe) et alibi, „diastoles motus, ait, iam a primo initio vi caloris productus sive actione ignis, „ et, „cor, quia, dum vivit, pulsare non desinit, videtur eius fibras ad hunc motum tam faciles reddi debere, ut, postquam mortuum est et

oe) „In poris cordis delitescere, ait CARTESIUS, principium illud igneum; nunc quidem probabili argumento statuimus omnes, in glutine animali, fibrâ animale ex parte constituyente haerere principium illud, quod vocamus, irritabilitatis, BALDINGER. Progr. I. p. 14.

pe) L. de homine. Francof. ad Moen. 1692. 4. p. 7. Art. V.

et frigidum, possit ab externa vi facile revocari. „ q^c)

1694.

Eandem in sententiam discedit Anonymus, re) qui, cum in universo corporeo omnis ab igne motus sit, *ignem centrale* corporis animalis in corde residere putat, ceu principium, a quo omnes in machina motus proficiantur. Qui quidem si cogitassent de loco illo, maxime memorabili, qui exstat apud HIPPOCRATEM: se) „sanguis non est natura calidus, sed calefcit; „ principii vitalis effectum haud proclamassent de cathedris vitae principium, neque abusi fuissent *calore innato* VETERUM ad ebullitionem, explosionem et huius generis alia. Equidem mihi persuasum habeo, calidum innatum perinde ac STAHLII animam explosuros fuisse MECHANICOS, modo intellexissent, eo nomine indicasse veteres ens aliquod, ut ita loquar, hypostaticum, et substantiam a materia separatam.

Mechanicorum causae favere videtur GUILLIELMUS COWPERUS, qui cellularum in fibris muscularibus dilatationem atropia, ut aiunt, agnovisse se profitetur; ipse tamen proprio suis ponderi huius phaenomeni rationem tribuit. te)

ELIAS CAMERARIUS vero experimentum BELLINI habet, a I. FRIDER. ORTLOBIO in praefat. ad anatom. rational. DAN. TAUVRY descriptum: „Nervus phrenicus comprimitur, quoad diaphragmatis motus supprimatur: tunc digitis aliquoties deorsum versus diaphragma idem nervus stringitur, sic motus dia-

qe) L. de format. fet. P. II. p. 161. 174. 186.

re) Lettres philosophiques sur le principe et la cause du mouvement machinal des etres organisés. Amsterd. 1694. 8.

se) de corde.

te) Myotom. reform. Lond. 1694.

diaphragmati redit. Sed continuata pressione, idem motus denuo evanescit, et perinde remota pressione diaphragma iterum contrahitur. „ Ex quo eventu concludunt, fluidum aliquod palpabile nervo inesse, quod digito deorsum stricto in diaphragma determinetur. Spiritus noster elasticos reddit atque aëreos, circulum obire et per vasa lymphatica ad cor redire putat, expansos motum muscularem absolvere, dum vesiculas distendant ac breviores reddant. ue)

Quantum laboris habeat ingénium humanum, ut verum tandem agnoscat ipsis in iis rebus, quae vel maxime in oculos incurrant, ex irritabilitatis historia intelligi potest. Quisnam putaverit, exempla, ad animum retinendum aptissima, nihil ultra accendisse studium, in naturam atque indolem huius potentiae inquirendi? — Tale exemplum memoriae prodidit HOUPEVILLE xe): in exstirpatione mammae dextrae, quae monstrosa erat, musculi pectoralis abstulerant particulam ad palmae latitudinem atque imperialis crassitiem; ye) caro haec musculosa per vices se movere, ut propius ad se accederent duae extremitates, etiam manifestius, cuspidē scalpelli irritata, ultra horae quadrantem motus subsistere. ALBINUS quoque tanto ante epocham irritabilitatis HALLERIANAE, gallopavonis capite detruncato, singulos

ue) Diff. de spirit. animal. nat. et p. n. experimenti BELLINO-BOHNIANI, cer. Tubing. 1694. 8. Celebre illud experimentum saepe repetitum est ab HALLERO, at eventu, paullo diverso; „ certum enim est, inquit, strictum et una irritatum nervum in tremorem diaphragma agere, sive sursum, sive deorsum stringatur, neque quidquam habet strictura deorsum ducta diversi ab ea, quae sursum fit, neque diaphragma magis movetur, si deorsum nervus stringatur, aut quiescit, si sursum. „

xe) in opusc. quod prodiit 1694. la guerison du cancer au sein.

ye) epaisse comme un ecu blanc.

gulos musculos irritavit, et singulorum contractionem vidit.

1696.

Per vim stimuli vesicantium actionem interpretatur GEORGIUS BAGLIVUS. ze)

1697.

IOHANNES BERNOULLI, iatro-mathematicus, mensuram dat contractionis fibrarum, quae maxima sit, et mensuram elevationis, quae ab inflatione *vesicularum* fiat, *fibram muscularem constituentium*; vesiculas enim pro machinulis istis rhomboidalibus substituit, a CROONIO, BORELLO aliisque excogitatis. Vesicularum intumescentiam similiter ob oculos ponit, ac si fluidi nervei particulae per formam, quam animo fingit, aculeatam globulos diffringant, quae ratione aër elasticus, intus contentus, erumpat.

1698.

Liber prodiit, dignus, de quo mentionem faciam, auctore CHIRACI. af) Quaerit, quatenus sit causa motus cordis? *Primum* e causarum numero explodit, quas existimare nequeas inter causas motus cordis numeratas fuisse. Contractionem, qualis sit funium, omnino adfirmat in fibris cordis locum habere; neque tamen eam contractionem deducere vult a cordis membrana externa, neque a pericardio, neque ullam omnino causam existare, quae cor foris fecus comprimat, nec vaporem adfluentem, nec motum intestinum fluidorum, per poros atque interstitia fibrarum advenientium; motum cordis non esse a nervis,

ze) Diff. de usu et abusu vesicant. in l. de pr. med. Rom. 1696. 8.
af) de mot. cord. adversar. analyt. Monspel. 1698. 8.

nervis, licet ab iis sit motus aliarum partium c. h., nervis enim omnibus resectis, intercostalibus, oëstivis, recurrentibus, motum tamen cordis multis horis superesse in cane, neque eum attribui posse reliquis spirituum, in truncis nervorum cordis resectorum haerentium, cum fluidi nervei influentis perexigua sit massa, si comparaveris cum modo snis, de corde expulsi. Nullam admittit fluidi nervosi rarefactionem. Ab incisis nervis canes mori vidit, peripneumonia extinctos. Inanitis cordis ventriculis, per vinculum venis iniectum motum cordis intercipi negat; motum itaque concludit, non esse a fine in ventriculos effuso. An ab influxu snis in arterias coronarias? — Iis ligatis motus cordis non desinit, (per experiment.) micare non desinit cor evulsum, omnis fere sanguis arteriarum coronariarum per venas redditur auriculæ.

Ad calculum *nunc* revocatis aliorum de cordis motu decretis, suam sententiam in medium proferre, quæ eo redit: fluidum motorium in loculis fibrarum haerere, quod, dum alternis vicibus effluat ac retineatur, motum cordis systaltico-diaalticum absolvat. Id ut fiat, sequentem hypothesin offert: dilatationem cordis vincula tendinosa efficere, nisu elastico se retrahentia, in contractionem fibras ciere spiritus. Fibras rectas antagonistas esse transversarum una cum transversis ligamentis: solae enim maiori suo robore praepollerent fibrae spirales. Antagonismum itaque esse inter has causas relaxantes, et fermentationem nitroso-sulphuream, in loculis fibrarum se expandentem. Fluidum motorium non posse subire fibrarum muscularium loculos, nisi absoluta contractione, et toto corde relaxato ac dilatato. Auricularum alternam cum corde contractionem esse, dum nexus

beneficio duae auriculae simul agant et duo ventriculi; alternum vero influxum esse fluidi motorii in fibras auricularum et cordis. Ventriculum relaxari inter contractionem auricularum, pro concessio et probato sumit; aliquid tamen suis in contractione ventriculi per cuspidum intervalla effluere, quibus valvulae parietibus cordis adhaerescant. Ventriculum ideo dilatari putat, quod contractae auriculae resistere non possit. Aliqua habet de cordis atque arteriarum motu in pullo incubato: cor non nisi a fine rubro moveri, primas contrahi in pullo auriculas, et dilatare ventriculum, qui vicissim se contrahat, vi auricularum exhausta.

Recensus Scriptorum Sec. XVIII.

Pristinam formam etiamnum gerunt res nostrae. Alterutram in partem de veritatis via deflectunt pluri, quod *vel* nimis studiosi sint mechanismi, *vel* animae plus iusto concedant. Via media qui ineant, pauci sunt, nec corpori nimium tribuentes, nec quidquam derogantes animae.

1700.

IACOBUS GAVET systolen cordi ingenitam esse putat ac naturalem, diastolen vero deducit a spiritibus feminis masculi, per venam umbilicalem irreparentibus et sanguinem in corde rarefacientibus. b^f)

Nec tamen defuerunt istis temporibus egregii viri, qui, cum unam alteramve hypothesin sectarentur, *aegritudinem et irregulares principii vitalis effectus* diligenter atque omnibus modis animadverterent. Systema BAGLIVI c^f) praecipuum huic rei documentum ad-

b^f) Nova febris idea. Genev. 1700. 12.

c^f) de fibra metrica et morbosa. Perus. 1700. 4.

adfert, qui eo nomine mechanicorum, quos nuper vidimus, industriam longo post se intervallo reliquit. Reviviscere tamen videas veterum methodicorum systema in illo BAGLIVI, si alterum alteri conferas. Sanitatem ponebant methodici in tono quodam partium solidarum, inter strictum laxumque medio, quem paucis *εὐτονίαν* appellabant; morbi autem omnes ipsis erant *vel* excessus istius toni, nomine stricturae, *vel* defectus, quem laxitatem seu *ἀτονίαν* vocabant. *Εὐτονίαν* noster venditat titulo aequilibrii solidorum cum solidis, solidorum cum liquidis et liquidorum inter se; stricturam appellat nimis vegetam fibrarum oscillationem atque elaterem iusto intensiorem; laxitas ipsi est elateris remissio. Utcumque sit, minime negligendus est noster, et ad rem propius accessit, consentiente HALLERO. De mira propagatione oscillationis fibrarum, eiusdemque inter ipsas continua permutatione ad remotas quasque partes, de consensu solidorum iure originis, vicinitatis, usus et communicationis officii, de irritatione solidorum variisque stimulorum effectibus ita egregie differuit, ut ante eum nemo. Nec dubitari potest, quin *primus* fuerit BAGLIVUS, qui studium sympathiae partium instauraverit, post HIPPOCRATIS df) tempora ab omnibus fere medicis neglectum. Quis erit nostrum, quin mortem doleat, cheu! praematuram, quae impedivit, quo minus ulterius prosequeretur studium, quod eximiam morborum cognitionem dedit!

D 3

Haec-

df) Sympathiam partium elegantissime expressam dedit HIPPOCRATES: „confusio una, conspiratio una, consentientia omnia,, Sympathiae aliquid dederunt WILLISIUS et VIEUSSENIUS; minime tamen sufficiunt, quae de ea re commemoraverunt. In alium vero sensum detorsit, quae scripsit de sympathia, BAUSNERUS quidam.

Haftenus laude dignum se praebeuit BAGLIVUS; at plane ridiculus videtur in systemate suo de motu durae meningis, ef) quem cordis motui comparat. Durae meningi in motum cordis omnesque corporis animati partes imperium tribuit et vim contractilem, ut sit praecipua motus animalium causa, dum, ut cor cerebri, ut elater comprimatur alternatim cerebrum, et a cortice ad medullam trudit, hinc ad omnes partes liquidum animale, quo peragatur omnibus in partibus tacita quaedam systole ac diastole. Eandem sententiam

1701.

sustentare studuit BAGLIVI popularis, ANTON. PACCHIONI. ff) Primum duram cerebri membranam describit, et potissimum fibras, quas ipse musculosas et contractiles credit, tum falcis, tum tentorii et caudicis s. falcis cerebelli, interioris demum cavae faciei durae meningis. Deinde fabricae huic superstruit hypothesein: duram matrem alternis vicibus tentoria elevare, ut cerebrum comprimant, et vicissim caudicem contractum ea tentoria deducere, quo cerebellum urgeant. Experimenta etiam pro irritabilitate durae membranae in medium attulit.

1702.

IOH. GODOFR. de BERGER gf) finis stimulum in rhythmis cordis perpetuo expositae atque aperte commemoravit, qui cum illustria specimina medicinae mechanicae, verae ita dictae, nobis exhibuit, tum

ef) Cuius primi auctores fuerunt WILLISIVS et MAYOWIVS.

ff) de durae meningis fabrica et usu. Rom. 1701. 8. Super eodem argumento animadversiones adversus PACCHIONUM scripsit FANTONUS. (Opus. med. et physiolog.)

gf) de nat. hum. Vitemb. 1702. 4.

tum hoc argumentum, quod dictum sit obiter, iudicio adeo exquisito eaque methodi facilitate ac generis dicendi elegantia tractavit, ut ceteris eatenus palmam praeripuisse videatur.

1705.

Contra BAGLIVI de fibra motrice systema in Belgio arma movet HENR. SNELLEN. hf) Ipse quidem haud prorsus reiicit mechanismum; in illud vero intendit vires suas, ut ratiocinii mechanici factum atque abusum ostendat, ubi sectarum studio eo adducantur homines, ut ne erubescant gratis omnia reponere, quae neque ipsa natura concedat, neque ars umquam comprobet, si pauca, trita satis, exceperis. Tum propriam hypothesin exponit: particulas solidas *materiam*, portiones materiae immerfas *ventum aethereum, ignem, aquam subtilissimam* vocat; materiae assignat quietem, vinque omnem ac potestatem resistendi, et aliquantisper asservandi portiones spirituales; portionibus vero motum adscribit, omneque momentum actionis, quam materia exserit.

GEORG. CHEYNE motus voluntarios a causa mechanica produci posse negat, involuntarios antagonismo necessario tribuit, haecenus circumscribit mechanismum. if) Fama celebratissimum TOWNSENDII cuiusdam attulit exemplum, kf) qui pro luitu cordis ac respirationis motum suppressere, et redintegrare potuit eo ipso tempore, quo inter saxumque staret. lf)

D 4

1708.

hf) Theor: mechan. phys. med. delineat. Leid. 1705. 8. P.I. contra BAGLIV.

if) Philosophical Principles of natural religion. Lond. 1705. 8.

kf) in English malady.

lf) De quo TISSOTI iudicium interponere non alienum videtur:

„il

1708.

IACOBI KEILII hypothesis in eo tantum ab illa BERNOULLII recedit, quod in vim aliquam attracticem spirituum animalium eas partes detulit, quas in formam aculeatam BERNOULLIUS. mf) Exsurgit HERRMANNUS BOERHAAVIUS, qui vim stimuli in cordis motu agnoscit atque occultam ad motum proclivitatem, quae segmentis insideat. Cum vero fibras musculares e nervorum ramulis oriri, in animum sibi inducit, tum omnem musculorum vim et dilatationis causam ad impetum fluidi nervei revocat; difficultatibus autem, quae a viribus fere immensis, ad dilatationem illam necessariis, arripiuntur, ut se expediat, argumenta ducit ab experimentis hydraulicis. Cordis systolen alternam et diastolen enucleare studet ex peculiari nervorum paris octavi (cardiacorum) conditione, quos, cum maximam partem inter auriculas et magnas cordis arterias cor subeant, in fine systoles comprimi concludit a vasis et cavitatibus sanguine distentis, quo spirituum motus intercipiatur; motu vero spirituum intercepto cor paralyticum fieri, adeoque subsequente auricularum atque arteriarum contractione, compressione nervorum cessante, liberum reddi spirituum com meatum, ut de novo cor sese contrahat. Quae ingeniose magis, quam vere pronunciata facile condonanda censueris, si proposueris apud animum, quantum BOERHAAVII conatibus debeat Medicinæ, dicam? an generis humani salus, Quibus laudi-

„il ne l'operoit vraisemblablement, qu'en agissant sur les organes de la respiration, qui dependent de la volonté, ou en s'occupant profondément de quelque idee triste, qui peut conduire a la Syncope, ou en se mettant dans l'attitude la plus tranquillisante et dans le plus grand repos „ L.c. T. I. P. II. p. 207. 208.
mf) An account of animal secretion. Lond. 1708. 8.

laudibus efferam, quo studio, quo amore complectar virum, qui magno fortique animo pestiferos tandem fluctus cohibuit, quibus per longam annorum seriem medicinam inundaverat fermentationis principium, et morborum ex irritatione indolem rectius explicuit! BOERHAAVIUS enim inter causas palpitationis cordis irritationem fibrarum ab acri quodam stimulo retulit, asthma docuit ut plurimum a constrictione spasmodica fibrarum muscularium in pulmone oriri, remedia proposuit, spasmus febrilem in vasis minimis solventia, et inter causas nephritidis numeravit vasculorum contractionem spasmodicam, diu permanentem. n^f)

1709.

ISAAC NEWTON o^f) spiritibus animalibus naturam aetheream dedit: ex fervore humorum in corde novos spiritus generari putavit: pulsationem vero cordis a vapore aëris acido continuari, qui respirationis beneficio in finem recipiatur, quam sententiam secuti sunt ROBINSON alique. Aerem pabulum quoddam vitae p^f) continere statuit, ad vitam animale conservandam necessarium, et animalia extinguere in vase, cui aëris accessus interclusus sit, aërem non renovatum diu inspirando, quo vitae pabulum consumatur.

1710.

Dissertatio prodit physico-anatomica de motu musculorum, q^f) ex qua recensebo, quae digna sunt memoratu. Fibras musculi transversas dolere dis-

D 5

tractas,

n^f) Instit. rei med. Leid. 1708. §.o^f) in *Queries*, quae prodierunt cum *Opticis*. Lond. 1709. 4.p^f) Principium electricum recentiorum.q^f) PET. RIDEUX et IOH. DIEGO. Monspel. 1710. An non opus ASTRUCII? quaerit HALLER. Bibl. anat. T. II. p. 74.

tractas, ita caveri distractionem musculi nimiam. Aorta ligata artus inferiores resolutos esse et sensu privatos; ea vero symptomata non accidere, si aorta ligata fuerit inferiore loco, quo finditur; nec cruri supervenire, cuius arteriam ligaveris; inde causam paralytis reponendam esse in fine, a medulla spinali averso. Momentum spirituum animalium ad resistantiam esse, ut rhomborum s. vesicularum latitudinem ad altitudinem dimidiam. Parvitatem rhomborum facere, ne nimia copia spirituum requiratur. Experimentum, quod GLISSONIUS de musculi agentis detumescencia ceperat, refutatur.

1712.

PHILIPPUS HECQUET non digestionem tantum, sed omnes fere humorum in c. h. praeparationes, secretiones, motus, ipsamque haematosin tritui atque oscillationi solidorum vique vasorum contractili deberi, ostendit. rf) Anonymus iterum comparuit

1714.

et causam egit systematis solidorum: „ Fecit occupata nimium recentis medicinae sollicitudo, ut despicatui, neglectui saltem habita fuerit solidorum cura; unde sua laus periit corporis exercitationi. Fama fuit publica fides, sui ipsius motus autorem esse finem, unde hunc aduasse, omne punctum tulisse sibi persuaserunt, in cardiacisque, volatilibus et sudoriferis omnem impenderunt artis operam; sed quo successu aperit perversus non paucorum morborum exitus, qui in incurabiles, difficiles saltem, et morosos affectus ab adusto, cremato, alcalisato aut incinerato fine desierunt. Auspicacius suus eorum labor iis cessisset,

fi

rf) Traité de la digestion et des maladies d'estomac. Par. 1712. 12.

si confirmando, roborando aut restituendo solidorum tono studuissent, tanto magis, quanto solidorum vis snis s. fluidorum potentiam superat cet., ff).

1718.

Cordis robur aestimat KEILIUS, tf) enormes BORELLI calculos reiecit, atque ex saltu snis, de arteria proiecti, vi cordis octo unciarum constituit valorem, aequè infra verum.

Novam sententiam in medium profert CHARLES MALOUIN, uf). Omnibus fibris c. h. elaterem vimque contractilem atque oscillationem attribuit, eam autem vim ab aëre esse putat, in fibris contento; neque venis vim suam contractilem deesse, illam enim cordis atque arteriarum haud parem esse sni per universum corpus circumferendo, neque omnes resistentias cor superare; adiuvari itaque a vi contractili arteriarum. Vasorum minimorum oscillationem asserit. Nihil dicit succus nervus, quem in vicem spirituum animalium, quos utpote superfluos atque incognitos eiiciendos existimat, iisdem fere proprietatibus substituit.

Nullam excogitaveris opinionem vel maxime ridiculam atque ab omni veritatis specie alienam, quin hominum ingenia in eam inciderint in exquirendo vitae principio. Huius generis est illa WOODWARDI, qui bilem et huius sales in snem resorptos veram et vitae et motus animalis causam pronunciavit. xf) Quid hoc sibi voluerit, intelligentiae meae vim adepol! superat.

1720.

ff) de purganda medicina a curarum sordibus. Par. 1714. 12.

tf) Tent. med. phys. Lond. 1718. 8.

uf) Tr. des corps solides et fluides. Par. 1718. 12.

xf) State of physik and of diseases. Lond. 1718. 8.

1720.

LEIBNITIUM in theatro conspiciamus, qui exprobrat STAHLIO, quod omnem ab anima motum deducat, principiis anatomicis innititur, animae quidem imperium concedit, sed in machinam sponte facturam, quae imperat, neque animae imperiis obtemperaturam, nisi aliunde eadem fuerit effectura. STAHLIUS omnibus nervis viribusque contendit, ut motus animalis ab anima originem tueatur, et ambigit cum LEIBNITIO, paullo obscuriori sermone, de *harmonia*, quae dicitur, *praestabilita*. yf) Is perseverat in suo iudicio: materiam omnino motus producere absque anima, illos corporis animalis ab explosionibus nasci, motus in morbis conspicuos machinae tribuendos esse, non animae, huius adfectiones motus quosdam excipere, sed in machina ortos, STAHLIUM denique corpoream reddere animam.

1721.

Post tempora BAGLIVI, quem obscuriorem sympathiae partium cognitionem instauravisse praedicavimus, quantumvis operae pretium fuerit, ut in ea desudarent atque elaborarent medici, paucissimi tamen inventi sunt, qui in re, de qua quaeritur, studium adhiberent, multi quidem, qui quasi aliud agendo, eam attingerent. Supra ceteros eminent HENRICUS IOSEPHUS REGA, non mediocris ingenii vir, qui cum bene intelligeret, minime ex sententia successurum esse sanandi negotium, ubi in occulto iacuerit causa morbi primaria, consensionem partium c. h. et magni aestimandam iudicavit a medico artifice,

yf) Negotium otiosum s. *σχισμαχία* advers. posit. aliq. fundament.
Hal. 1720. 4.

ce, et clarissima, quantum potuit, observationis ac ratiocinii, inde deducti, luce collustravit. zf) Nullam exornare voluit, nullam condere hypothesin, probe gnarus, „ab illo in speculationes et nova commenta amore et pruritu primam mali causam existere, hinc logomachias esse et umbratiles istas de rebus novis et superfluis disceptationes, hinc practicarum praeceptionum contemptum, hinc inanium et saepius periculorum principiorum pseudofundamentum, neque alia principia adhibuit, quam quae sensibus obvia essent, sensuumve testimonium facile insequerentur.

Rationem consensus partium, quam petunt a communi origine vel communicatione nervorum, non reiicit noster, ubi communicatio illa appareat, aut verosimile sit, eam existare; sin minus, in *admirabili fibrarum et praecipue membranacearum continuatione, per totum late corpus producta*, consensionis causam reponit, et condolentiam partiumque compassionem fieri sibi persuadet per *oscillationem dolorosam, a centro oscillationis loci adfecti ad partes remotas propagatam*: huiusmodi oscillationes esse fumos ascendentes, vapores vagantes, fluxiones descendentes, catarrhos ad hanc vel illam partem decumbentes, e. q. f. r. de quibus conquerantur aegroti. Ex hoc principio consensum explicuit *capitis* cum omnibus et singulis corporis partibus: ventriculo, oculis, auribus, lingua, hepate, artubus; et illum *ventriculi* cum capite, facie,

zf) Tr. de sympathia s. consensu part. c. h. ac potissimum ventriculi in statu morbofo. Harl. 1721. 8. Mirum videtur, celeberr. VER-SCHUIR intactum reliquisse REGAM, cui equidem prae multis Belgarum, quos ille extulit in caelum, partes priores deferre, non admodum dubitaverim. Ita est: qui magni omnium iudicio extiterunt viri, saepe negligimus, infantibus aptamus personam Herculis ac cothurnos.

facie, lingua, faucibus aliisque partibus palatinis, consensum cum pectore ac quibusdam partibus abdomini inclusis, inprimis liene, hepate, intestinis, renibus, utero, cum partibus demum corporis externis, cute, articulis, etc. Febrium etiam originem, praevia generali febrium notione, a fomite, ventriculo inhaerente, deduxit, et fontem plerorumque morborum a stomacho esse derivandum, in stomachum esse praecipuam multorum actionem, ideoque in artis exercitio ad eundem inprimis animadvertendum, ostendit. Insignem quoque *uteri* consensum, quem non incognitum fuisse PLATONI commemoravimus, et consensum reliquorum viscerum abdominis, *intestinorum, hepatis, lienis, mesenterii, renum, vesicae*, etc. consensum denique *pectoris* et potissimum externarum corporis partium infinita observationum copia, quae in recentiorum scriptis et monumentis veterum exstant, egregie illustravit.

1723.

NEWTONUM sequitur BESSIUS quidam, ag) qui spiritum aëris nitrosum, quem in pulmonibus cum sine commisceri fingit, pro vera motus cordis causa habet.

1724.

Quam tenuia fuerint argumenta, in quibus consisterent mechanicorum hypotheses, inter alia perpetua earum commutatio demonstrat. In celebritate diu versatae fuerant machinulae rhomboidales; prodit BERNOULLIUS, viguerunt vesiculae. Harum denique mechanismum multis et gravibus premi difficultatibus, intellexit TABOR, bg) et substituit in earum

ag) Lettre à l'auteur du livre de l'économie animale. Par. 1723. 12.

bg) Exercit. med. Lond. 1724. 8.

rum locum cylindros, coeco fine terminatos. An sapientior ceteris? — Scilicet!

1726.

WOODWARDUS, palam facturus, animam inesse fini et singulis corporis partibus, cg) in gratiam systematici HALLERIANI multa et notatu digna experimenta cepit, quantumvis diversum fuerit, quod spectaret, consilium. In plurimis animalibus emortuis carnes palpitare atque irritatas convelli vidit; haecenus nihil novi, similia enim certissime viderunt antiquitatis haruspices. Sententiam vero ut approbaret suam, intestina docuit de corpore revulsa, atque ab omni cum cerebro commercio remota, motu peristaltico repere, et irritata atque agitata cultro venenove eadem symptomata pati, quae in situ relicta et cum nervis suis connexa ostendunt. Corda felis, viperæ, cyprini, columbae evulsa in alternis motus vicibus pergere, contrahi et laxari, expertus est, et ad similia experimenta ranae, serpentis aliorumque animalium vitam impendit. At omnia id generis phaenomena assignavit animae, quam dummodo talem dixeris, quae per universum corpus aequabiliter fusa sit, [animam sensitivam veter.] mutato vocabulo irritabilitatem fere habueris. WOODWARDUS vero, qui cerebro evulso non tantum sensum superesse voluit, sed ipsos etiam animi adfectus, tota erravit via.

1732.

Novam motus muscularis doctrinam meditatus est BRYAN ROBINSON: dg) puncturam, calorem et quæ

cg) A supplement and continuation of the essay toward a natural history of the earth. Lond. 1726. 8.

dg) Treatise of the animal oeconomy. Dubl. 8.

quae sunt reliqua irritamenta, in contractionem ciedere musculos, aetheris vibrationem concitando, in nervis ac membranis musculorum inhabitantis: inde effici, ut quavis irritatione potentior, vaporis electrici explosio, quae vividior aetheris vibrationem excitet, fortius velociusque musculos commoveat.

1733.

Eandem sententiam amplectitur BROWNE LANGRISH. eg) Vim enim musculorum a spiritu aethereo petit, qui vim contractilem, quam elementis noster adscribit, augeat, ut in acervum se colligant; hoc pacto calorem et vellicationem acutam cordis contractionem instaurare, dum materiam nervorum aetheream in actum deducant. Inquit etiam in musculi elementa, et aërem fixum magnam glutinis partem efficere iudicat. De vi contractili fibrarum agit, illi impulsu humoris renitente, deque perpetuo inde enato renixu; de fabrica musculi conspicua, non esse fibras vesiculares, a vesiculis enim, quae aequae in longitudinem expandantur, necesse sit, nullam decurtationem secuturam, et diminui molem musculi contracti; ad cordis tamen motum ex BAGLIVI hypothese conferre aliquid motum durae meningis.

Haecenus illustrata facta Anglorum. Quod si insipida tibi videatur de spiritu aethereo doctrina, ad physica NEWTONI composita, periculum est, ne plane molesta futura sit, quam promulgavit in Italia

1734.

IOS. THOM. ROSETTI, qui spiritus ex aëre, sulphure et sale commixtos voluit atque in pulmone suboriri.

eg) A new essay on muscular motion, founded on experiments and Newtonian philosophy. Lond. 1733. S.

suboriri. Eam mixtionem certissime vidit per somnium, qua enim argumentandi ratiōne aut analysi chemica usque adeo deturbari potuerit de mente, ut ipsi illi mixto iudicium daret natura insitum, quo omnes pene motus ad crises dirigeret? fg)

1735.

STAHLII castra in Germania sequitur IOHANNES IUNKERUS, voluntatis atque intellectus puri defendit actionem, quae sine sensu et conscientia fiat, animae vero sapientiam usque eo extendit, ut menses novissimos largiori copia expellat, probe intelligens, hanc imminuendae plethorae methodum abhinc sibi interdictum iri. gg)

1736.

Pervenio nunc ad insigne Belgarum ornamentum, FRIDERICUM WINTERUM volo, qui eo tempore, mechanismi quidem servitute haud dum liberatus, coniectura tamen prospicere videtur, quod in apicum posuit HALLERUS. hg)

1737.

Neque diffiteri possumus, ALEXANDRUM STUARTUM, quamvis motum muscularem ex diastole sanguinea ac nervea, et systole vesicularum elastica composuerit, multa tamen, despiciatui minime habenda, vidisse. Huius loci sunt tentamina, quibus evictum est, musculos ranarum convelli, medulla spinali tacta; arteriam resectam valide retrahi, vix quidquam nervum; fibram denique a nervo se-

para-

fg) Syst. nov. de morb. solid. et fluid. Venet. 1734. Fol.

gg) Conspr. physiol. med. Hal. 1735. 4.

hg) de mot. musc. Leid. 1736. 4.

paratam irritabilem permanere. ig) De motu vero cordis sententiam suam ita aperuit noster: cor esse unicum planum fibrarum parallelarum, quod secundum leges determinatas in se ipsum convolvatur. kg)

Multa etiam industriae ac subtili ingenio IOH. SWAMMERDAMMI debemus, qui propriam quamdam motus muscularis causam, ex ipsis musculis oriundam, agnovit, ad quam excitandam nihil nisi nervi musculive contactus ut accedat, necesse sit. lg) Iam animus mihi praefagit, non procul abesse systematis Stahliani interitum, quod ex una a GLISSONIO repetita propositione longe gravius detrimentum capturum esse praesentio, quam quod haecenus inferre potuit impetus omnium, qui in subsidiis habuere impulsu mechanicum et vires, stricte sic dictas, mechanicas. Nec tamen defuerunt viri strenui, qui ut salvam praestarent animam STAHLII, omnem moverent lapidem; quorum in numero haud infimi subsellii fuit

1738.

I. DANIEL GOHL. mg) Influxum physicum propugnat acerrime; animam solo actu immateriali tantam motus potentiam atque energiam per se et in se omnes in corporis partes tam internas quam externas habere, ut plane non opus sit spiritibus sic dictis animalibus, vitalibus, naturalibus. Naturae consilium confirmat omnibus in morbis salutare esse, ut

ig) de struct. et mot. musc. Bord. 1737. 12. Eiusdem fere argumenti sunt: *three lectures on muscular motion*, quae prodierunt cum philosoph. transact. Vol. XL.

kg) Philosoph. Transact. N. 460. Diff. posth.

lg) Bibl. nat. Leid. 1739. Fol.

mg) Aufrichtige Gedanken über d. v. Vorurtheilen kranken Verstand, insonderheit in d. Materie v. d. SPIRITIBUS ANIMALIBUS. Hal. 1738. 8. Ed. 1. JUNKER.

ut feliciter successuri sint morbi, ni ratio se iis immisceat; infixas dari atque ingenitas notiones, cum nuper nata animalia functionibus suis rite defungantur; sensum vitalem esse animae, corpus, quod ipsa struxerit, sibi repraesentantis per simplicem nervorum contactum, in universum corpus distributorum; nervos ab anima tendi, ab hac tensione motum esse tonicum; in apoplectico sensuum non compote per sensum internum vomitum cieri; de animae sapientia ex casu parturientis constare, ubi partus dolores et paroxysmus febrilis una exardescerent, utrumque enim impetum una conquievissse; mechanicos oportere ad deum confugere, ut causam motus inveniant.

1745.

Inventi sunt alii, qui via media inter STAHLIANOS et MECHANICOS inirent; ut quisque enim sapientissimus fuit, ita maxime partium studio se abdicavit. I. GOTTLIEB KRÜGER ng) motus vitales sensationes aliquas excipere admittit, animamque eorum motuum causam continere, huius vero potestatis ullam existere conscientiam negat. Haecenus dissentit a STAHLIO, quod praeter unicum desiderium, ingrato sensu se liberandi, certum animae finem atque ideam determinatam in agendo relicit, et secretionem atque alias corporis animalis functiones, de animae imperio exemptas, sub stimulorum ditionem redigit.

Fuerunt etiam eo tempore, qui motus animalis principium in aërem transferrent. Naturali enim ingenio feruntur homines ad rerum latebras ac recessus collustrandum, quas in occulto latere voluit sapientissimus earum conditor. Ex naturali hac indole ori-

E 2

ginem

ginem ducunt diversae hypotheses fluidi aetherei, aërei, electrici demum, quod nostra aetate cum in omni iudicio tum in dicendo elegantissimus WRISBERGIUS pulchra oratione exornavit, vel iis ipsis ad persuadendum aptissima, quos difficillime ad credendum inducas. og) Quamvis enim ab omnibus haecenus cognitis viribus, quae in hac rerum natura existunt, certissime diversum sit vitae animalis principium; ab omni tamen tempore unam alteramve quaesiverunt potentiam, quam existimarent tantis effectibus parem. Inde IACOBUS PERSONS fibrarum muscularium tubulos ab aëre intumescere voluit, qui spiritus nervus sit fibrasque impleat, sed celerius, quando accedat voluntatis imperium; hac ratione cellulas breviores reddi et latiores, aëremque intervalla replentem comprimi; cum ipsum aërem, quando voluntas remittat, tum snem, fibris distentis elisum, in priorem angustiam reducere cellulas, pg) et IOSEPHUS MOSCA non ita multo post sensus motusque et vitae ac mortis causam aërem esse iudicavit. qg)

1746.

At maxime iniurius mihi videar, si tacitum relinquam FRIDERICUM HOFFMANNUM, academiae Fridericianae nuper Aesculapium, qui cum in omni artis iatricae genere immortalem sibi laudem peperit, tum neque in eorum collegio circa ima subsistit, qui de principii vitalis indagatione bene sunt meriti. STAHLII doctrinam ad suam comparaturus, STAHLIO quidem refragatur, at ea, quae magni viri est, animi sedati modestia, ut ne vel minima invidiae aut aemu-

og) L. c. Ann. §1.

pg) The Croonian lectures on muscular motion. Lond. 1745. 4-

qg) Dell' aria e di morbi dell' aria dipendenti. Neapoli 1747. 2.

aemulationis vestigia appareant. rg) Vim motricem corporibus propriam tuetur, „deum enim, ait, in prima creatione voluisse, ut substantiae extra se existerent, quae motum ex necessitate quoad operationes suas exfererent, atque pro huius varietate varios effectus et phaenomena producerent; has esse res corporeas, vi et potentia quadam motrice et resistente, qua unum ageret in alterum, instructas, ut mutua actione locum vel situm mutarent, et motum exfererent, qui omnium phaenomenorum, qualitatum, effectuum, vitae, nutritionis, corruptionis, imo omnis mutationis in rebus corporeis causa et fons esset. „ Ex hoc principio mortem ab animae arbitrio supervenire negavit, et venenorum effectus a fabrica corporis esse, ac motus natura excitatos saepius nocere ostendit. Systema nervosum bene constitutum, sanitatis causam esse; causas morbificas maxime afficere partes, motu et sensatione gaudentes; nullam febrem oriri absque spastica systematis nervosi affectione, probe habuit perspectum, et plurima aegritudinis phaenomena ex hoc fonte derivavit.

Iam vero FR. WINTERUS accuratius evolvit potentiam, cuius suspicio fuerat abhinc decem annos. Motus enim atque actiones corporis ex irritabilitate declaravit, per stimulum in actum deducta, et motus, a morte superstitis, causam ab eadem petivit. fg) Sua quidem a nostro repetit GLISSONIUS, sua etiam repetunt BELLINUS, BAGLIVUS, STAHLIUS, HOFFMANNUS alique, quorum e scriptis quae de irritabilitate fibrarum collegerat, in usum

E 3

suum.

rg) de different. inter HOFFMANNI doctrinam physico-medicam et STAHLII medico-organicam. Erf. 1746. 8.

fg) de certitud. in med. pract. Franeker. 1746. Fol. Eodem anno motus vitalis atque irritabilitatis fibrarum causam peroravit.

suum convertit. WINTERI tamen industria et physiologiae et pathologiae tantum attulit commodum, ut dictorum virorum vix quempiam parem ponendum, anteferendum putarem neminem. Contigit etiam nostro, quod adhuc dubito, an ulli, (longe aliter certe evenit GLISSONIO) ut temporis illius aequales exemplo suo ac praeceptis, quae vel coram vel litteris dederat de irritabilitate fibrarum, ad vim insitam diligentius inquirendam exstimularet, eamque vivis in corporibus experiundi, alacritatem accenderet omnium; quare factum est, ut ad clariorem lucem, quam antea, fuerit producta. Accedit, quod in disciplinae suae alumni supra laudatos habuerit BIKKERUM et VAN DEN BOS, qui, eruditorum gratiam praeceptoris causae conciliaturi, omnem in eo infunderent operam, ut experimentis, vivis in animalibus factis, irritabilitatem illustrarent.

1747.

Cum rerum humanarum fors ea est atque conditio, ut, quae vel maxime salutares sint generi humano, per longam annorum seriem delitescant, tum a perexiguis initiis suboriantur, quae vel acutissimis oculis sese subducant, quando demum in lucem provenerint, fusque deque habeantur, si sagaciores paucos excipias, qui curam earum agant, usque dum homo inveniat egregius, qui earum incrementum adjuvet, et nihil reliqui faciat, donec magnitudinem suam impleverint; tum eadem perspicere mihi videor doctrinae de irritabilitate, uti omnibus omnino doctrinis, accidisse. Atque illuc iam me delatum sentio, ut iusta persolvam officia, quem nuper vidistis, ALBERTO ab HALLER, summo, Germaniae dicam? an rerum universitatis ornamento. Verum enim vero
quo

quo diutius quoque intentius in illud pene divinum ingenium mentis oculorumque aciem defigo, quod scientiam medicam universam ornavit, illustravit, adauxit, quod, ad singula aptum, tanta in omni disciplinarum genere praestitit, ut fines ac modum humanitatis transiisse credas, quod neque terra neque coelo neque mari quidquam relinquere voluit incognitum, eo graviore, nescio quo, aegritudinis sensu perculsum animum magis ac magis despondendum existimo de praeconio HALLERI celebrando; nullius enim tanta dicendi est vis, tanta copia, quae non dicam exornare, sed enarrare possit amplissimi ingenii laudes, quod non omne seculum tulit, nec feret omne.

Hic erat in fatis, qui hypothesium ingum abiceret, naturam ipsam consuleret, machinae animatae potentias ad vivum refecaret, omnia exigue atque exiliter revocaret ad calculos. Haec omnia tanta industria tantoque labore perfecit, ut hactenus invictus steterit noster, quantumvis de ipsius laudibus detrachere studuerint aequi contemtores. Irritabilitatis inventae gloriam minime sibi arrogavit, candide enim professus est, hoc sibi inquisituro animum addidisse et calcar, quod irritabilitatem videret unanimi consensu ita ab omnibus recipi, ut universum fere motuum corporis animalis systema potentiae huic superstruerent; neque omnem omnino inventi gloriam in nostrum detulerim, cum et Anglia suam sibi lauream decerpit, quae GLISSONIUM, et Belgium, quod WINTERUM tulit. At vero systematis irritabilitatis principem fuisse atque auctorem HALLERUM, neminem fore crediderim, qui in dubium adducat, cum declaratum fuerit, quam sagaciter naturam indolemque, terminos ac leges irritabilitatis investigaverit, quam

diligenter perscrutatus sit principii vitalis phaenomena atque effectus, quantam experimentorum ediderit copiam, quibus singulas corporis vivi partes examini subiecit, eo fine, ut, quatenus irritabiles essent et quonam gradu, exploraret. Haecenus exegit monumentum aere perennius, quod etiam constabit, dum fractus illabatur orbis.

Inde ab anno 1747 t8) triplicem vim musculo insidere docuit: mortuam, insitam, nerveam. Inter *mortuam* atque *insitam* haec maxime interesse putat, quod *illa* a morte supersit efficax, in vivo animale aliquanto alacrior: *haec*, vitae propria, multo prior a morte evanescat, alternis etiam oscillationibus plerisque in exemplis absolvatur, et manifesta velociorque maximos motus peragat, cum illi, qui proficiantur a vi mortua, obscuri sint atque exigui. *Vim insitam* soli musculari fibrae propriam esse, inquit, *mortuam* omnibus fibris animalibus communem; *illam* denique a ferro stimulantem, atque in cavis musculis ab inflato aëre, aqua omnique stimulo suscitari, *hanc* a venenis quidem cieri, numquam a ferri razione aut compunctione. Quantum haec differunt a perversis istis opinionibus, seculo priore et principio huius celebratis! Elateris vim et fibris inhaerentem naturam, quae omnibus partibus, nulla excepta, diverso tantum gradu competit, cognitam quidem habuerunt et compertam non mechanici tantum, quos laudavimus, BELLINUS, BAGLIVUS, PACCHIONUS, alii, sed STAHLIUS etiam et STAHLII sectatores, quippe qui vim tonicam tradiderunt et quam maxime inculcarunt. Omnes verò in errorem delati sunt, cum contractionem, a definita partium cohaesione oriundam, mortuam HALLERI, illi confunderent atque

com-

t8) Prim. lin. physiolog. Goett. 1747. 8.

commiscerent, quae irritabilitatis s. vis vivae atque insitae effectus est. Ipse, qui primum de irritabilitate cogitavit, GLISSONIUS, nulla huius differentiae, maximi tamen momenti, ratione habita, eo devenit, ut ossibus succisque corporis omnibus irritabilitatis assignaret potentiam. Praeter haec A. ab HALLER vim insitam a nervea expresse distinguit, in quo, qui proxime accessit, WINTERUS hactenus a nostro distabat. „Forinsecus, ait, ad musculum advenit, (vis scilicet nervea) in quo altera inquilina habitat. Cum vita destruitur, a qua altera per certa experimenta diu superest: supprimitur a vinculo nervo injecto, a laeso cerebro, a propinato opio: motus insitus ab iis omnibus nihil patitur. Viget in animalibus cerebro destitutis: movetur, quod sensu caret, et sentiunt corporis partes, quae sunt absque motu. Voluntas motum nervosum ciet et aufert, in insitum nihil potest. „ Vim, quae finem moveat, a solo corde esse arbitratur, pulsumque vasis in minimis evanescere, neque videri praeter mortuam alia contractione gaudere vasa minima.

1748.

In schola Batava nunc eminet IOHANNES de GORTER, ug) qui cuique parti corporis animalis facultatem attribuit propriam, qua rem suam gerat. Ad eam facultatem pertinere statuit motum peristalticum, respirationem, secretiones varias, vim propriam placentae, quae finem in fetum maternum impellit; discernit etiam ab irritabilitate et vi vitali, qua superstita vis propria possit exstingui. Cordis robur impar esse pronunciat motui finis producendo, et huius effecti corroborandi causa in vasis, praecipue arteriosis,

E 5

teriosis,

teriosis, inveniri quidquam ostendit, quod nulla adfit in machina hydraulica, quod restinctum sit in cadavere, paucis, quod vim vitalem vocat. Experimentum eo nomine adducit, vi cuius arteria aperta digitum immissum simili modo ac cor premit, cui mucro abscissus est. Ex hac vi vasorum, quam quidem inprimis fluido nerveo dedit, egregie tamen et sani et morborum corporis functiones explicuit ac phaenomena, v. c. cursum continuum, quo sanguis per arterias ducitur, inaequalem in aliqua parte circulationem et pulsum, impetum humorum versus aliquam partem, indeque enatam inflammationem, quam a spissitudine finis atque arteriarum obstructione deduxerat BOERHAAVIUS. Quantum potiora sunt, quae de irritabilitate vasorum stabilivit GORTERUS, doctrina ista BOERHAAVII! Inflammationem enim a solo stimulo absque arteriarum obstructione enasci, et spissitudinem finis inflammationis potius effectum, quam causam esse demonstravit, neque maiorem impetum velocitatemque ex rami alicuius obstructione oriri: imminui enim debere totam velocitatem simul sumtam, cum velocitates, ab aequalibus causis pressae, sint ut resistentiae, aucta vero in obturato ramo resistentia, totam velocitatem minorem fore. Ex vi vitali vasorum perspicue etiam et dilucide expedit faciei erubescientiam atque arteriarum pulsationem, quae instantem haemorrhagiam praesagiunt, e. p. a.

1749.

A GORTERI doctrina non valde discrepat illa PETRI SENACI. Irritationem in motu cordis approbat: ad irritandum aptiorem censet finem rubrum. Cordis viribus activitatem vasorum adiungit, quo peragatur humorum circuitus. Immo arteriis etiam maio-

maiolem quam cordi, vim tribuit; omnem vero reponit in energia nervorum. xg) IOSEPHUS LIEUTAUDIUS vero fluidum perquam subtile fingit, cui materia motus elastica innatet, quae, fibrillas minimas dilatando, musculorum motum producat; yg) adeoque alterutram in viam a partibus HALLERI etiamnum recedunt plurimi, quod in motibus efficiendis vel nervis nimium concedant vel elateri.

Iam STAHLII systema, quod eadem ratione, qua invalescit irritabilitatis doctrina, magis ac magis extenuari videmus, ab interitu vindicaturum se profitetur Gallorum facile princeps, FRANCISCUS BOISSIER de SAUVAGES. zg) Ultimam motuum causam in animae quadam intentione quaerit, primum vero instrumentum in succo nerveo, quem *electricum* suspicatur, cum conus lucidus e nervo dissecto erumpat, et mathematicas mechanicasque motus explicationes cum STAHLII doctrina coniungit ea potissimum mente, ut ipsis suis verbis proprioque gladio mechanorum iugulet turbam, qui corpus humanum ut perpetuum aliquod mobile considerant, *solis* mechanicis legibus obnoxium. In Anglia eodem tempore

1750.

STAHLII causam etiam acrius defendit FRANCISCUS NICHOLLS. ah) Is animam pertinacem facit
ac

xg) Traité de la structure du coeur. Vol. II. Par. 1749. 4. „Les arteres sont des instrumens actifs, ce sont des especes des coeurs; ou les coeurs pressés ou irrités donnent un plus grand mouvement au sang, il en est de même des arteres: ce n'est donc pas par leur élasticité seule, qu'elles agiront plus fortement sur ce fluide, c'est par un principe dependant des nerfs, ou pour mieux dire, par l'action même des nerfs. „ T. II. p. 169.

yg) El. Physiolog. Amstelod. [Genev.] 1749. 8.

zg) de SAUVAGES et des HAIS de hemiplegia per electricitatem curanda. Monspel. 1749. 4.

ah) de anima medica praelectio. Lond. 1750. 4.

ac malignam, ut suo desistat officio, inconcinnis remediis a medico irritata. Singulare eam consilium spectare, sibi persuadet, dum eruptionem variolarum sensim moliatur ac pedetentim, videlicet, ne nimium obruatur onere: lac animam abigere, quando puellus perierit: animam metu abiectam summum creare periculum, quandoquidem materiae noxiae expulsionem negligat, et huiusmodi alia. De pigritia criminatur mechanicos, qua deducti fuerint ad suam hypothesin.

Novum hic notamus systema, quod

1751.

in Gallia condidit LA CAZE. bh) Duplicem in corpore motus originem assumit, e cerebro et diaphragmate. Omnia e systemate nervoso membranoso deducit, anatomiam ac physicam parum curat, Stahlianis favet, sed expoliendos putat.

Irritabilitatis vero doctrinae excolendae operam suam hoc anno navarunt HALLERUS, ch) ZIMMERMANNUS, dh) GUILLIELMUS BATTIE. eh) Ille fecit periculum, quo posset privilegium partis cordis novissime superviventis a dextra aure dextroque ventriculo in caveas sinistras transferri: dextra aure incisa, suem expressit, venam cavam interceptit vinculo, quo minus novam adferret penum snis; prior filuit auris dextra et lateris eiusdem ventriculus, cum sinister ultimus in motu persisteret. Iste, praeceptoris auctoritate atque exemplo incitatus, et testis experimentorum, quae haud dum publicaverat HALLERUS,

bh) Spec. nov. med. conspect.

ch) in sermone, coram Soc. Reg. Götting. recitato: *de cordis motu a stimulo nato.*

dh) Diss. de irritabilitate. Göt. 1751. 4.

eh) de principio animal. Exerc. XXIV. Lond. 1751. 4.

LERUS, rem perferutari coepit, atque in vulgus offerre tentamina, quorum multa HALLERI sunt, non pauca ipse instituit. Vim irritabilem abesse ostendit a pinguedine, membranis, tendinibus, aponeurosis, visceribus, excepto eo effectu, quem venena chemica excitant. Gradus irritabilitatis constituit, et illam muscutorum praecipuam, ventriculi atque intestinorum potiore, cordis denique potentissimam esse adfirmavit; vidit etiam superstitem fuisse per aliquot dies in eruca capite destituta. Irritabilitatem non ab similem attractioni legem esse censuit; nullam ornavit theoriam. *Hic* itidem HALLERI insistit vestigiis, sensus instrumentum ab illo motus separat, vim contractilem arteriarum perinde atque HALLERUS negat, irritabilitatem asserit non in eadem ratione esse cum musculi firmitate, morborum originem, uti THEMISON, a stricto repetit et laxo.

Quae cum ita se habeant, quisnam expectaverit, hoc ipso tempore, principio motus muscularis agnoscendo adeo commodo, ac potissimum in Germania quemquam inventum iri, qui suis rarefactionem recoquat, quae cum antiquitatem maxime redolet, tum longe a vero remota est? HAMBERGERUS tamen a rarefactione suis, fibris contenti, quam interposito fluido nerveo tamquam *humori levioris naturae* attribuit, motum deduxit muscularem. fh)

Maiorem laudem meretur ROBERTUS WHYT-TIUS, gh) doctrinae Stahlianæ in Anglia vindex, qui, cum irritabilitati minime studuerit, nomen suum ad omnem consecravit posteritatis memoriam. In eo recedit a STAHLIO, quod animam motus corpo-

fh) lib. supra cit.

gh) Essay on the vital and other involuntary motions of animals. Edinb. 1751.

corporeos *ad vim stimuli*, neque *ad fines praevisos* excitare, motumque a stimulo, non a voluntate pendere, docuit, ne in musculis quidem, voluntati alioquin obnoxiiis. Vim irritabilem quod attinet, eam non dubitavit ignorantiae asyli afficere ignominia; at tamen sententia, quam stabilivit WHYTTIUS de vi stimuli, irritabilitati Hallerianae ita consonat, ut facili negotio intelligas, illum vel invitum veritatis testem fuisse. Alios etiam aliarum partium stimulos esse comprobavit; iridi circulum dedit constringentem, ^{hh)} et pupillam existimavit a morte amplio-rem reddi. Pulmones vi insita moveri negavit, et respirationem animae incommodum vitaturae actionem esse statuit. Musculos voluntarios, a nimio stimulo coactos, contra voluntatem agere posse, musculosque spontaneos voluntati nonnumquam obsequi, rite intellexit; animae tamen influxum ubique immiscuit, cumque partes, a corpore avulsae, naturam irritabilem retineant, facilem se praebuit eorum sententiae, qui animam dividunt, ut partes sui corporis sequatur. Experimenta cepit de nervi octavi irritatione, de opio, naturam cordis irritabilem destruyente, alia.

N. An fefellerunt nos atque frustrata sunt, quae futura pradiximus? Nonne labefactatam videmus, quin immo funditus everSAM STAHLII doctrinam, et cum

hh) GALENUS nullum pupillae motum concedit, nisi ocluso altero oculo; dilatationem vero pupillae oculi aperti spiritibus addicit, utrique oculo destinatis, in unum apertum confluentibus; et ACHILLINUS, cuius aetas in sec. XVI. initium cadit, de motu pupillae a variis lucis gradibus differit. MORGAGNI *advers. anat.* l. p. 34. Quae vero cum per transfennam quasi fuerint adspecta; a pluribus perhibetur primum hunc motum indicasse, qui centum fere annis post vixit, PATER PAUL, ortu Venerus. FABRIC. ab AQUAPENDENTE de oculo. P. 3. c. 6. PLEMP. *ophthalmograph.* L. I. c. 9. DOUGLAS *bibliograph. anat.* p. 228.

cum suo defensore quasi in exilium actam, ad Galliam Angliamque confugere, ut se recipiat in doctorum virorum fidem ac clientelam? — Nec tamen istam victoriam reportaturi fuissent mechanici de antiquissima sententia, inde ab EMPEDOCLE celebrata, quem in animi quodam vigore vitae animalis vim atque actionem collocasse memoravimus, de doctrina tot seculorum intervallis relata et regustata, tot scholarum praesidiis propugnaculisque munita, quaeque propter ipsam dominatus sui diuturnitatem in Germania fixa atque immota mansura esse videbatur; nisi accessisset gravissima HALLERI auctoritas, qui cum minime omnium mechanicorum partes sequeretur, tamen eorum causam valde videtur ornasse, et hactenus iis se praeuisse socium, quod manus in eadem STAHLII decreta intentavit iisdem fere armis instructas. Quo factum est, ut utriusque scholae semper communis esset cum Stahlianis controversia: quid enim? nonne animi operam perinde atque mechanicorum grex, in motu vitali deprimendam censuit HALLERUS?

1752.

EX HALLERI disciplina effloruit GEORGIUS CHRISTIANUS OEDERUS, qui experimenta cepit in carnibus sale irritatis, theoriam tamen similiratione ac ZIMMERMANNUS omisit. Irritationem edixit naturam destruere irritabilem. Ranam animalibus calidis diutius irritabilem esse annotavit, et nervum foliis in iis musculis motum ciere, quibus ramos porrigit; neque ob novam undam nerveam agere musculos, sed ex penu, quem possideant, spirituum. ih)

Nunc

ih) de irritabilit. Hafn. 1752. 4. Nec suas de ea re laudes abiudicare quis potest CASTELLIO, ZINNIO, SPROEGELIO, WALSTORFIO, ceterisque disciplinae Hallerianae alumnis.

Nunc iam innumerabilem experimentorum coactionem in medium attulit HALLERUS, quaecum ipse ceperat, tum instituta fuerant a suis discipulis, ^{kh)} quibus systematis sui theoriam corroborare studuit: scilicet irritabilitatem non esse a nervo, sed fabricae musculari innatam, neque a voluntate pendere, neque ab anima. Arcioribus etiam terminis vim irritabilem circumscripsit; at longum esset, singulorum experimentorum eventum singulatim enumerare, quapropter satius duco, subsequenter praebere conspectum, quo summam eorum contineam.

Irritabilitate gaudent

per experimenta:

1. MUSCULI
2. OESOPHAGUS, VENTRICULUS et INTESTINA
3. COR
4. VENAE LYMPHATICAE
5. VESICA URINARIA
6. PARTES GENITALES
7. UTERUS

per ratiocinium:

- I. ARTERIAE
2. VENAE
3. DUCTUS EXCRETORII
VESIC. FELLEAE, DUCT.
CHOLEDOCHUS, URETER,
URETHRA
4. GLANDULAE et SINUS
MUCOSI
5. IRIS

Irrita-

kh) in sermone de part. c. h. irritabil. d. VI. Maji in conv. Soc. Reg. lecto, deinde in Commentar. T. II. p. 113 edito, cuius alteram partem, quae experimenta continet, ad sodales misit d. 24. Nov. 1755.

Irritabilitate vacant

per experimenta;

per ratiocinium;

1. NERVI

1. CUTIS

2. PULMO

2. MEMBR. NERVEAE
VENTR. et INTESTIN.

3. HEPAR

4. LIEN

5. RENES

6. CELLULOSA ^{lh}) et ADEPS

7. TENDO

8. LIGAMENTA, PERIOSTEUM, DURA et PIA MEMBRANA, PERICARDIUM, ALIAEQUE MEMBRANAE

9. PARTES denique, quas PER RATIOGIN. IRRITABILES esse, etiamsi experimenta nihil simile ostendant, haud prorsus abnuere potuit sagacissimus naturae indagator.

De principio vero irritabilitatis si quis quaerat; nihil repugnare videtur HALLERO, „cur non sit glutinis animalis in fibra musculosa ea proprietas, ut tactum et lacesitum se constringat. „ ^{mh}) Quae quidem quamvis commoverent medicorum animos; multo tamen acrius impugnata sunt, quae de diversarum partium sensibilitate proposuit. ^{nh}). Partes enim,

^{lh}) Ipso hoc anno inventus est, qui telam cellulosam tendineam tandemque nerveam faceret, et convulsiones ac sympathiam in cellulosam conferret, Th. SIMSON. *Inquiry, how far the vital and animal actions can be accounted to be independent of the brain.* Edinb. 1752. 8.

^{mh}) Plurimum etiam suis meritis valent ION. LUPPIUS (d. de irritabilit.) et GUIL. de MAGNY; (an a visorum aucta aut imminuta irritabilitate omnis morbus? AN. JAC. GOURLEZ de la MOTTE. Par. 1752.) nec praeterire possum viros illustri laude conspicuos NICOLAI et DELIUM, qui ut omnem a sensatione motum derivarunt, sic ad rem cognoscendam maxime exaceruerunt animum HALLERI.

^{nh}) in serm. de part. c. h. sent. Eadem postea repetivit, confirmavit, firmissimae sustinuit in memoir. sur les part. sensibl. et irritabl. Lauf. 1756. 12. et Elem. Physiolog. Lauf. 1757. 4.

enim, quarum et medici & chirurgi unanimi fere consensu exquisitum reformidarent sensum, quasque spasmodorum ac convulsionum metu minime auderent attingere, ne dicam, cultro vulnerare, easdem absque ullo doloris sensu, inde oriundo, et venenis corrodi et igne aduri posse, pro certo adfirmavit HALLERUS. His partibus imprimis annumerantur periossteum, dura et pia mater, ligamenta, capsulae, tendines, membranae atque aponeuroses, quibus ab omni tempore et sensibilitatem insignem, et morborum, dolorum ac convulsionum sedem assignatam fuisse, inter omnes constat. HALLERI itaque experimenta cum adeo inexpectatum praebuerint eventum, et vulgo receptis opinionibus e diametro oppositum; an mirum videtur, per totam fere Europam in Italia, Gallia, Anglia, Helvetia ac Germania et ubivis gentium egregios surrexisse viros, qui, rei novitate impulsii, eiusdem investigandae periculum facerent, quod magno vitae tot bestiarum constabat pretio?

1753.

HALLERUM relinquo, cuius in animo erat, nihil pro vero accipere, nisi sensibus comprobatum, in quo si quando errore fuerit lapsus, egregie tamen erravit more magnorum virorum. Invitus nostrum relinquo, nec fieri potest aliter, quin gravissimo renitentis animi sensu ad hypothesium fatuitatem se recipiat, qui vel primis labris doctrinam HALLERI gustavit. Quam insipida enim videntur, quae de actione musculorum proposuit G. A. MÜLLER: oh) eam *attractionis* speciem esse, cui ex adverso respondeat *repellens explosio*; vim nerveam ex vi musciosa atque explosio-

oh) Betracht. über d. Art u. Weise d. Mitwirkung. d. Nerven zu d. Zusammenziehungen. Frankf. 1753. 8.

plosione componi, proximeque ad magnetismum accedere; succum vero nerveum multa habere seminis similia pariterque viscidum esse, magnamque inter cerebri et testium fabricam intercedere analogiam. — Dudum etiam fastidire seculum spiritum primigenium cordi insitum, quem admittit LAURENTIUS CAIETANUS FABRI, ^{ph}) cuius tanta est in spiritibus distribuendis liberalitas, ut spiritum addat prolificum, cuius in sanguine nidum construit, quemque cor ac deinde reliquas partes fabricare existimat. — LE CATIUS demum an suaviori condimento systema suum ornavit? ^{qh}) Anne ad eiusdem exempli hypothesein redeunt, quorum patrocinium susceperit, *spiritus iste animalis, ad spiritus rectoris plantarum similitudinem accedens*, et quem, rara aedepol! observatione in spina bifida vidit, *succus nervorum viscidus*? Motus vero muscularis doctrina, quam tradidit noster, in eo tantum ab illa STENONIS et BORRELLI abludit, quod animam vi propria, neque ex cerebro, sed cominus fluidum rarefacere nerveum, arteriam etiam spirituosi quid addere putat, quod, in fibras effusum, dilatationem augeat eo ipso modo, quo musculus dilatatur ab aqua impulsus.

1755.

Iam impetum facere in HALLERI systema viri multi nominis. IOH. BAPT. BIANCHI totum corpus et sentire et irritabile esse sibi persuadet, HAL-
LERO exprobrat, quod in brutis animalibus experimenta fecerit. ^{rh}) Aliqua etiam contra vim insitam

F 2

HAL-

^{ph}) de somno, cet. Lucc. 1753. 4.

^{qh}) dissertat. qui a remporté le prix de l'Academie de Prusse sur le principe de l'action des muscles. Berl. 1753. 4.

^{rh}) Lettera sulla sensibilità ed irritabilità delle parti nelli uomini e nelli bruti. Turin. 1755. 8.

HALLERI proposuit CAROLUS CHRISTIANUS KRAUSIUS in dissertatione LE CATIANA, quam germanice reddidit, et suis prosecutus est animadversionibus. fh) Nervorum vim tuctur ipsis in iis motibus, qui supersunt in partibus de corpore animali avulsis. Sensorium commune quorundam animalium medullae spinali inesse arbitratur: a glutine, elementa terrea reuniente, minus valide, ubi in longitudinem particulas revinciat, magis, ubi in latitudinem, motum deduci posse muscularem, cet. Tentamina etiam contra HALLERUM scripsit ROBERTUS WHYTTIUS: th) cor non sufficere promovendo nisi per vasa minima, vim itaque reliquam ad promovendum humorum circuitum necessariam ab oscillatione vasorum minimorum accedere, quam quidem paullo obscuram neque maiorem esse fatetur $\frac{1}{800000}$ parte unciae; irritabilitatem a sentiendi facultate minime esse separandam, nervo enim ligato idcirco motum superesse, quod *anima* toto in corpore sentiat, sui quidem sensus sibi non conscia, omnibus etiam animalibus caput esse aut nervos aut quidquam analogi, ranam capite abscisso salire, *ex consilio* pedem stimulatam attrahere, e. q. f. r. Istud vero *sentient principle* WHYTTII meram vocem esse, ostendit IOH. SHEBBEARE, et novam exposuit de motu musculari doctrinam, cuius ad haec redit epitome: uh) omnem in animale motum a calore oriri, pulli exemplo; eum motum esse ab igne electrico, de aëre absorpto et per nervos commeante; eundem ignem, in telam cellulosam effusum, motum efficere muscularem, vim

fh) Prüfung d. Preisschrift d. Herrn LE CAT v. d. Muskelbewegung Leipz. 1755. 4.

th) Physiological essays. Edinb. 1755. 12.

uh) The practice of physik. etc. Lond. 1755. 8. Vol. II.

vim contractilem vero in statum priorem restituere musculos, pariter etiam cellulofam arteriarum dilatari ab igne, restitui ab elasticitate fibrarum; eundem ignem dilatare pulmonem, abire cum halitu, tunc elatere suo pulmonem contrahi, neque diaphragma quidquam agere, neque musculos intercostales.

Ut in Anglia WHYTTIUS, sic eo ipso tempore in Gallia causam dicit pro anima SAUVAGIUS, x^h) eique singularem concedit potestatem, ut et multos uno tempore motus imperet, et numerando percenseat chordarum oscillationes; irritabilitatis vero in mortuis effectus *vitae superstiti* tribuit. Aliter ac SAUVAGIUS sentit ex eius popularibus IOS. STEPH. BERTIER, y^h) qui motus a sensu in mechanice cieri existimat absque animae nutu, nervos fibras contrahere et mutare in ferras,

1756.

In laudis Hallerianae societatem venit pereximius ille, quem Italia tulit, M. A. L. CALDANUS, z^h) qui cum plurima experimenta fecit, quae perinde se habuerunt, atque illa Göttingensia, tum irritabilitatem peculiarem fibrae muscularis dotem esse iudicavit. Multa etiam de opii in ranis effectu experimenta protulit WHYTTIUS, quibus vel externe admotum irritabilitatem destruere videtur; in dubitationem vero adduxit, an satis commodè existimari possit de vi venenata opii, quando vulnere gravitate fere interemtum sit animal. ai)

F 3

At

xh) Journal de Medecine T. II.

yh) Phylque du corps animé. Par. 1755. 12.

zh) Epistola sull' insensibilità ed irritabilità di alcune parti degli animali, praelect. d. 25. Nov. 1756. coram academ. dell' istituto. 4.

ai) Ess. and observat. T. II.

At KRAUSIUS denuo in palaestram ascendit, et ad pugnam provocat HALLERUM. bi) Experimentis quidem fidem non derogat; ratiocinationis vero, quae ex iis deduxerat HALLERUS, quam maxime refragatur. Irritabilitatem causam physicam esse, atque in intima musculi fabrica latere, glutine scilicet animali, quod se constringat, cui tamen nullam porro causam adsignare necesse sit, uti nulla causa attractionis aut gravitatis in materia probabilis adsignetur, id quidem existimaverat HALLERUS. Cui noster opponit: praeter constrictionem fibrarum *elongationem* respiciendam et huius minimum causam definiendam esse: fabricae, quae iners sit, principium adiungi debere actuosum: opium irritabilitatem destruere, quandoquidem nervorum actionem comminuat. Neque experimentorum eventum partium corporis animalis divisionem subministrare admittit, a facultate se contrahendi repetitam; ad hanc enim accuratam imprimis phaenomenorum observationem requiri. Neque cutim irritabilitatis imperio eximit, neque pulmonem; *illam* enim irritabilem esse, ex vesicantium actione, et constrictione cutis demonstrat, quae terrorem, subitam frigidae adspersionem, atque aurae in sensibilibus adflatum insequitur, *huius* irritabilitatem excreationem muci ex profundo quasi pulmone indicare, existimat.

Neque a re proposita doctrina seiuncta videtur, quam alibi *de mutatione corporis fetus* exhibuit: ci) animam ideis innatis corpus suum regere, quarum sibi haud sit conscia: animae etiam imperio partes non

bi) Abhandl. d. Herrn v. HALLER v. d. empfindl. u. reizb. Theil, Verd. u. gepr. v. KRAUSE. Leipz. 1756. 4.

ci) in diss. de quaest. ab Acad. Imper. Scient. Petropol. propof. *quaenam sit causa proxima, mutans corpus fetus?* etc. Petrop. 1756. 4.

non sentientes subiectas esse, animamque nervos, qui minus apti erant, aptiores reddere posse sensationibus facilius percipiendis, animi denique adfectus et humorum coagula solvere et vasa connata: inde partes solidas fetus mutari et vitari colorem: fetum pro uteri parte habendum esse, quocum accuratissime cohaereat, ut admirabilis quaedam continuatio ferriesque nervorum sit, quorum beneficio in eundem statum constitui possit fetus anima, in quo illa matris versetur; longe vero alacriorem in agendo fetus animam esse, quam matris, adeoque maiori impetu in organa sui corporis niti, quae, ut teneriora sint, ita maxime afficiantur, multoque graviolem recipiant impressionem, quam corpus maternum. At novum irritabilitatis systema

1757.

sustentare studuerunt I. FRID. SCHREIBER; di) I. FRANC. CIGNA, qui cum excretionem, tum plurimas vitae humanae actiones ex vi irritabili explicuit, et nervos vitales non dari distinctos ab animalibus comprobavit; ei) et FELIX FONTANA, qui a nulla nervorum irritatione motum cordis augeri vel mutari docuit, atque ab aliis obiectionibus naturam defendit irritabilem. fi) Neque *opium* voluit, sed *spiritum vini* nervis facultatem auferre, sua irritatione convulsiones excitandi, idque eum spiritum aequè efficere absque opio. gi)

F 4

1758.

di) *Almagesti medici*. P. I. *Introd. et pars Physiol. med.* Lips. 1757. 4.

ei) *Spec. pro cooprat. in ampliss. Colleg. med.* Turin. 1757. 4. P. III. de irritabilitate.

fi) *Conspectum meum* hactenus subterfugit C. G. de SAINT LEGER d. an ut sensibilitas, sic irritabilitas a nervis? Par. 1757.

gi) *Epist. ad URBANUM TOSETTI data.*

1758.

Aequum est, ut honorificam de duobus Belgis mentionem faciamus: MATTHAEO V. GEUNS, inquam, et HIERON. DAV. GAUBIO. *Ille* egregie inquisivit in id, quod vitam constituit in corpore animali; contra WHYTTII sententiam nullam vim animae esse approbavit in plurimos, quos corpus exserit, motus; tantundem vero ab HALLERO discessit, quod totum fere corpus, uti BIANCHUS ex nervis, ita ex tela cellulosa composuit, omnesque corporis partes et nervos pariter ac cellulosam irritabiles reddidit, multum etiam arteriarum contractioni nervisque in perficiendis motibus vitalibus dedit. hi) *Hic* itidem universis animalis partibus irritabilitatem impertiit, aliquem fibrae sensum eidem adiunxit, teneriorem aliquam irritabilitatem nervis inesse voluit, vimque vitalem dixit solidi, ii) qua id ad contactum irritamenti se contrahit et crispatur; quam quidem simpliciter ab anima esse, minime annuit, robur tamen suum ab ea accipere. ki) Immortalem GAUBIUS noster adeptus est laudem, qui alios haecenus antecessit rerum gestarum magnitudine, quod imprimis ad Pathologiam illustrandam a recentioribus inventum adhibuit. Illud enim sui generis, ut vocat, principium, viventibus inditum, suis vitiis obnoxium esse docuit, „quae et frequentissima sint, sive solitaria sive cum aliis morbis complicata, multivarias functionum perturbationes inducere queant, nec tamen inter similes, elementarios, temperiei totiusve substantiae, aut et organicos solidorum morbos, veteribus dictos, neque etiam inter humorum vitia, a recentioribus addita,

fat

hi) Disquisit. de eo, quod vitam constituit in corpore animali. Amstelod. 1758. 4.

ii) *Aënosum* ALBINI.

ki) Instit. Pathol. Leid. 1758. 8.

fat commodum inveniant locum, atque adeo singularem sibi titulum reposcant, „ eaque vitia ad vis vitalis vel excessum pertinere vel defectum, statum enim inter haec extrema medium sanitatem ponere. Excessum sensu strictiori *irritabilitatem* vocavit, i. e. solidi vivi tantam sensibilitatem, ut levibus stimulis in motus erumpat enormes, quibus aequabilis functionum tenor perturbetur, defectum vero *torporis* nomine notavit, qui solidi vivi imminutam vario gradu sensilitatem ponit, hinc ad irritamenta natus in contractionem tam parvos, ut non sufficiant iis producendis motibus, quos oeconomiae salus postulat. li) Quantillo opere quantoque melius exin perspicimus februm atque inflammationum, congestionum atque haemorrhagiarum, spasmodorum, convulsionum, morborum hystericorum atque hypochondriacorum naturam, et refractariam illam morborum chronicorum indolem, quae remediorum vim vel plane eludit, vel malignius ipsi cedit ob virium naturae languorem!

In doctrina *de viribus medicatricibus*, quam ita egregie pertraxit, ut ante eum fere nemo, ambigere videtur de lite cum Stahlianis, atque „animus, ait, formidine periculi inquietum, impetus concipere, motusque in systemate suarum functionum concitare, qui licet ex instinctu potius, quam ex consilio profluere videantur, certissimum tamen tutaminis aut levamenti asserendi scopum atque efficacitatem manifeste declarant. „

Iam iterum in medium procedentem videmus CIGNAM, qui irritabilitatem ab HALLERO quasi inventam quam acerrime propugnat, BIANCHUM nimium sibi arrogasse redarguit, et nullam habuisse irritabilitatis notionem, cum eam vel inanimatis dederit

li) in aureo illo capite: *de morbis solidi vivi.*

corporibus, HALLERO vero imputasse, ab HALLERI sententia longe remota. mi) IOSEPHUS CARRERIUS vero, SAUVAGII discipulus, motus vitales a motibus ex irritabilitate oriundis distinguere, quo venae cavae contractionem retulit. Hanc irritabilitatem ipsi mesenterio tribuit, a nervis pendere negavit. Praeter actiones voluntarias alias etiam ab anima esse monuit, ex obscuris perceptionibus natas, utramque tamen actionem ab irritabilitate differre. ni)

1759.

Bono LE CATIO non placet irritabilitas. Sin quaeras: unde motus dissecti cordis? — „ab anima sensitiva, respondet, quam adoptavit ecclesia. „oi) Peracris vero iudicii UNZERUS in speciem animae sensitivae sensum nervorum internum conformavit, qui musculos in motum adducat. pi)

Hoc tempore duo exstiter in Anglia viri, quorum alter WHYTII, alter HALLERI laudes obtuleret. GUILIELMUS PORTERFIELD dudum se ante WHYTIIUM animae in motu potentiam agnovisse, adfirmat, neque hanc animam ens esse superfluum, quale sit anima WHYTII. Omnes motus principio voluntarios fuisse credit, paullatim vero ita

mi) Refutat. obiect. quae adversus theses I. F. CIGNAE exstant in T. II. libri Bononiae editi. 1758. 4. Experimentis etiam rem, de qua agitur, examinavit IO. PETR. de JAUSSEMAND. d. de sensibilitate et irritabilitate part. c. h. experimenta. Monspel. 1758.

ni) D. de vitali corporis et animae foedere. Perpign. 1758. 4.

oi) in dissertazione secondo interno la sensibilita della dura e pia madre. Bologn. 1759. 4. in *Collect. Fabrian. suppl.* excus. LE CATIUS, si demum IPSUS est, de irritabilitatis nomine iam antea argumenta moverat: eam qualitatem occultam, incomprehensibilem, rationi repugnantem, et ipsi contradictoriam expressioni esse, quae eam repraesentet. Reflexions sur l'irritabilité Hallerienne, Journal Encyclopedique. Aoust. 1757.

pi) d. Arzt. Hamb. 1759. 8.

ita factos spontaneos, ut in iis peragendis nihil amplius opus esset definita animae voluntate. qⁱ) THOMAS LAWRENCE vero post GLISSONII tempora, inquit, vix quidquam additum fuisse irritabilitatis doctrinae praeter non necessarias demonstrationes viri magna in celebritate versantis. Elaterem musculi ab eius vi, voluntati subiecta distinxit. Sanguinem movere musculos docuit, sed stimulando agere; nervos aliquid conferre, vasa contrahere et succos in sedes maxime irritabiles compellere, vimque stimuli definire. rⁱ)

1760.

Novum experimentis delectum ac demonstratum in c. h. phaenomenon protulit I. L. ROGERUS. sⁱ) Primum enim monuit, existere in fibris muscularibus corporis animalis motum intimum, perennem, quem fibrillarem vitalem vocat, non absimilem motui intestini peristaltico, cuius indicium sit susurrus ille tremulus, celeberrimas chordarum vibrationes imitans, quem percipiamus, si auris meatus externus appressa manu penitus claudatur. Ex irritabilitate hunc motum explicuit; illam tamen neque causam neque potentiam esse voluit, sed motus tantum dispositionem. Nervos vero, quamdiu in statu sano ad fibras musculares illaesi perveniant, moderari dixit hunc motum, et tunc non sensibilem esse ad oculum, sed ad aurem ope artificii; cum vero laedantur nervi moderatores, tum e iustis, ad sanitatem requisitis, limitibus exire, et venire sub adspectum; inde tremores et convulsiones esse ligatis resectisve nervis, et piscis car-

qⁱ) A treatise on the eyes. etc. Edinb. 1759. 8. Huc spectat Tom. II.

rⁱ) de nat. musc. praelect. tres. Lond. 1759. 8.

sⁱ) de perpet. fibr. muscular. palpitat. Gött. 1760. 12.

carcharii truncum, capite et cauda truncatis, tam violentis agitari convulsionibus, ut tres homines eas sistere nequeant. Perpetuum hunc fibrillarum motum 1^o) constantem in corpore animali electricitatem excitare docuit, 2^o) efficere calorem animale, 3^o) promovere fluida in vasis capillaribus lentescencia propter distantiam a primo motore, atque vim attractricem vasorum capillarum, 4^o) excitare media, quibus transpiratio insensilis perficiatur, 5^o) novum forsan, instar pulsus, signum Semiologiae quibusdam in casibus suppeditare: ita in usum oecologiae animalis transire.

HALLERI de peculiari iridis irritabilitate iudicium confirmavit MÜLLERUS quidam, ti) qui iridem ne a stimulo quidem foci vitri convexi contrahi monuit, neque ideo in iride causam motus reponendam esse, quo angustetur pupilla, sed in retina, cuius ex irritatione proprio quodam mechanismo membrana haec dilatetur. Arctari etiam pupillam annotavit, parte aquei humoris elapsa, atque ab aucto humorum affluxu et aliqua inflammatione constringi. Irritabilitatis vero systemati etiamnum stomachatur SAUVAGIUS, medicum catholicum non posse non sequi STAHLIUM adfirmat, atque in metu est, ne cordis vires imminuat resistantia, nisi animae intendat voluntas. ui)

1761.

Cognitum est hactenus atque perspectum, multos habuisse adversarios HALLERUM, quorum alii ob diversum, quem viderunt, experimentorum eventum, alii ob diversitatem ratiocinationis, non pauci deni-

ti) de irritabil. irid. hincque pupillae motu pendente. Basil. 1760. 4.

ui) de animae imperio in cor. Monspel. 1760. 4.

denique iique infimi ex quadam praeiudicatae opinionis tenacitate quam acerrime repugnarent novo systemati. Neque tamen defuerunt, qui responderent ad dubia in medium prolata; quo factum est, ut utramque in partem perillustres disceptarent viri. Constat autem et notum est omnibus, rerum non omni dubitatione exemptarum veritatem ut in quovis disciplinarum genere, ita in medicina ex eruditorum dissensionibus magis magisque in diem elucescere et clariorem reddi, si quidem veritatis causam agant, qui inter se habeant controversiam.

Pervenio nunc ad ANTONIUM de HAEN, qui ob sua de artis exercitio merita in omnium semper laude erit atque auctoritate: utrum ceteroquin veritatis, quod profitetur, studio, an obscura aliqua simultate, quam cum HALLERO gessit, ad litem movendam incitatus fuerit, haud disquiram, ne violare videar beati viri sepulcrum. Certe illiberale, quo utitur, dicendi genus, ab omni honestate remotum viroque ingenuo maxime indignum et pravam indolem arguit et infestum atque inimicum in HALLERUM animum. Exprobrat itaque HALLERO, xi) „quod exigua sit experimentorum vis; si quidem, quotiescumque auctori sententiam suam mutare placuerit, experimenta praecise nunc negando nunc adfirmando, id ipsum confirmarent aut negarent, quod autor, in sententia admodum mutabilis, aut adfirmare aut negare in animo haberet, id quod venae cavae exemplo docet, cuius irritabilitatem ante annum 1757 nullam vel perexiguam esse statuerit, in *Elementis Physiologiae* yi) admiserit. Neque concedit HALLERO, in-

xi) Difficultat. circa modernor. syst. de sensibil. et irritabil. Vien. 1761. 8.

yi) „Venae cavae pars aliqua et supra cor et infra cor musculosis fibris confirmatur et *irritabilem naturam induit.* „ T. I. p. 399. et seq.

infirmam cordis irritabilitatem a nervis esse, qui nudi ad stimulum haereant in interiore corde, fieri enim non posse, inquit, quin cor ceteris musculis citius motui ineptum reddatur prae maturiore nudorum nervorum occallescentia. Cordis vero atque auricularum cava sub morte sanguinem continere adfirmat, neque ideo a sola irritabilitate et irritante, sed a longe potentiore hactenus incognita causa alternum cordis motum pendere.

HAENII obiectiones a se dimovere studuit HALLERUS, zi) et sua experimenta ratiociniis atque argumentis impugnari non posse, ostendit, neque in eo se sibi contradixisse, quod arteriae aortae trunco et venis cavis thoracicis fibras carnosas dederit, non ita arteriis et venis minoribus, etc. HALLERO vero advocatus venit HENRICUS NEPOMUZENUS CRANZIUS. ak) Animam sensitivam LE CATII refutavit: „vel anima sensitiva LE CATIANA sentit vel non sentit? si sentit, recte sensitiva cognominatur, et eius qualitas sensibilitas dicitur: si non sentit, cur ita appellatur? sed si sentit, vel et sui et stimuli conscia sentit, vel minus, si sui et stimuli conscia sentit, quomodo ab anima rationali diversa est? si et sui et stimuli ignara sentit, quae est haec anima? „ Ad HAENII vero argumentum, ab occallescentia nervorum desumptum respondit: „nervos in aspera arteria nudos maxime irritabiles esse, illabentis tamen vim aëris abs occallescentia sustinere continuo; esse etiam maxime irritabiles et sensibiles oculos, nec hos continuo affricu occalescere; multum sensibilia esse intestina, et licet acri humore lacerata constanter tamen non occalescere, „ neque tamen hanc irritabilitatis

zi) Adversus ANT. de HAEN difficult. Lauf. 1761. 8.

ak) Solut. difficult. circa cordis irritabilitatem. Vien. 1761. 8.

tatis causam absolute proponere aut tueri HALLERUM; etc. Eodem tempore contra LE CATIUM et spiritus semi-immateriales scripsit P. A. MARHERR. bk) Vim irritabilem defendit, perpetuam vero ROGERI oscillationem ipsi nocere putat.

At novam nunc dedit *tentaminum physiologicorum* editionem WHYTTIUS, ck) cui varia adiecit: non dilatari ab ipsa morte pupillam contra HALLERUM, qui motum iridis vi muscolari fieri negaverat ob pupillam a morte latam; non omnem nervorum contractionem reiiciendam esse, neque polypis caput suum ac systema nervosum deesse; cor acriter sentire, et nervos irritatos cordis motum accelerare; non opio tantum, sed etiam mercurio sublimato pulsum cordis imminui, ut in animale moribundo, e. q. f. r. Systematis Halleriani, quod ipsi paucis experimentis superstructum videtur, disturbancem sibi, nescio, quo iure, assumit.

1762.

Praesto aderat HAENIUS, dk) facile contumacissimus rerum suarum propugnator. Cor numquam undique inaniri, inquit, et tamen quiescere, HALLERUM ipsum neque in frigidis perfecte evacuari, neque in calidis umquam demonstrari posse, in magno opere docere, id quidem HALLERO palmare irritabilitatis argumentum demere, e. f. p. Quae ab HALLERO reposita fuerant HAENIO, LE CATIO, WHYTTIO, ex commentariis gallicis latine reddita auctaque, et in unum continuum sermonem coalita invenias in *operibus*, quae hoc anno prodierunt, *minoribus*. ek)

1763.

bk) Qu. med. quae sint causae musculorum motrices? Vien. 1761. 4.

ck) Edinb. 1761. 8.

dk) Vindic. difficult. Vien. 1762. 8.

ek) Op. anat. min. Lauf. 1762. 4. T. I.

1763.

Leges vero, quas irritabilitas sequitur, nunc primum evolvere FELIX FONTANA: *fk*) ab unica stimulatione unicam musculi contractionem cieri; cor perfecte inanimatum subito quiescere per experimentum in ventriculo sinistro institutum; frigidorum etiam animalium corda in sua inertia diu permanere; ad novam contractionem novum oportere accedere stimulum; oscillationem carniū et cordis frigidorum animalium ab aliis causis continuari posse; in musculo relaxato videri aliquem superesse stimulum, qui sensim increseat, ac demum sufficiens robur nactus, in contractionem erumpat; vim liquidi nervei in corde obscuram esse, cum perpetuo influat, cor vero alterne laxetur.

Iterum comparuit HALLERUS causae dictionis gratia, quam extorquebant criminationes WHYTTII. *gk*) Contra musculum iridis orbicularem non a morte tantum eam constringi adfirmavit, sed etiam per animi deliquium et vim opii, dilatari ab irritatione lucis: demum lucem per conum cavum truncatum ad intimum oculum admotum, pupillam arctasse, cum iridem nusquam tetigisset. Alternam fibrae muscularis contractionem et relaxationem constantem irritationis legem esse, ut WHYTTII ferebat opinio, negavit: continuam enim esse contractionem vesicae, nullam per relaxationem interceptam, etc. Eodem fere tempore

1764.

experimenta, adversus WHYTTIUM instituta, protulit CALDANUS. *hk*)

1765.

fk) de legibus irritabilitatis. recus. Lucc. 1763. 8. [inact. phys. crit.]

gk) Apolog. ad nuperum R. WHYTTII Scriptum. Lbrodun. 1763. 8.

hk) Ep. IV. in Estratto de letteratura Italiana. etc. Ebrodun. 1764. 8.

1765.

Perillustris vero GOLDHAGENIUS, quem summa veneror observantia, insignem eorum in confessu locum meretur, qui neutram in partem propensi, de vi insita meditentur, quam dixerat HALLERUS. ik) Eam itaque probavit, neque a priori, ut aiunt, neque a posteriori demonstrari posse; ex fibrae elementaris compositione rationem irritabilitatis non erui, cum et reliquae corporis fibrae materia glutinosa instructae sint, in quibus vim illam frustra quaeramus, neque dum evictum sit, vasorum, nervorum fibraeque elementaris compositionis modum haud sufficere irritabilitatis negotio; a posteriori vero, stimulos non nisi in fibram elementarem agere, neutiquam intelligi, cum reliquas etiam musculorum partes simulque nervos attingant, neque fibrae simplicissimae conspiciamus motum, quae sensus fugiat, sed compositae, quam vasa ingrediantur ac nervi, quapropter ipsa haec organa in fibrae actionem possint concurrere. An semper viva sit irritabilitas? Probationi haud satisfacere videntur argumenta, quae eam ob rem protulit ROGERUS; nec quidquam certi praedicari potest, an ab omnibus haecenus cognitis viribus diversa sit. An sit nova? Non rei, sed nominis novitatem temporibus nostris assignat, veteres, inquiens, partes sensiles dixisse, quae nobis audiant irritabiles, eodemque modo, quo scholae hodiernae utantur, morborum historias causasque exposuisse.

Primum, quod sciam, accuratas praebuit irritabilitatis et vocabulorum, quae huc pertinent, definitiones. Mutationem quamdam status musculorum interni requiri, ut vis contractionis generari possit,

G

ik) Dubitat. de quadam motus muscularis explicatione. Hal. 4.

possit, ostendit, ideoque actionem corporum exteriorum, qua mutatio illa, ad vim irritabilem generandam necessaria, producitur, *IRRITATIONEM*, quaecumque irritationis rationem in se continent, *IRRITAMENTA*, facultatem denique musculorum sese contrahendi irritatione perpeffa, aut potentiam irritationis passivam *IRRITABILITATEM* dixit. Vis mortuae effectus ex cohaerentia destructa explicuit, et ipsos liquores chemicos membranarum, telae cellulosae, vasorum contractionem ideo ciere suspicatus est, quod vi arrodente horum venenorum cohaerentia quorundam filamentorum imminuatur, et hac ratione illorum aequilibrium pereat.

Tunc temporis PAKENDORFIUS quidam dedit operam, ut leges irritabilitatis generaliores conderet, ^{lk)} in FONTANAE exemplum, quem tamen, ut videtur, ignoravit; nullam enim ipsius mentionem fecit in recensione magnorum virorum, qui hac in re viam aperuerant. „I. Quamlibet irritationem subsequitur violenta fibrae muscularis contractio, ita tamen, ut modo plures alternae contractiones et relaxationes oscillationum instar sese excipiant, sensim elanguescentes, modo unica violenta contractio cum subsequente relaxatione adsit. II. Quamlibet irritationem sequitur motus musculi irritati, irritationi semper proportionatus. III. Contractio musculi ab irritatione facta proficiscens, multitudini fibrarum muscularium irritatarum proportionata est, ita ut posito stimulo quodam, contractio tanto sit maior, quo plures irritantur fibrae. IV. Omnem irritationem graviolem insequitur spasmus, haud vero raro adfluxus etiam humorum maior. V. Omnes stimuli, qui irritabilitatem excitant, videntur ad ea reduci posse, quae

kk) D. de legib. irritabil. general. Praef. EÜCHNERO. Hal. 4.

quae motum tremulum in fibra musculari concitare valent. VI. Stimuli, qui vim sentiendi excitant, irritabilitatem quoque vivam reddunt, et qui huius actionem proritant, illam etiam ad agendum sollicitant. VII. Irritatio non nimis parva ab una parte ad alteram sese extendit. VIII. Gravior irritatio excitat vim sentiendi, nisi sensorium commune in eiusmodi fuerit statu, ut sensatio oriri nequeat; gravior quoque sensatio suscitatur irritabilitatem, nisi haec destructa sit. IX. Differt irritabilitas, siue diversarum unius corporis partium irritabilium rationem habeas, siue diversa subiecta attendas. X. Stimuli ad varias unius corporis partes atque varios homines relati, non unam semper eandemque habent rationem. XI. Subiectum, quo magis est sensibile, eo magis etiam est irritabile, quo vero minus sensibile existit, eo minus quoque irritabile deprehenditur. XII. Irritabilitas unius eiusdemque subiecti partisve tam augeri, quam minui potest, idque dicendum etiam est de stimulorum actione. „

Quantum e re Pathologiae fuerit accurata motus exserendi facultatis contemplatio, vel suo exemplo docet, quem dignitatis atque amplitudinis causa nomino, WHYTTIUS, qui morbis nervorum illustrandis facem praetulit. Haecenus enim parum interesse censeo, animae facultatem istam impertias, an corpori. 1k)

1766.

PLATONIS vero opinionem, per tot seculorum, quam perlustravimus, seriem oblivioni traditam,

G 2

ROBER-

1k) Observations on the nervous, hypochondriac or hysteric disorders. Edinb. 1765. 8. Ab oscillatione vasorum minimorum affectus animi deducit, in quo nimius.

ROBERTUS, nescio quis, in memoriam redigit. mk) Is enim ventriculum animal esse arbitratur, quod sibi vivat, cupiditatum suarum inflammetur incendiis, ac subinde in pertinacia sua (caprices) insistat. Duo etiam magnos districtus habet, quibus interpositum sit istud animal. Dein cuique parti corporis contra HALLERUM suum sensum suamque voluptatem attribuit, et quae sunt reliquae ingenii Parisiensis ineptiae. Morbos existimat *vel* telae cellulosae irritabilitatem augere, *vel* illam ventriculi ac diaphragmatis.

At iure suo egregiorum Belgarum numerum ingreditur celeberr. VERSCHUIR, qui doctrinam de irritatione arteriarum, a GORTERO adumbratam, prolixiori sermone explicuit. Experimenta etiam instituit, atque arteriarum et venarum vim comprobavit irritabilem, et problema de vasorum actione nequitquam mathematicè solvi posse stabilivit. Arterias, ferro raras, ad eam irritationem ut plurimum vidit furdas, nonnumquam tamen contractionem earum excitavit. nk)

In schola Itala contra systema Hallerianum experimenta cepit LORENZO MASSIMI; ok) HALLERI vero causam defendit

1767.

CALDANUS. pk) Nec defuerunt clari viri, qui medium quasi tenerent inter vim insitam HALLERI et contractionem muscularem a nervis oriundam. Ita enim excellentissimus Anglus, THOMAS SMITH qk) inquit:

mk) Traité des principaux objets de la Médecine. Par. 1766. 12.
Res nostra agitur in T. II.

nk) de arter. et venar. vi irritabili eiusque in vasis excessu et inde oriunda suis directione abnormi. Groning. 1766. 4.

ok) Esperienze anatomiche intorno i nervi. Rom. 1766. 4

pk) R. flessione fisiologiche. Venez. 1767. 8.

qk) in tentam. de mot. muscul. Edinb. 1767. 8.

inquit: „musculorum actionem motumque absque omni nervosi, quod aiunt, systematis, nimirum encephali, medullae oblongatae, medullae spinalis vel nervi partis alicuius sensibili auxilio adhuc vigere, et quam facillime excitari posse, minime negamus. Ipsis igitur musculis inesse, ut ita dicam, facultatem quamdam motricem, quae sine alia quacumque vi per totum vitae animalis decursum, quantum haecenus pro comperto habemus, agat, concedamus, necesse est. Quodsi vero haec omnia iure demonstrantur, vim tamen illam musculis insitam aliam esse a substantia nervosa medullari, nequaquam cum HAL- LERO existimandum est. Etsi enim singulae partes nervi proprie dicti, nimirum medullaris substantiae, membranis vestitae, immo et omnis fibra medullaris, quantum a fibris contractilibus distingui potest, procul a musculo relegantur; musculo tamen adesse per totum eius volumen quasi intertextas portiones quasdam nervosae medullae, ei haud absimiles, quae prima nervi et maxime propria pars est, neque vi minori in musculi contractione excitanda pollentes, omnino certum est. Huic igitur *substantiae medullari* facultatem motricem haud iniuria referamus. „

1768.

Irritabilitatem vegetabilium in singulis plantarum partibus explorare, atque ulterioribus experimentis confirmare GMELINUS. rk)

1770.

PRESSAVINI *elasticitas viva* (rk) non diversa est ab irritabilitate HALLERI. A sensu eam distinguit, et

G 3

maio-

rk) D. de irritabil. vegetabil. Tubing. 1768.

fk) Nouv. tr. des vapeurs, ou des malad. des nerfs. Lyon. 1770. 3.

maiolem motum producere statuit, quam quo fibra irritatur. Experimenta aliqua habet; at virium motus animalis scaturiginem cum LA CAZII viribus centralibus coniungit, atque inter organa vitae alterum locum adsignat diaphragmati. Ab interiore sensu, qui summa est sensuum partium corporis omnium, pro ratione sensuum exteriorum motus enasci, in animum sibi inducit. At

1771.

novum satis ingeniosum systema promulgavit JAMES JOHNSTONE, inclytus Anglorum medicus. tk) Ut ad gangliorum perveniret cognitionem, partium functiones examinavit, quibus nervi gangliis exeuntes distribuuntur. Cum motus harum partium (quo cor et viscera pertinent abdominalia) involuntarios esse intellexit et maximi in oeconomia animali momenti, tum ita est argumentatus: motus involuntarii causa in fibris muscularibus sita esse nequit, cum earum in his partibus eadem sit, quae in ceteris, natura; reliquum est, ut inhaereat nervis. Atqui praeter ganglia characterem distinctivum nervi non gerunt; OPORTET ITAQUE, GANGLIA EA SINT ORGANA, QUAE MOTUM CORDIS ATQUE INTESTINORUM REDDANT INVOLUNTARIUM. Sententiam hanc magis confirmaturus, nervum intercostalem, cui ganglia sint super omnes nervos frequentissima, maiorem nervorum partem ad cor atque intestina distribuere docet; ganglion lenticulare totum fere ad vnam tendere, quae motu involuntario gaudeat; nervos a pari octavo ad cor cor emissos omnes fere in cordis integumentis evanescere; partem huius
nervi,

tk) an essay on the use of the ganglions of the nerves. Shrewbury. 1771. 8.

nervi, quae gangliis destituta sit, ad orificium stomachi superius excurrere, et sensationi solummodo tantum non destinata esse, inde intercostali commisceri ad generanda ganglia, quae ad intestina procedant; partem nervorum spinalium, quae ad intercostalem abeat, ganglia habere, non eam, quae pergat ad musculos; ab irritatione medullae spinalis omnes musculos praeter cor atque intestina motibus agitari convulsivis, inde ganglia concludit id maxime efficere, ut pars nervorum ad intercostalem accedens, dimissionem quamdam ab imperio voluntatis impertiat, et gangliis deberi, quod in cor atque intestina nullam vim habeat medullae spinalis irritatio. Diaphragma, addit, suos ab intercostali impetraturum fuisse nervos, si creator voluerit, ut omni omnino voluntatis potentia exemptum esset, at nervum obtinuisse phrenicum, quippe qui nihil ganglii format, ut quodammodo pareret voluntatis imperio.

Nec praeterire possumus JOHNSTONII popularem, SAMUELEM FARRIUM, qui, cum STAHLII fere persequeretur vestigia, ratiociniis metaphysicis [experimenta enim nulla instituit] eo adductus est, ut non animalium tantum, sed etiam plantarum motus a spiritu quodam repeteret, atque ex lucis in plantas imperio animae earum caperet coniecturam. uk)

Summis vero laudibus qui extollatur, dignus est ALEXANDER MONRO. Is enim ut tentamina sua diligenter satis atque accurate fecit, ita in ratiocinando solertissimus fuit maximeque ingeniosus. Inter alia vim opii in ranis expertus est: cuti impositum occi-

G 4 disse

uk) Philosophical inquiry into the nature, origin and extend of animal motion. Lond. 1771. 8.

disse vidit. Spiritum vini edixit minus ranae nocere, quam opium, magis camphoram. x^k)

Prae ceteris vero, qui non negarunt irritabilitatis phaenomena, sed philosophandi rationem super phaenomenis illis et conclusiones, ut vocant philosophi, impugnarunt, inprimis hoc loco a me nominandus est REHFELDUS, y^k) qui hanc de irritabilitate generatim tulit sententiam: vim irritabilem a nervis esse eorumque liquido, arterias tamen, musculos quae adeant, simile forte et liquori nervoso analogum secernere circa fibras liquidum, quod irritabilitatem, a nerveo liquore iam productam juvare aliquantulum possit atque adaugere: eam vim multo latius patere fibris musculosis, et telam cellulosa quodammodo ea gaudere, irritabilitatem enim vim mortuam esse, a liquore nerveo quasi animatam, insigniorem in fibris musculosis ob certam structuram: liquorem nerveum ignis forte materiam habere copiosissimam, sed subtilissima atque optima lymphae nutritiae animalis parte intime sibi commixtam, atque ab ea magis fixam redditam, quam quidem fixa ab electricorum corporum effluviis facta erat electrica materies.

1772.

Membranis etiam irritabilitatem adscribit WILLIAM CULLEN, et *sensationem* inter atque *irritationem*

x^k) in off. and observat. physic. and. litterar. read. before the philosophical society in Edinb. 1771. 8. T. III.

y^k) Diss. an vis fibrarum muscularium innata ipsis inhaereat, an aliunde ad eas accedat? Gryph 1771. resp. fratre. Huc etiam pertinent UNZERUS, (Erste Gründe der Physiologie. Leipz. 1771. et Philosophische Untersuchungen. Leipz. 1773. 8.) de LILLE, (Philos. an madvers. secundum ord. El. phys. HALLER. Franeker. 1772. 4.) KRAUSE, (diss. I. de irritabilit. part. c. h, Lips. 1772.) TRZEBISKY (de irritabilit. et sensibilit. part. corp. animal. Prag. 1772. 4.) c. p. 2.

nem hanc ponit differentiam, ut *illa* sit, quando anima exterioris corporis sibi sit conscia, *haec*, quando effectus per corpus univcrsum didatur. zk)

De irritabilitate nimia, nimis parva et temperamento irritabili differuit JAMES MACKITTRICK. a) Pari ratione morbos eorumque origines, inutationes, exitus, crises, atque admiranda in morbis phaenomena ex irritabilitatis natura explicuerunt, qui omni mea laude superiores sunt, BALDINGERUS b) ac GRUBERUS. c)

Nunc iam per totum fere terrarum orbem divulgatum videmus atque a plurimis receptum irritabilitatis systema. Sed ita fert consuetudo et plerorumque ingenium, ut, quando novitatis gratiam exuerit quaedam opinio, rei taedio confecti atque inventi aestu exstimulati, rebus novis excogitandis mentis acumen intendant. Verumtamen magna est huius generis hominum penuria, qui illustre inventorum nomen suo iure mereantur; sit itaque, ut antiquitatis decreta, quae dadum dediscere aetas, ex tenebris in lucem producta, novo aliquo circumdantur vestitu. Doctrina HALLERI sustinere nunc coepit fati necessitatem, quam diximus, cuius in rei documentum pauca praebebo testimonia. Primum nomino BARTHESIUM quemdam,

G §

1773.

zk) Lectures on the materia medica. Lond. 1772. 4.

al) Commentaries on the principles and practice of physik. Edinb. 1772. 8.

bl) Diss. de irritabilitate morborum genitrice. Resp WEISE. Jen. 1772. Neque ita multo post edidit programma, cuius praefatio illustrat malignitatem in morbis, ex mente Hippocratis, per recentiorum irritabilitatem et sensibilitatem. Gött. 1775.

cl) de excessu vis vitalis vasorum variisque in mach. anim. inde pendentibus phaenomenis. Prag. 1772. 4.

1773.

PARACELSI *Archacum* exsuscitantem, utpote qui neque fines praevisos habet, ut anima, neque impressionibus mere mechanicis regitur, ut corpus; qui per motum musculorum rapidum ac tonum lentiorum agit; humorum miscelam immutatam servat; magnis laesionibus adsuescit; cuique organo corporis sensationem (haec enim a nervis minime omnis pendet) et motum impertit, quo actiones suas perficiat. d) *Archacum* reviviscere vides

1774.

in praelectione quadam celeberrimi MEDICI, cuius in pauca conferam argumentum. e) Homo tribus constat a se diversis substantiis: anima rationali, corpore vique vitali. Corpus est machina mortua, quae vi propria penitus destituta, nullius umquam actionis vera causa existit, sed aptissima solummodo et plane admirabili partium inter se coniunctione ad actiones conspirat. Haecenus praecepta sequitur STANLII; actiones vero vitales proprio cuidam adsignat principio, quod ab animali diversum, nec voluntati subiectum sit, et pariter in brutis reperiatur, quae nullam habeant sui conscientiam. Hoc tamen principium non secus ac rationalem animam ipsam, a qua distinguit, ut ens immateriale considerat atque immortale. Quapropter actiones hominis nullas quidem ab eius corpore, omnes autem ab anima et vi vitali repetendas esse existimat. — Ecce notas, quibus vim vitalem ab anima distinguit MEDICUS.

1) ACTIO-

d) de princ. vit. hom. Monspel. 1773. 4.

e) v. d. Lebenskraft. Manh. 1774. Antehac propensionem plantarum, quam vocat, ad copulam haud sine sensu, motu voluntario, vita animaeque vegetabili comprehendi posse, sagacissimus rerum naturae sibi persuasit. Comm. de reb. in Sc. nat. et med. Vol. XXII.

- | | |
|---|---|
| <p>1) ACTIONES, QUAE AB ANIMA PROFICISCUNTUR, NON SINE CONSCIENTIA FIUNT ET VOLUNTATIS ARBITRIO.</p> <p>2) FACULTATES ANIMAE PAULATIM INCRESCUNT, ET NON NISI PER GRADUS AD ALIQUAM MATURITATEM PERVENIUNT.</p> <p>3) OMNES ACTIONES, QUAE EX ANIMAE CUM CORPORE SOCIETATE FLUUNT, PERPETUO SEQUITUR QUÆDAM DEFATIGATIO.</p> <p>4) VOLUNTAS, QUAM ANIMA SUBMITTIT, VIM NULLAM HABET IN ORGANA VITALIA OB GANGLIORUM RESISTENTIAM, QUAE ERAT SENTENTIA IOHNSTONII.</p> | <p>1) VIS VITALIS ACTIONES UTRAQUE CONDITIONE CAERENT.</p> <p>2) VIS VITALIS DIRECTIO DEFINITA EST A PRIMO CONCEPTIONIS MOMENTO, NEQUE AUGERI POTEST NEQUE IMMINUI PRO MENTIS ARBITRIO.</p> <p>3) NON DEFATIGATUR ARCHÆUS.</p> <p>4) VIS VITALIS, QUAM IN CEREBRO COLLOCAT MEDICUS, GANGLIORUM RESISTENTIAM FACILE SUPERAT.</p> |
|---|---|

Antiquissimam vero doctrinam, hætenus neglectam, de principio sanguinis vitali, plurimis argumentis confirmare studuit HUNTERUS, f¹) quorum non

f¹) Medical and philosophical commentaries. Lond. 1774. 8. Vol. II. P. II.

non alienum videtur exhibere conspectum: 1) *Sin rerum, quae circumstant, faveat conditio, sanguinis beneficio similiter conglutinantur solida viva, ac ramus arboris illi alterius arboris coagmentatur ope succorum recentium.* — Quodsi alterutrum horum fluidorum instar mortuae sese haberet aut peregrinae materiae, (extraneous matter) irritando ageret, conglutinationem efficeret nullam neque in animali, neque in vegetabili corpore. Experimentum etiam instituit, quod pondus huic rei adferret: testiculum, gallo exemptum, gallinae abdomini inseruit; postmodum, cum hepatis gallinae iniectionem fusciperet, galli testiculum, hepati adhaerescens, iniectione vidit repletum. 2) *Sanguis vivarum instar partium vasculosus evadit.* — EX HUNTERI sententia sanguinis in arteriarum extremitatibus post amputationem coagulum ea ipsa impletur materia, quae in vasa arteriosa impellitur. Egregium haecenus praeparatum asservat, ut aiunt anatomici, quo sibi ad oculos demonstrare videtur vascula, quae a centro coaguli enata in oceanum sanguinis circulantis desinunt. 3) *Sanguis in extremo, quod corpus sustinere potest, frigore e vena in brachio secta detractus, non minorem ad altitudinem extollit thermometer, ac sanguis inter aestum emissus, qui vel ad eum erectus est gradum, super quem ascendi vix potest.* — Huic potissimum argumento magnam vim inesse existimat HUNTERUS ad vitam sanguinis comprobendam; quandoquidem non nisi quae vita gaudent corpora, extremo et calori resistent et frigori, nullamque exinde commutationem percipiant. 4) *Sanguis in actum deducitur per stimulum.* — Vt aëris accessus partium in thorace atque abdomine contentarum inflammationem producit, ita coagulatur sanguis aëri expositus, eoque citius, quo

ma-

magis vegeta est vis sanguinis vitalis, hoc est dicere, quo sanius animal. Sin vita languescat, ut in inflammatione quadam graviore, minus sentit aëris stimulum, et lentius procedit concrementum sanguinis. 5) *Sanguis vitam sustentat diversis in partibus corporis humani.* — Nervis ad partem quamdam migrantibus ligatis resectisve, paralyti afficitur ista pars, omni-que motus exercendi facultate privatur, non vita: arteria resecta, corruptionem subit, vitae non amplius particeps.

Neque tamen HALLERI auctoritatem imminuere potuerunt, quae collustravimus, systemata. Primum enim BARTHESII Archaeum in Gallia sat leviter tulisse videntur, rerum vero, quas commentus erat in Germania MEDICUS, sensim evanuit memoria, posteaquam ab imo subrutae fuerant a Perillustri KEMMIO, fautore meo ac praeceptore, quem aeterna recolam pietatis memoria. g¹) HUNTERI quidem doctrina magnam consecuta est sermonis hominum celebritatem, et Anglorum fuerunt plurimi nec pauci nostratium, qui in novam irent sententiam. Ast horum copiola ne comparanda quidem est cum ingenti vi hominum, qui adhuc ab Hallerianis stant partibus, atque in solidorum, non sanguinis, irritabilitate omnem vitae dotem reponunt. Nec defuerunt, qui diversis rationibus HUNTERI *living principle* sanguinis convellere studerent, quibus annumerandus est Dr. HENDY. h¹) Caussae vero patronus exstitit LEWISON, eamque defendit quam vehementissime in libro, quem supra laudavimus. i¹)

Dubi-

g¹) D. de vi vitali in quamdam celeberr. MEDICI de eadem materia praelectionem. Resp. STOR. Hal. 1777.

h¹) an Essay on glandular Secretion, and an Enquiry into the Opinion of Mr. HUNTER, that the Blood is alive. i¹) Not. m.

Dubito tamen, an quisquam eorum, qui famam affectantes, partes HALLERI nuperrime deferuerunt, aequae se dederit turpiter, ac MARATIUS iste, qui

1775.

temporum nostrorum adeo celebrata claritate LECARTII fluidum nerveum, semi-spirituosum ac semi-gelatinosum, quod motus esset principium, in scientiam introduxit medicam, fabricamque muscularem, ex bullis liquoris bullisque aëreis compositam, eo usque operam suam consumpsit, ut expressam daret iconibus. Denique ne leges motus animalis MARATIUS omisit: fibrarum enim energiam, inquit, eo potentiores esse, quo longiores sint ac tenuiores, energiam fluidi nervei tanto maiorem esse, quanto sit tenuius, fibram eo tenuiorem, quo plus contineat liquidi. kl) Magis placet PRIESTLEYI phlogisticon, a quo motum deducit muscularem. ll)

At FELIX FONTANA multa nunc addere irritabilitatis, quas antea proposuerat, legibus. Cor non evacuatur, perpetuo adeo irritatur, nec tamen perpetuo contrahitur: vi enim irritabili, a stimulo enatae, definitum est tempus, quo elapso evanescit, etiamsi irritare pergat stimulus. Magnum est inter causam irritantem et motum efficientem discrimen: illa non perinde ut ista proportionalis est effectui. Animal rotiferum pro arbitrio cor suum movet; tam diu enim movetur, quam diu agitantur brachia. Cor non est ultimum mobile, neque diutius irritabile musculis; perpetuo movetur ob musculi constantiam atque irritabilitatem per habitum agendi adauctam.

Muscu-

kl) de l'homme et des principes et des loix de l'infl. de l'ame sur le corps et du corps sur l'ame. T. II. Amsterd. 1775. 8.

ll) Exper. sur différentes sortes d'air. Par. 1775. 12.

Musculus a morte laceratur a pondere, quod vivus idem elevat, vivus enim vi duplici pollet, irritabili et mortua, mortuus hac sola. Vipera atque scintilla electrica irritabilitatem delendo, induc[t]a putredine occidit. m^l)

1777.

Longe feliciori successu, quam ceteri, doctrinae Stahlianæ in Germania quodammodo vindicem se præstitit egregius ille, quem vicina Lipsia tenet, philosophorum medicus ac medicorum philosophus. Quis non intelligit, me suspicere hoc loco magnificum PLATNERI ingenium, ut elegantiae sensu, sic exquisito iudicio ornatissimum? Is, ut paucis dicam, inter utramque HALLERI et STAHLII sententiam extremam in medio quasi consistit, in nervis collocat vitæ principium, sed idem cum mente paullo arctius copulat, quam HALLERO placet, multo tamen laxius, quam STAHLIO. n^l) Neque anatomicam nervorum definitionem sententiæ suæ subiicit, i. e. non ipsos intelligit nervos, quales anatomici dicunt manibus-contrahant, sed partem eorum efficaciorē, in crassiore illa textura reconditam, quam *propriam* dicit corporis humani, ab *adventitia* parte, quæ telam cellulosam constituit, longè diversam. Pars propria utpote quæ nobilioribus constat substantiis, animæ societate utitur, et duplex efficit animi instrumentum: *primarium*, nobiliori sensuum et phantasiæ ministerio propositum, ac *secundarium*, quod in ceteris partibus nervosis dominatur, membris, musculis, visceribus, glandulis, vasis. *Illud* eas animæ ideas suppeditat, quæ proxime ad vitæ huius consilium et finem spectant; *hoc* confusas excitat atque obscuras

m^l) Recherche philosophique sopra la fisica animale. Florent. 1775. 4.
n^l) Disp. Not. t. supra cit.

ras perceptiones, quarum nulla est alia utilitas, nisi ut partes, primarii instrumenti commoditatibus inservientes, vitali quodam motu sustententur, qui motus vim quamdam animi ideoque sensum videtur exigere, id quod oeconomiae animalis adumbratione declarat. Neque ideo in fibra musculari sedem habet irritabilitas, sed in propriae partis substantiis, idemque est et sensus et irritabilitatis instrumentum, omnisque irritabilitatis effectio cum quadam animi perceptione coniuncta est, quam animi quidam nisus atque in nervos impulsus comitatur, etsi utraque vis cogitando seiungatur ab altera.

At ludere videtur ingenio THOURRYUS, qui de nervorum actione plane lepidam, opinionem dicam? an fabulam exposuit. ^{o1)} Electricitatis et *positivae*, quam dicunt, et *negativae* in cerebro constituit domicilium; *illam* in substantia medullari inhabitare existimat, *hanc* in corticali; utrique proprium esse nervorum seu conductorum genus; nervos alios [les nerfs en moins] ab extremitatibus ad cerebrum electricitatem deducere, alios [les nerfs en plus] in musculos atque extremitates derivare a cerebro; publicum denique in cerebro exstare electricitatis emporium, quod si in glandula pineali aut eius basi aut alia quacumque parte reponas, ipsi supposita, non valde dissentientem habebis THOURRYUM. Sensationes itaque ope nervorum adducentium perficiuntur ab electro, quod in nos agit, corporum externorum; motus vero musculares a fluido electrico, quod suppeditat anima. Cuius simul atque ad motum fertur

o1) Journ. de Physique. Juin. 1777. T. 9. Dissertation, qui a remporté le prix à l'academie de Lyon sur cette question: l'électricité de l'atmosphère a-t-elle quelque influence sur le corps humain? et quels sont les effets de cette influence?

tur voluntas, sensorium commune tumultum, nescio quem recipit, perturbatur aequilibrium fluidi electrici, ex glandula pineali in nervos derivantes irruit fluidum, ac similem turbam in munculo excitat; is sese contrahere, relaxari antagonista, dum ad cerebrum discedit electricum fluidum, quo revocatur ob vacuitatem emporii publici.

JOHNSTONII de gangliorum utilitate systema non ignoravit HALLERUS, et probe intellexit, quademum vi argumentorum ad coniecturam huiuscemodi capiendam fuerit adductus. Plurima enim in ramis nervorum sympathicorum inveniuntur ganglia, et multo maiori, quam auctores perhibent, numero; multa habet plexus cardiacus, et nervi molles, magno ganglio cervicali superiore egressi, eorum haud exiguum generant partem. Sunt etiam in plexibus, qui arteriam coeliacam et duas mesentericas amplectuntur; sunt in plexu renali. Nec tamen JOHNSTONIO de hypotheli sua assentitur HALLERUS; dari enim ganglia, inquit, quae nervos emittant motibus voluntariis manifeste inservientes, qua gratia observationes laudat anatomicas. Ganglion ophthalmicum, quod non nisi motui iridis involuntario destinatum esse voluerat JOHNSTONIUS, a pari tertio, aut huius coniunctione cum ramo primae divisionis paris quinti exsurgit; unus alterque horum nervorum ad musculos proficiscitur, quorum motus plane sunt involuntarii. Nervus sphaenopalatinus ramos mittit ad musculos palpebrarum, ad musculos faciei, musculum temporalem, velum palatinum, etc. Nervus lingualis in glandula maxillari ganglion habet, cuius ramificationes ad musculum genioglossum feruntur. p^l)

H

1779.

p) Supplement a l'Encyclopedie de Paris. Amsterd. 1777.

1779.

Nuper SIEGWARTUS multum dedit nervorum vaginis in motu musculari, qui logicam ac systematicam formam argumento suo accommodavit, quod maxime in eo versatur: erroneam quidem adeoque heterodoxam esse eorum opinionem, quia nervorum ut talium elasticitate, tensione et vibratione eorum phaenomena deducant, atque actionem illi chordarum similem imaginentur, nervorum tamen vaginis vim elasticam denegari nullo modo posse. Corporibus undecumque tractis, una trahi, quae ipsis annexa sint, nisi quid obstat: nervorum vaginas mediante textu celluloso partibus vicinis proxime annecti: earum itaque intercurfu et attractione una attrahi partes ipsis annexas. Tractis igitur tenuissimarum fibrarum nervearum vaginulis, fibris musculosis, quod sit verosimile, insertis, una trahi fibras musculares, adeoque ex his constructum totum sic trahi musculum ac breviorum reddi: illis vero remittentibus, has partes pari modo remittere. In nervoso vero systemate residere istam potentiam, quae nervorum vaginas moveat, distendat, trahat. Ea quae sit deum, relinquit in medio. q^l)

Hoc loco opprimere non possum C. L. HOFFMANNI r^l) mentionem, qui diversam diversarum partium in statu sanitatis *agilitatem* s^l) novissime disposuit, quae vi vitali ac fibris instructae sunt muscularibus. Primum habet *Sphincteres canaliculorum cutaneorum*, qui perspirabile ferunt: ad quorum coangustationem

q^l) D. motus muscularis primarii organon immediatum nervorum vaginae. Resp. PERRENON. Tubing 1779. 4.

r^l) von der Empfindlichkeit und Reizbarkeit der Theile. Münster.

1779.

s^l) Irritabilitatis s. mobilitatis vocabulum rei minus accommodatum censet.

nem non nisi levissimus irritationis gradus requiritur, quem littera *a.* notat. Si paululum intenditur iste gradus, *venularum minimarum* fit coarctatio neque tamen tanta, quae sanguinem rubrum excutiat; magis coangustantur sphincteres cutanei. Hanc irritationis mensuram *b.* designat. Ita irritatione per gradationem adaueta, *vasa serosa crassiora* se contrahunt, ex ulteriori venularum remificatione oriunda, quorum agilitas illam venularum excipit; sphincteres cutanei et venulae ea vi constringuntur, quae materiam retineat perspirabilem, et sanguinem rubrum extorqueat. Gradus irritationis *c.* erit. Tum *cordis* atque *arteriarum* pulsatio vim maiorem acquirit; cordis enim arteriarumque agilitas infra illam venularum et vasorum hydrophororum consistit. Gradus irritationis *d.* erit. Cum venularum minimarum praecipua sit irritabilitas et magna fibrarum orbicularium teneritudo; facile est intellectu, irritatione incrementum mox eo redactum iri venulas, ut prope modum aut omnino ultimas vires infumant, quae vires vix et ne vix quidem intendi ultra haec possunt. Atqui cor et arteriae non aequae irritabiles sunt, ac venulae, cordis vero atque arteriarum fibrae orbiculares, quibus debetur pulsatio, maius robur sunt natae, quam fibrae orbiculares venularum; fieri itaque non potest, quin venularum strictura a vi cordis arteriarumque pulsatili tandem superetur, venulae dilatentur, et sanguinem rubrum iterum admittant. Gradum irritationis, ad effectum hunc necessarium *e.* dicit. Quodsi cordis atque arteriarum agilitas eo usque augetur, ut nihil fere aut nihil omnino amplius augeri queat; gradus irritationis *f.* erit. Ad coarctationem *arteriolarum minimarum* potentior requiritur irritatio, quam ad excitandas ultimas vires

cordis arteriarumque. Hanc *g.* nominat, cuius ab augmento cordis atque arteriarum vires ultra augeri non possunt, arteriolae minimae vero magis ac magis coangustantur, ita ut et venulae minimae, in irritatione *e.* a sanguine arterioso distensae, denuo arctiores reddantur, et sanguinem rubrum expellant. Is gradus irritationis *h.* erit. Si arteriolae et venulae minimae ea energia constringuntur, ut sanguis resistantiam istam haud amplius superare queat; sanguinis motus cessabit, et mors aderit aut adfectus synopticus. Hunc irritationis gradum *i.* designat. *Arteriarum* denique ac *venarum maiorum* cava fere non imminuuntur, nisi spirituum acidorum acerrimorum aut ustionis accedat irritatio. Is irritationis gradus *k.* erit.

Irritatio, qua opus est, ut *motus peristalticus ventriculi atque intestinorum* invaleseat, *d.* maior adeoque *e.* erit. Intestinorum agilitatem illa sequitur *musculorum*, qui *motus voluntarios efficiunt*, quorum oscillationi producendae irritatio *f.* aut paullo fortior sufficit. *Vesica urinaria*, *intestinum rectum* et *ventriculus* ita se habent, ut si modice repleta sint, irritatio *e.* contractioni atque expulsionem contentorum sufficiat; sin vacua, vel irritatio *i.* nullam vim habeat *e. q. f. r.* Ex hac irritationum mensura phaenomena diiudicavit, quae diversos animi adfectus comitantur, etc.

1781.

Summus PLATNERUS iterum comparuit, ut principem illam quaestionem de motu vitali breviter retexeret, ac singula ponderaret HALLERI potiora argumenta, quibus illa Stahlianæ doctrinae confutatio concluditur atque comprehenditur. ¹⁾

At

1) Disp. quae sistit repetit. brev. et assert. doctr. Stahl. de motu vitali. Ass. KASTEN. Lips. 1781. 4.

At mirum videtur, nostris temporibus, ubi mirabili quidem naturam animatam speculandi cupiditate flagrant, nullum dum fuisse inventum, qui certas erueret sympathiae leges, quas ab irritabilitatis legibus dirimere nullo modo possumus. Viam pandit, cuius vestigiis utinam multi inhaereant, celeberrimus C. F. DANIEL. ul) „Haec, inquit, *virium impetus* lex esse videtur, ut impetus vis unius augeatur sub imminuto impetu vis utriusque reliquae, ex eoque potissimum rationem sufficientem passionum, maxime deuteropathicarum deducit. *Sympathiae* leges generales proponit: I. *Nititur affinitate virium*: a. *perfecte similia*, v. c. Sensibilitas, sensatio variarum partium, irritabilitas, rel. agnoscit legem: maior vincit minorem, atque cum maiori impetu virium aequilibrium affligit. b. *proxime similia*, v. c. vis nervosae atque irritabilitatis, irritabilitatis et vis mortuae. II. *similitudine structurae*. III. *nexu partium*. Sympathiam etiam in *internam* atque *externam* distinguit, ut *illa* denotet sympathiam, per ventriculi et intestinorum modificationes explicandam, *haec*, quae alii rationi debetur. Quoad *internam* in universum has leges condit: a. Sensibilitate gastrica (ventriculi et intestinorum) aucta, imminuitur eius irritabilitas, hac imminuta augetur palpitatio, etiam cellulosae competens, seu vis etiam mortua. b. Irritabilitate gastrica aucta, imminuitur irritabilitas cordis, augetur irritabilitas vasorum: et contra, imminuta alienatio similis. Quod *externam* attinet, notandum potissimum est, sympathiam esse aliam, cum tono, secundum latera hominis. Inde originem petit aegritudinum simplicium: laxitatis, teneritudinis, rigiditatis, etc. „

H 3

Oppor-

ul) Syst. aegritud. Lips. 1781. T. I.

Opportunitatem oblatam praetermittere non possum, quin publicas gratias reddam viro egregio, qui mihi libellum hunc conscripturo pro ea, qua me complectitur, humanitate ac benevolentia, librariam suam adeundi, potestatem concessit.

Ad extremum id unum addam, nobilissimam philosophicam experimentalem societatem Batavam ipso hoc anno doctis viris de *vita corporca* proposuisse quaestiunculam, sed quaenam fuerint ad eam responsa, haecenus me fugit.

Mancam quodammodo et inchoatam videtis historiae irritabilitatis delineationem, quam si licitum fuerit ex HORATIO praecepto nonum premere in annum, omnibus forte numeris exhibuerim perfectam. At temporis ambitusque sat exiguis finibus contentus, qua ratione potuerim planissime exponere omnia, quae ad rem equidem pertinere intelligo? — Sufficiant itaque primae, quas duxi, *initiorum progressumque irritabilitatis* lineae; quas dum respicio, recte intelligere mihi videor:

1) Nihil in rerum natura, quamvis primo intuitu parvi momenti esse videatur et minus dignum attentione, a philosopho negligendum esse partibus suis satisfacturo; ab exiguis enim initiis originem trahere dogmata, quae scientiis generique humano summo fuerunt emolumento.


2) Antiquissimas gentes non ita sensus humani fuisse expertes, quin in summam abriperentur admirationem vitalis, quo corpora animata sunt, principii, quodque praestantissimum est divinae potentiae indi-

Indicium, quatenus ad rem percipiendam apti erant, perferutarentur homines. Falsae religionis *daemones*, *anima sanguinis*, *anima sensitiva*, PLATONIS *animalia*, *calor primigenius*, *impetum faciens*, *natura*, *spiritus vitales atque animales*, *Archaeus*, *anima Stahlii*, *vis tonica atque elastica*, *elasticitas viva*, *microcosmetor*, *cardineleclus*, *gasteranax*, *vis vitalis*, *vis irritabilis fibrarum atque insita*, e. p. a. diversae sunt denominationes, quae in universum rem unam innuunt atque eamdem.

3) Qui statum artis medicae, qualis olim fuit, illi nostrae aetatis comparat, atque attente secum repetit, diffiteri non potest, a receptoribus, et potissimum a medio Sec. XVIII. irritabilitatis doctrina theoriā fuisse correctā, indeque haud exiguum fructum cepisse scientiam medicam. Alii enim morbi eorumque symptomata non solum plerumque sanari non possunt, sed deteriora etiam redduntur, si medicus statum irritabilitatis vitiosum in indole eorum atque origine investiganda negligat; aliis, qui per se quidem mechanici sunt, atque ex depravata structura organica oriuntur, brevi tamen gravia sese adiungunt ac periculosa symptomata, quae ex nimia irritatione, nimio irritabilitatis excessu varioque partium consensu producantur. Medicamentorum etiam, imprimis stimulantium, cathartorum, emeticorum, diureticorum, vesicantium aliorumque, tum anodynorum, quae motum nimium compeſcant, melius inde comprehenditur actio, iustusque eorum usus diiudicatur. Caveamus tamen, ne irritabilitatis ac sensibilitatis studio in errorem deferamur magni viri, qui vel ipsam dysenteriam morbis nervorum adnumerare non admodum dubitavit.

4) Vis insita HALLERI non destituta est omni difficultate. Neque in structura latet, neque in nervo contractilitas viva; nervus tamen conspirare videtur cum structura ad vim irritabilem, atque in eo differre contractilitas viva a contractilitate mortua. Ast ubi limites mortuae contractionis? ubinam haec transit in illam? qua gradatione transit? quibusnam demum conditionibus? — Haud sane intra musculorum imperium subsistit irritabilitas. — Experiamur, si forte aliquam lucem affundat status morbosus,

T A N T U M.



Errata.

Pag. 13. lin. 9. *Stbaliani*, lege *Stabliani*. pag. 16. l. 17. *Corn*, lege *Coum*. pag. 24. l. 13. *animaverfumque*, lege *animadverfumque*. pag. 51. lin. 30. *expandendentem*, lege *expandentem*. pag. 52. l. 27. *aegitudinem*, lege *aegritudinem*. pag. 55. l. 13. *propiam*, lege *propriam*. pag. 76. l. 28. *publicaveras*, lege *publicaverat*. pag. 78. l. 25. *pradiximus*, lege *praediximus*. pag. 96. l. 32. *de*, lege *della*.

HUMANISSIMO WEBERO,

SUMMORUM IN ARTE MEDICA HONORUM

CANDIDATO MERITISSIMO,

S. P. L. D.

D. IOANNES CHRISTIANUS
WOLTAER,

IUR. PROF. PUBL. ORDIN. ET P. T.
FRIDERICIANAE REGIAE
PRORECTOR,

Num adeo mirum, me conspici inter Illos, qui Tibi summos in Medicina honores gratulantur? Num Medicinae et Iurisprudentiae fines tam longe distant, ut Ictus quasi furti reus videatur, qui, quae in Medicina geruntur, curet? Sin omnes, Tu non ita de me et mea arte senties. Arctiori certe vinculo artes, quas profitemur, iunguntur, quam vulgus forte opinatur: et criminum vindex, rem enim et unico exemplo probare placet, dum de homicidiis cognoscit, aut de malis venenis, aut de partu impie occiso, vix quae suarum partium sunt rite agat, salutaris artis principiis destitutus. Numne haec sufficient? Quis iurisprudentiae operam dans, adeo omnem omnino humanitatem exuisse videndus, ut morborum cruciatus delicias crediderit,

derit, optaverit: ut morbo correptus nihil sui interesse putaverit, cuius opem auxiliumve expetiverit. Igitur satis liquido constare suspicor ad Ictum pertinere curam eorum, quae a Medicis fiunt, quique Medici fiunt. Quae cum ita se habeant, cumque Te familiariter admodum usus sim, quod lubens feci, ex quo Te propius cognoscerem, Tuam haud vulgarem doctrinam animadverterem, morumque Tuorum elegantiam et venustatem cernerem, cumque nemo mortalium me vivendi studio vincat ac ardore, ratio certe in propatulo est, quae me huc hodie compulit. Multos quidem Doctorali laurea donatos Alma nostra Fridericiana dimisit, indignos quidem suspicor nullos, Te vero digniorem, admodum dubito. Ut disceres egregiam artem egregie, omni opera semper es enisus, ingenii egregiam indolem et studiis, quae ab humanitate nomen sortitae sunt, omni modo auxisti, et ita instructus, postquam inter suos Te receperat Fridericiana, audivisti Aesculapios nostrates. Paucis, ita vixisti apud nos, ut, dum laudas BOEHMEROS, KEMMIOS, GOLDHAGENIOS, MECKELIOS, VV. Cl. et in Arte sua certissime Principes Tuos praeceptores, hi sibi gratulentur, Te docuisse artem, quae Tibi et nomen, opes, et civium servatorum vota spondet. Iam age res Tuas feliciter! Dab. e Museo, d. II. Dec.

CLIOCCCLXXXII.

PRAESTANTISSIMO ET PRAECLARE DOCTO
D N. W E B E R O ,
CANDIDATO ARTIS NOSTRAE
D I G N I S S I M O ,

S. D. P.

D. PHILIPPUS ADOLPHUS
B O E H M E R ,
FACULTATIS MEDICAE SENIOR
ET H. T. DECANUS.

Solemnis, docte elaborata Commentatio, TE, Can-
didate Dilectissime, bonarum artium fautoribus
de optima nota commendat. Argumentum et tempori
dignum, et Publico utile, TIBI elegisti; cum nun-
quam opera in novò perficiendo invento perdat, sed
veritas indefesso potius scrutinio, philosophico-medico,
magis magisque eruatur clariorque reddatur. Orna-
sti rem eleganti scribendi genere, semper TIBI fa-
miliari; solida autem rerum omnium, quas didicisti,
fundamenta in hac Musarum sede iecisti, inque illa
et virtutum laude, et morum elegantia, et diligentiae
studio praeluxisti, atque spem, quam de TE cepit
Ordo Medicus, non implevisti tantum, sed longe
etiam superasti. In tramite laborum elegisti TIBI
amicitias paucorum, sed meliorum, et intimus mihi
reli-

reliquisque fidelissimis Praeceptoribus TUIS, imo omnibus Sapientissimis fuisti, quos in scientia medica et philosophica tuto sequitur erectus quisque et sublimis animus. — Ducam TE in cathedram, quam ante aliquot annos iam ornasti, inque loco superiore, quo TUA TE virtus evocavit, praemia laborum, digna meritis TUIS, TIBI ex decreto Gratosi Ordinis, tam in Medicina, quam Chirurgia legitime conferam, atque TE bonis omnibus prosequar. Iam votorum meorum summa est, ut Supremum illudque Benignissimum Numen TE, in spem patriae, orbis eruditi ornamentum et aegrotorum solatium natum, servet saluum sospitemque quam diutissime, atque exoptatum hunc diem omni felicitatis genere abundantem esse iubeat. Vale. Dab. e Mus. Halae d. II. Decemb. CIOIOCCCLXXXII.







